


35-3-A-50  
1  
ILLVSTRI AD MO-  
dum viro D. Gabrieli le Veneur,  
Ebroicen. Ecclesiæ Præsu-  
li dignissimo, F. Claud.  
Spinæus, Prædica-  
tor Theologus.  
S.



*Um hunc libellū nostrā  
interpellatiōe & opera  
viderem praelo accin-  
gi, de eonūcupādo capi  
ogitare: ut auspicijs a-  
lienīs aliquādo illustri-  
or prodire cōspiceretur.*

*Tumque existimaui dignum, si illum ascri-  
berem viro qui dignitate & virute libelli  
meritum vel equaret, vel superaret. Quem  
te vnum comperisse, S. Præsul, mihi haud  
dubie persuadent tuæ fidei integritas, lite-  
rarum (etiam sacrarum) præstans cogni-  
tio, cætera item multa de dotibus tuis, cum  
generis tui, tum virtutum tuarum splendo-  
re clarissimis, signa ut certissima ita notis-  
sima emelīs. Quibus pulchrè admodum cū*

huius libelli authore docto siquidem & do-  
 ctè Christiano, conspici videtur. Qui illu-  
 strissima Ferrariorum gente exoritur, vir-  
 tutibus & literis sic excelluit, ut inter non  
 modò ordinis nostri, sed & vniuersitatis  
 doctissimorum virorum proceres, summus,  
 summoq; honore dignus haberetur. Quin-  
 que (quoad vixit) ad religionem Christia-  
 nam desiderium sic incessiuit adeoque fla-  
 grans, ut scriptis varijs, nunc aduersus gen-  
 tes, nunc aduersus pestilentes hæreses, cum  
 statuere, confirmare & defendere semper  
 insudarit. Cuius viri zelo, pietate ac studio,  
 non inferiorem ausim te (cura assentatione)  
 predicare. Qui quàm vigili assiduq; sol-  
 licitudine, quantaq; morum puritate, quan-  
 ta insuper sinceritate doctrina susceptum  
 gregem Christi curaueris: ac demum ille-  
 sum inaccessumque à lupis protexeris. Nunc  
 tanto Præsule gaudens, testatur Ecclesia tua  
 Ebroicē. ab hæresi omni inter reliquas re-  
 gni Gallici partes incōtaminatior hucusque  
 gloriosè perscuerans. Quibus verò modis id  
 effeceris, silentio præterire nequaquam mi-  
 hi visum est. Eoq; lubētius quo cæteris Præ-  
 sulibus, veri Episcopi munus clarius affol-  
 gere possit. Quum etenim probè scires Chris-

Stianam fidem iisdem artibus multò melius  
 retinendam esse: quibus iam olim nata fue-  
 rat & propagata, viros tibi ascivisti, piete-  
 te & literis conspicuos. Quibus plus valui-  
 sti ad gregem tuum incorruptum conservan-  
 dum, quàm armatorum fulgentibus corpùs.  
 Tamen si nō ignorem ijs fidei pertinacis ho-  
 stes, in eamq; blasphemos (quibus Euangeliū  
 impunitatē nequaquā affert) atrocius quāq;  
 insectandos. Quid amplius? Ad hæc addu  
 (quod dissimulare nequeo) curā & iudiciū,  
 quo adolescētes ingenio præstātes ex humi-  
 lib<sup>o</sup> tectis requiris, hosq; demū literis piē in-  
 stituendos, in gymnasii & academijs libe-  
 raliter tradis, ut postera ætas haud ser te ca-  
 reat viris, quibus Ecclesiā Christi tūc con-  
 veniat diffusari. Quæ tibi vinam similes  
 multos dudū habuisset, qui propenso ad eò  
 studio quod ad eorū Ecclesiā attinebat cu-  
 rasset: non sic hæreses irrepissent, aut non  
 usque adeo adoleuissent, schismata non sic  
 peestrepent, non denique sic afflicta Ec-  
 clesia lugeret: sed sua unitate gauderet,  
 sua prima uā floreret sanctitate. Quæ ma-  
 la nobis emerferūt (non dubito) pastorū inin-  
 tia, qui quæ sua sunt quæretes postremā aut  
 nullā curā eorū habuerūt quæ sunt Christi.

Tu verò perspectā optime habens tui mun<sup>er</sup>  
ris rationē, perge bene cepta nunquā inter-  
missurus. Hocq; insigne opusculū, de Libe-  
tate Evangelica, viro nobilitate & cōditio-  
ne præcipuō editum tua illustris dominatiō  
suscipiat. Quod quum per manus traderet,  
tandēq; peruenisset in manus Doctōri cele-  
berrimi F. Ioannis Benedicti, nostrī cœnobij  
Parisiē. Regentis primarij, ab eōq; iudiciū  
accepisset, quo prodiret in lucē, ut dignū do-  
ctissimorum lēctione, adornandum suāsu il-  
lius suscepi, tibiq; tanquam Pontifici deci-  
mus mēorū studiorum consecrandum. Quod  
tanto avidius leges quo censurā accepit ab  
illo Benedicto suo, omnium quos nostrā etate  
Europa tulit, theologi pietate & literis  
integerrimo: cuiusque lēctione animosius Li-  
bertatem nostrā Christianam aduersus  
quosque hostes defendes. Quod speramus et  
precamur Vale Antistites amplissime, A-  
thenis Parisiorum, duodecimo Cal. Ianuarij.



4


REVERENDISSIMO  
mo in Christo Patri, ac Domino,  
D. Laurentio Puccio, Sanctorum  
Quatuor Coronatorum Car-  
dinali, Prædicatorū ordinis  
protectori, Frater Frāciscus  
Siluester, Ferrariensis,  
eiusdem ordinis Ma-  
gister generalis  
Sal. dicit.



N ea calamitosa incidi-  
mus tempora, Reueren-  
dissime Domine, vt ne-  
mo Christianus sit cen-  
sendus, qui pro Rom. Ec-  
clesiæ dignitate pugnā  
non capefferit. Nam vs-  
que adeo pestilens ille Lutheranus morbus  
inaaluit, vt non solum Germania, verum &  
Italia, magnam partem (vtinam me mea fal-  
lat opinio) occuparit. Id quod sanē (si ita de a-  
nimo, sicut de facie cognoscerēt homines) per-  
spicuō fortasse cerneretur. Semper quidem  
Rom. Ecclesia perditorum maleuolorum-  
que hominū morsibus patuit, semperque il-

lius moribus est detractū. At nunc non mori-  
bus tantū, sed fidei, sed legibus, sed sanctio-  
nib<sup>9</sup> vulgò detrahatur: quo sit, ut ij qui aliquā  
sacris literis nauarunt operam, nisi omne stu-  
dium, officium, ingeniū in ea exornanda pro-  
fuderint, hominū male de Christiana Religioe  
sentientium cāūniā sint subituri. Ceterū quū  
plerique doctissimi viri contra Lutherum,  
execrandam certe Christiani nominis pestem  
grauissimis disputationibus decertarint, quā-  
dam ego breuem Apologiam edidi, in qua  
Rom. Ecclesie instituta ostendi, cum Euan-  
gelica Libertate iure optimo cōuenire. Nam ea  
Lutherus diabolica cuiusdam Libertatis as-  
sertor, hac ratione conatur euertere, quòd ab  
Euangelica Libertatis conditione, sua dicat  
opinionem deservire. Tuo autem nomini leuem  
hunc meum laborē nuncupare constitui: quip-  
pe quòd videam te pro Rom. ipsa Ecclesia &  
noctu & interdiu corpore, animo, ingenio,  
(quod sanè in te exactissimum est) laborare.  
Neque enim fieri potest, ut tibi pro Rom. Ec-  
clesia, imò pro totius Christiane reipublice  
salute, operam, diligentiam, industriam expē-  
dētī, non sint ea cūa gratissima, quae pro illius  
defensioe fuerint vestigata. Accedit, quod nō

me praterit, quàm suauiter ab te diligar,  
mirificèque obseruare. Ex hac enim tua hu-  
manitate mihi ipse polliceor, nihil à me per-  
scribi posse, quod nò tu pro singulari qua me  
complecteris beniuolentia, sis comprobaturus. Valeat dominatio tua, felixque uiuat.



# DE EVANGELICA Libertate Opusculum.

Quid Libertas, & quibus con-  
ueniat. CAPVT I.



Vum breuem de E-  
uangelica Libertate  
tractatum edere con-  
stituerim, vestiganda  
mihi imprimis est cō-  
munis ratio, defi-  
nitiōque Libertatis:  
cadémque perscribenda. Quippe quod  
ea ignorata difficillimè hoc possit expli-  
cari negotium. Est igitur ( vt ab omnibus  
est receptum) in hoc absolute Libertatis  
ratio constituta, vt quædam propriæ a-  
ctionis ad diuersa, atque etiam ad oppo-  
sita, facultas sit ac potestas. Nam cū ré  
quāpiam ita diligimus, vt & eligere eam,  
& non eligere, in nostro positum sit ar-  
bitrio, eam libera electione decerni ne-

mo est qui non intelligat. Idem quoque  
 in exteriori euenit actione. Eum enim  
 hominem agere liberè in confesso est,  
 qui agendi non agendique, faciendi hoc  
 aut aliud, liberam habeat facultatē. Quis  
 enim huncipsum, qui & sedere potest &  
 non sedere, si sedeat, sedere liberè non  
 fateatur? Pari lege is liberè agere dicen-  
 dus est, qui ex multis, quibus ad vnū per-  
 ueniri finem potest, quod ipse maluerit,  
 pro sua potest voluntate ad præscriptum  
 finem accommodare. Si enim multis cu-  
 rari ægritudo modis queat, potest is qui  
 saluti consulit, quam curandæ ægritudini  
 commodiorem putauerit, eam sibi medi-  
 cinam asciscere. Quòd si vi aliqua atque  
 oppressione cuius in eius guttur humo-  
 rem instillet, non proprio arbitratu me-  
 dicinam sumit, sed violenter, sed necessa-  
 riò, sed repugnante natura. Hæc, inquam,  
 propria veraque absolutæ Libertatis ra-  
 tio est, ut pote que deo Opt. Max. quæ  
 Angelis, quæ hominibus consensu om-  
 nium sit attributa. Nā in peccata atque  
 flagitia labi posse (quod aliqui fortasse at-  
 tribuunt Libertati) ab absoluta Libertatis

ratione longe est alienum. Sed ei tantūmodo Libertati accidit, quæ in imbecilla caducāq; natura reperitur. Quāobrem & in suo prosequio ait B. Ansel. Peccare posse neq; Libertatē esse, neq; Libertatis partem. Non enim Deū Opt. nō Angelos, non beatos homines (quanquam mali quippiā audere non possunt) Libertate priuamus. Nā quicquid in creatis rebus Deus efficit, id ipsum potest non efficere: propterea qd nihil vsque adeo sit cū diuina bonitate coniunctum, vt illo non producto manifestari non queat. Angeli quoque atque etiā felices animæ (tamen si malè velle nequeunt) pleraque tamē bona velle possunt, ac non velle: pleraque etiam agere, ac non agere. Possunt enim Angeli naturali aliqua sua scientia, beatæ verò animæ, ea doctrina, quam dum mortali tegebantur corpore, sibi studio ac diligentia cōpararunt, vti & non vti. Possunt de stirpium naturis, de hominū moribus, de cælestiū corporū motu considerare. Quare & ipsis Libertatis rationē cōdonem<sup>9</sup> oportet. Cæterum hoc quaquā prætereundū censeo, quū quan-

dam ad opposita facultatē Libertatem esse dixim<sup>9</sup>, nullā oportere in hac Libertatis definitiōe oppositarum actiōnū alternationem successiōemue intelligi. Quod enim rē prius à me desiderio conquisitā, postea ab omni mea cupiditate reiiciam, ad meā quidē attinet Libertatē: propterea q<sup>d</sup> variabilē Inconstātemq; volūtātē nactus sim. Nihil enim humana inconstātius voluntate. Sed hæc mutatio volūtatis cōmunē absolutāmq; Libertatis rationē non ingredi<sup>r</sup>. Quis enim usque adeo desipiat, vt īmortalis Dei (quē omnis Libertatis authorem esse cōfitemur) in contrariū mutari posse dicat institutū? Ego enim (inquit) Deus, & non mutor. Eius igitur Libertatis, quæ Deo, quæ Angelis, quæ hominib<sup>9</sup>, cōmunis est definitiō, hanc tantūmodo cōplectitur rationē, vt facultas quædā sit vtrius oppositi, vtriūsq; ad vnū finem mediū deligendi, aut etiā conficiendi. Sed scrupulus quidā sese mihi offert, qui hāc veram Libertatis definitiōē labefactare, imò tollere, imò funditus euertere videatur. Nā quū Deus Max. quicquid in rebus se



facturū constituit, æterna volūtatē sanc-  
ciuerit, si à primo suo cōsilio mutari nō  
potest, periclitari in eo videtur ratio Li-  
bertatis: quando nullo pacto confirmari  
queat, diuinā in oppositas actiones volū-  
tatē effūdi posse. Quū etem sempiterna  
sua lege, quā esset naturā cōditurus de-  
signarit, nullū à nobis inueniri aut tēp<sup>o</sup>,  
aut punctū tēporis potest, in quo habeat  
ad opposita facultatē. Neq; enim eo mo-  
mēto quo vniuersā creaturarū molē con-  
dere instituit, ancipitē eius possumus di-  
cere volūtatē: vt inquam vniuersi orbis  
creationē & decernere suo posset arbi-  
trio, & non decernere. Pugnat em̄ inter  
se, q; vno momēto cōdere cōstituat vni-  
uersum, eodemq; ancipitem & quasi du-  
biā de eo condendo habeat volūtatē.  
Nā si voluit condere, quē existimare pos-  
sumus eū tūc ancipitis dubiæq; volūta-  
tis extitisse? Sed neq; momentū aliquod  
poni potest, in quo de vniuersi creatiōe  
aut non cogitarit aut cerē non delibe-  
rarit. Quādoquidē nihil sit, quod æterni-  
tatē q̄ propria diuinę voluntatis duratio  
est, præcedat. Quod si addiderimus diui-

nā à suo proposito, id quod sacræ nobis  
 tradūt literę mutari volūtātē non posse,  
 aut Deum ipsum Max. liberæ volūtatis  
 nō esse, aut eam quā absolutē Libertatis  
 rationē esse definiim⁹, vanā esse fatea-  
 mur oportet. Difficilis sanē hæc quæstio  
 est. Sed si quāto interstitio diuina volū-  
 tas à creata desciscat animaduertimus,  
 facilē Gordianus hic nodus aut resolui  
 poterit, aut rescindi. Non eadem itaque  
 diuinæ creatæq; voluntatis conditio est:  
 sed planē longē diuersa. Creata nanque  
 quæ in suis actionibus successionem ha-  
 bet, sic in diuersa in oppositæque fl. & i  
 potest, vt in neutram quādoque feratur  
 partem. Potest enim quispiā aliquo tem-  
 poris interuallo nihil de capescenda aut  
 non capescenda cum hoste pugna cogi-  
 tare, suique muneris est q̃ in ea re com-  
 modius iudicauerit deliberare. Quò fit,  
 vt in humana voluntate sit potentialitas  
 quædā, cum libertate coniuncta. At hoc  
 à diuina voluntate quā maxime abhor-  
 ret: quippe quòd simplicissim⁹ quidā act⁹  
 De⁹ sit, omnisque passionis, oīs defectus,  
 omnis indigentia suapte natura sit ex-  
 pers.

pers. Quare non est voluntas diuina instar humanæ vlllo vnquam tempore aut dubia, aut incerta. Sed in hoc Libertatis eius ratio est constituta, vt in neutram contradictionis partē, in nullāmqu; creatarū rerum naturā absoluta quauis necessitate feratur. Quemadmodū enim nulla res est, sine qua manifestari diuina bonitas nequeat, ita cum æterno Deus optimus suo instituto quippiam se cōstituit conditurum, eodem æternitatis momento potuit vt non ederetur, in lucem constituere. Est enim nō in aliquam aut naturæ aut voluntatis necessitatem, sed in amplissimam Dei liberalitatem, rerū creatio referenda. Non igitur ea ratione facultatem ad diuersa atque ad opposita in communi Libertatis definitione locauimus, quasi liberam omnem voluntatē tanquam incertam ancipitemque omni quandoq; actione carere cēseamus. Sed quoniam in eorum neutrū vlla absoluta necessitate propellitur, quāuis cum vni<sup>9</sup> electione oppositum pariter electum esse non possit.

## De partibus Libertatis.

## CAP. II.



Onfirmata constitutaq; absolutæ Libertatis ratione, definiendum nobis est in quas sit Libertas partes diuidenda. Igitur cum quandam à violentia atque à necessitate negationem Libertas includat: dū inquam in diuersa ad vnum finem spectantiâ, atque in vtranque (vt exposuimus) contradictionis partem viam habet, ad eorum numerum, quæ vim necessitatēque inferre solent, sunt Libertatis partes collimitandæ. Nam cunctis est hoc negationibus commune, vt ad affirmationum numerum quibus suapte natura repugnât, sint definiendę. Quinque enim sensuum negationes esse. Si sensus quandoque posuerimus, nemo est qui nesciat. Nam quemadmodum visuæ virtutis vna negatio est, quam cæcitatē appellamus: ita & suam auditus negatio-

nem habet, quæ potest surditas appellari. Idémque de cæteris sensibus est dicendum. At violentia triplex est: itidem & triplex necessitas. quædam enim absoluta est, atque omni ex parte perfecta: ea scilicet, quæ ad certum quippiam vsque adeo immobili necessitate impellimur, vrgemurque, vt nulla inde ratione diuertere valeamus, dum enim à quopiam alibi gentium repugnante voluntate detineor, violentiam patior. Dum & mihi felicitis nomen offertur, quæriturque ex me, nū felix esse velim, nequeo felicitatis conditionem renuere, imò tali in ipsam necessitate deducor, vt miseriam vellem non queam. Vna itaque Libertatis species est, quæ omnem hanc violentiam omnémque absolutam necessitatem excludit. Sic enim dicitur is in agendo liber, cui nulla violentia, nullaque agendi necessitas incumbit. Sed & hæc Libertatis species bifariam diuiditur: vna enim Libertas est, quæ & violentiam & absolutam necessitatem eliminat: hæcque perfecta Libertatis (quam superiori capite definimus) sibi vendicat ratio.

nem. Altera verò est, quæ omnem quidem violentiam arcet: veruntamen aliquam naturalis inclinationis necessitatem admittit. In appetitu namque felicitatis primæ Libertatis ratio minime inuenitur, quando eam naturali quodam desiderio voluntas omnis affectet. Sed alterius libertatis specie felices esse volumus: propterea quòd non violentia, sed appetitus inclinatione felices esse cupiamus. Alia necessitas est, quæ imperfectæ quidem necessitatis rationem habet: quippe quod impetus potius quidam sit quàm necessitas: hac tamen ratione necessitatis definitione participat, quod ad bene frugalitèrque viuendum magno incommodo fit, ac impedimento: ut sunt sacrilegia, furta, adulteria, cæteraque id genus vicia: quæ suo pondere in perniciem trahunt. Hanc necessitatem siue malueris bene agendæ vitæ impedimentum appellare, alia species Libertatis excludit, quam Libertatem dicimus à peccato. Tertia necessitas est, quæ & necessitatis ratione imperfectæ participat: quæ, inquam, suo pon-

dere in expediundo bono opere difficultatem ingerit: sicut in ægritudine, sicut in fortunæ incommodis, sicut in rerum domesticarum molestiis accidit. Hanc necessitatē siue hoc liberæ actionis impedimentum, tertia species Libertatis explodit, quæ Libertas à miseria nuncupatur. Miserum enim hominem faciunt ægritudo, infortunia animi, molestiæ. Triplex igitur Libertatis genus est, à necessitate, à peccato, à miseria. Hisce posset & ea ipsa Libertas addi, quam Paulus Apostolus ad Romanos scribēs, Libertatem à iustitia vocat. Sed hæc, si rem ipsam consideremus, seruitus potius quàm Libertas dicenda est. Nam quum voluntas omnis à natura in bonum prona sit, nunquam verò in malum, nisi aliqua boni specie decipiatur, sese insinuet: ea quidem Libertas quæ impedimenta ad bene viuendum tollit, veræ Libertatis ratione digna esse non potest. At quæ ad perditos mores impedimentum excutit, ea non vera Libertas est, sed quandam Libertatis speciem gerit, dum reiecta iustitia, quæ instar

freni humani animi ægritudines modera-  
batur, quandā malè viuendi licentiam a-  
dipiscimur. Alii quoque à diuo Bernar-  
do Libertatis afferuntur modi. Est enim  
apud ipsum Libertas arbitrii consilii, Li-  
bertas beneplaciti. Sed hæc libertatis  
diuisio posterior est, atque inter mate-  
riales est collocanda. Ea enim sola for-  
malis est partitio Libertatis, quæ à ne-  
cessitate, quam ratio Libertatis exclu-  
dit, est desumpta. Bernardus autem non  
à necessitatis exclusione, sed à diuersa  
comparatione ad bonum species Liber-  
tatis accepit. Est enim ea Libertas ar-  
bitrii, qua bonum illud q uod honesti spe-  
ciem habet, nostra deligimus voluntate.  
Libertas consilii, qua rebus iis quæ ad  
felicitatem profunt, vtimur. Beneplaci-  
ti autem Libertas, qua sponte in boni  
adeptione delectamur. Pulchra sanè  
hæc est partitio Libertatis. Sed quoniā  
nostro instituto aut nihil, aut parum in-  
seruit, ea prætermissa priori, vt sese op-  
portunitas obtulerit, felicius vtemur.



*Quid sit Evangelica Libertas.*

## CAP. III.



Vangelicam autem Libertatem eandem esse quā & Christianā, appellamus satis superque cōstat quādo Christianorum lex, qua eorum mores actionesque instituuntur, nihil aliud sit quā Euangelium. Sed duo sunt ex quibus Evangelica lex constituitur. Spiritus sancti gratia, ipsaque Euangeliorum perscriptio. Primum sibi in hoc genere locum gratia vendicat Ad Rom. enim Apostolus scribens: Lex, inquit, vita in Christo Iesu liberauit me à lege peccati. Augustinus quoque in libro de Spiritu & litera ait: quæ sunt leges Dei ab ipso scriptæ in cordibus, nisi ipsa præsentia Spiritus sancti. Secundū verò locum sibi Euangelij scriptam consciscit: vt.

pote quæ non modo ad acquirēdam gra-  
 tiam, nobis auxilia subministret, verum  
 etiam ea quibus ipsa Spiritus sancti gra-  
 tia pro eius dignitate vti valeamus copio-  
 sissimè tradat: hoc ipsum enim mandatū  
 literis Euangelium Christi, tam diuinita-  
 tem, quam humanitatē, de quibus est Chri-  
 stiana fides, qua præparamur ad gratiam,  
 manifestissimè explicat. Multis etiā mo-  
 dis ad mundi contemptū, quo gratiæ ca-  
 paces efficimur, nos hortatur: admonet  
 præterea vt omnia virtutū opera in qui-  
 bus bonus est gratiæ vsus constitutus, cō-  
 plectamur. Quo fit, vt ea Euangelica  
 Libertas dicenda sit, quam & Euangelij  
 scriptura, & Spiritus sancti gratia Chri-  
 stianis impertit. Cæterum hæreticorū in  
 hac re cauendæ sunt insidiæ: putant enim  
 nullum Euangelicæ legis debere inter-  
 pretem recipi, nihilque ad Christianorū  
 legem pertinere, quod in his libris quæ  
 Euangelia nūcupamus, perscriptum non  
 sit: dicuntque reſiciēdum omne esse, quod  
 non in Euangelijs aut saltē in aliqua Epi-  
 stolarum Pauli sit cōtentum. Horum pri-  
 mum quàm sit impudenter excogitatum,

vel ex hoc intelligi potest quod innumeros fermè tam Græcos,quàm Latinos Sãctissimos Patres temeritatis arguunt, qui sacra Euāgelia sunt interpretati, dānant præterea tot sæculorū Catholicæ Ecclesię obseruationē, quæ sacrarū Literarū interpretationē recipit, easque in diuinis laudibus decātat: seipsum deniq; criminis arguūt qui cū oēs eiusmodi narrationes reiiciēt, se solos Euāgeliorū indagatores cōstituūt. Sicque dū omnes scripturarū expositores euertere studēt, seipsum quoque cōdēnant qui fidos se, vt aiunt, Euangeliorū interpretes agunt. At quis vsque adeo insaniat, vt tot sanctissimis pariter atque doctissimis Patribus reiectis, sibi solis credi velit & cupiat? Sunt pleraque in Euāgelijs obscura latētiaque: sunt & nōnulla quæ nisi piè & fideliter interpretemur, inter se pugnare videātur. Quis enim hæc Christi verba Matth. 11. Nemo nouit filium, nisi Pater: nec Patrē quis nouit, nisi fili⁹, & cui voluerit filius reuelare, interpretis indigere negarit? Matth. quoque Capite 5. dicitur: Sic luceat lux vestra corā hominibus, vt videāt opera vestra bona. tū pau-

eis interpositis subiūgitur Attendite ne  
 iustitiā vestrā faciatis corā hominibus, vt  
 videamini ab eis. Nōne posterior hæc sen-  
 tentia priorē tollere videtur & expūgere?  
 Tēpus me deficiet, si vniuersos Euāgelij  
 locos enumerare voluero, qui fidū piūm-  
 que enarratorē expostulent. Quōd si ali-  
 quo in sacris literis opus est interprete,  
 qui sacros illos doctissimósque Doctores,  
 quos ecclesia recipit ac veneratur, reiiciā,  
 vt aliorū qui a Christiana simplicitate de-  
 sciscunt, a Christianis que abhorrēt mori-  
 bus imiter ineptias. Fallūt nimirū, hæ-  
 retici, si in tāta iustitia sapiētes suorū in-  
 uentorū sectatores se habituros existimēt.  
 Alterū quod isti ipsi temeritatis pleni in-  
 gerūt, nihil inquā quod in noua lege præ-  
 scriptū nō sit, ad doctrinā Christianā per-  
 tinere, facilē ex sacris Literis ex diutur-  
 nāque ecclesiæ cōsuetudine refelli potest.  
 Quod enim multa Dominus noster Iesus  
 Christus docuerit, quæ non sunt Literis  
 cōmendata, ex Ioānis Apostoli verbis con-  
 iici, imò clarissimē perspicui potest: ultimo  
 enim sui Euangelij capite inquit: Sunt &  
 alia multa quæ fecit Iesus, quæ si scriban-

tur per singula, nec ipsum arbitror mundum capere posse eos qui scribendi sunt libros. At quemadmodum multa Christi signa atque miracula scriptis mandata non sunt ita & pleraque in synagogis & ciuitatibus docuisse, probabile est quæ sunt ab eis qui eius gesta scripserunt prætermissa. Quod etiam Apostolū Paulum cum Christianam fidem prædicaret instituisse credimus, qui nullo suarum Epistolarū libro sunt perscripta. Ad Tessalonic. enim capite secundo scribens ait: Fratres, stete & tenete traditiones quas didicistis, siue per sermonē, siue per Epistolam nostram. Idem quoque alijs Apostolis contigisse nemo, nisi ceruicosus & arrogans, diffitebitur: Ioannis enim 16. ad eos Saluator noster Iesus Christus dixit: Alium paracletum dabit vobis, vt maneat vobiscū in æternum, spiritum veritatis. Quo fit vt quamplurima in catholica seruari cernamus Ecclesia, quæ per traditionē apostolorum hereditaria quasi successione ad posteros deuenerunt, tamen in eorum libris nō iuueniūtur scripta. Quamobrem Christus ipse Aposto-

lorū dictis ac institutis fidē arrogans. Qui vos, inquit, audit, me audit: & qui vos spernit, me spernit, & eum qui me misit. Quæ sane verba ad oēs etiam qui sunt Apostolis in Christianæ reipublicæ gubernatione suffecti, dicta fuisse Beatus Cyprianus martyr definit. Actuum etiam 16. dicitur: Cū autem pertrāsirent ciuitates, tradebant eis custodire dogmata quæ erant ab Apostolis decreta, & superioribus qui erant Hierosolymis. In eandē quoque sententiam dicit Augustinus in quinto de Baptismo contra Donatistas libro. Sunt multa quæ vniuersa tenet Ecclesia, & hæc ab Apostolis præcepta bene creduntur, quanquam scripta non inueniantur. Vir denique magni nominis & pōtifex Max. Innocentius tertius, habetūque in capite Cum Marthæ, extra de celebratione missarum. Multa & factorum & dictorū a Domino fuisse ab Apostolis prætermissa, eaque ipsos Apostolos aut verbo aut facto suppleuisse asserit: in cuius rei testimonium Apostolum Paulum citat, qui ut in Apostolorum actibus legitur ait. Meminisse oportet nos verbi Domini nostri

Iesu Christi, qui dixit: Beatus est dare quā accipere. Ad Corinthios etiam scribens: Visus est, inquit, plusquam quingentis fratribus simul, de quibus tamen nullus Euāgelistarum mentionem facit. Euangelicæ itaque legis nomine non ea tantummodo quæ in Euangeliiis Epistolisque, quas canonicas vocant, scripta sunt, intelligimus: verū etiam ea ab Apostolis facta dictā ve quæ ad nos quasi per manuum traditionem deuenerunt. Vt autem eò reuertamur vnde digressi sumus, eā Euangelicā Libertatē esse dicimus, quæ a Christiana ista quā definimus lege proficiscitur. Hæc autem duplex est: vna scilicet à peccato, altera à legis antiquæ onere atque subiectione. Nam per Spiritus sancti gratiam (quam primum in Euangelica lege tenere locum diximus) à peccati seruitutē manumittimur. Per ipsum verò scriptum Euangelium ab antiquæ legis obseruantia liberamur: ad eaque tantummodo præceptis vrgemur, sine quibus gratia haberi non potest. In his duobus Libertatis modis tota Christianorum Libertas est constituta.

*Quòd Christianæ Libertati non derogat  
esse supremum unum principē, à quo  
Christiana Respub.  
gubernetur.*

## CAP. IIII.



Ost definitam Christianæ Libertatis rationem, reliquum est ut ostendamus huic non officere Libertati, quod omnia suis legibus moderetur ac gubernet.

Sunt enim quibus placeat neminem debere in catholica Ecclesia esse, qui supremum inter omnes gerat Magistratum: Sed quam potestatem Christus optimus impartiuit, eam omnē Christum vniuersali Ecclesiæ primum contulisse: tum ex ea in eos qui gradum aliquem in Christiana nostra Ecclesia tenent, defluxisse. Sed si rerum publicarum



modum naturamque spectemus, intelligi facile poterit supremum aliquem in Christiana repub principem esse oportere, qui ouium Christi curam gubernationemque suscipiat. Inde autem huiusce confirmande rei initium sumere possumus, quod Christus ipse maximus, reipub. Christianæ institutor, eam rempublicam condere debuit, quæ optima esset omnique ex parte perfecta. Nam cum per ipsum reges regnent, legumque conditores iusta decernant, rationi consentaneum admodum est, ut quam constituere per se reipubl. decreuerat, eam sanè insignem omniumque excellentissimam efficeret. Quis autem negarit eam multitudinis gubernationem esse optimam, in qua vnus rerum omnium moderator præsideat? Nam ad gubernationis finem, ad pacem, inquam, & concordiam subditorum, quietius, suauius, felicius per quam per plures: quorum iudicium diuersum facile esse potest & contrarium. Hoc vnum omnium principem peruenitur, autem ex his & quæ à natura, & quæ ab

arte proueniunt, possumus coniectare. In humano enim corpore vnum quoddam principium est, quod membris omnibus vitam motumque influit: cor, inquam, siue malueris, caput. Grues, teste Auicēna oīa uo de anima libro, vnum habent regem ac principem, qui, vt facilius incidētes exaudire tumultus possit, cū ceteri tecto alis capite dormiant, exerto ipse capite dormit. Apes (vt D. Hieronym<sup>9</sup> ad Rusticum Monachum scribit) vnum sibi constituunt regem, quem nisi præcedere agmen viderint, nonquam ab alucri digrediuntur. In naui vnus gubernator sit, necesse est. Domus quælibet suum rectorem suūque dominum habet. Vnum quodque cœnobiū vno præposito gubernatur: in omni denique negotio (vt tandem finem faciam) nisi vnus sit, cuius studio ac diligentia dirigatur, malè res agitur, ægrèque perducitur ad finem. Quid? nonne Græciæ ciuitates (authore Iustino) dū singulæ imperare cupiunt, omnes imperium amiserunt? Quapropter bene sapienterque cecinit Lucanus:

Null.

*Nulla fides regni socijs, omnisq; potestas  
 Impatiens consortis erit.* Nec minus pru-  
 denter ab Homero dictū existimo, cū  
 secundo Iliados libro ait: *Ὀὐκ ἀγαθὸν  
 πολλοῖσι βασιλεῖσι, εἰς κεῖρανος, ἕως, εἰς βασιλεὺς.*  
 id est, Non est bonū vt dominantur mul-  
 ti. vnus dominus sit, vnus rex. Ad hoc et-  
 iam opinio Pythagoræ videtur allude-  
 re. Nam cū duos rerū ordines statuis-  
 set: vnum scilicet bonorum, alterū ma-  
 lorum: In bonorum ordine vnitatem, in  
 malorum verò, multitudinem pluralita-  
 tēque collocavit. Quod si Christiana  
 Respu. (quam Catholicam, id est vniver-  
 salem, nūcupamus) optima omniumque  
 dignissima est constituta: eam debere ab  
 vno principe gubernari fateamur oportet.  
 Accedit q̃ cælesti illi Ecclesiæ (quam  
 Triumphātem dicunt) similior confor-  
 miórque nostra hæc Militās Ecclesia e-  
 rit, si vnus in ea princeps fuerit consti-  
 tutus. In illa enim vnus est omnium re-  
 ctor, ipse scilicet Deus Optimus Maxi-  
 mus. Quāobrem dicitur à Ioāne in Apo- *Apocal. 21.*  
*calypsi: Vidi ciuitatem sanctam, Hieru-* *Exod. 25.*  
*salem nouam, descendente de cælo. Hebr. 3.*  
 Mōi quoque fuerat præmonstratum vt *Actū 7.*

tabernaculum, instar eius quod sibi in monte fuerat ostensum, constitueret. Quid? nonne hanc Ecclesiastici principis vnitatem seruator ipse, Christus Iesus, declarauit, cum dixit Ioannis 10. Fiet vnum ouile, & vnus pastor? Dices fortasse: Vnū habeat Christiana Resp. principem: vnum caput, vnum pastorem: non propterea sequi necesse est, vt vnus mortalis homo sit, qui supremum in ea pastorem ducemque agat? Satis enim superque eius dignitati consulitur, si Christus ipse, qui hanc à fundamentis erexit Ecclesiam, illius princeps, caput, & rector existat. Cæterum, qui hoc commentum effingit, non videt illud ex humanæ conuersationis inconsideratione (ne dicam ignorance) procedere. Ecquid? non humanæ nostræ conditioni cōsentaneum est, vt is princeps, qui nostram est Rempub. moderaturus, aliquo à nobis exteriori percipiatur sensu, quando omnis ferme nostra operatio cum sensibilibus rebus sit coniuncta? Nam omnibus quas condidit Deus creaturis, pro earum natura conditioneque prouidit. Dico autem mihi: tu, qui te astute à principis le-

gibus subducere moliris: nōne Christus, qui antea visibilis erat hominibus, inuisibilem nobis post ascensionem in cælū vitam viuit? Petro quidem Romæ, Damasci Paulo. Nonnunquam etiam fortasse aliquibus aliis, posteaquam è nostris sese oculis præripuit, visus est. At multitudini occultus manet, & incognitus, humanæ igitur nostræ conditioni congruū est & accommodatum, vt aliquis huiusce nostræ Reipub. præfecturam gerat, qui aliqua nobiscum sensibili consuetudine conuersetur, ipsiusque inuisibilis capitis vicariam personam agat: quod si ita est, imò quia ita esse congruit rationi, non est cur timere debeamus, ne vnus hominis in Christiano populo principatus eius aliqua ex parte imminuat libertatē. Non enim quod in alterius commodum vtilitatēque est institutum, eius derogat libertati, quando id solum libertati officiat, quod voluntariæ actionis eius, præsertim quæ recta sit, rationem tollit. Nam ea operatio, quæ hominem in malum trahit, dicēda potius est ex quodam libertatis abusu, quàm ex libera voluntate proficisci. Quid? Si me de immē

farupe volentem dare præcipitem deti-  
 neat quispiam atque impediatur: ecquid il-  
 li crimini dabitur, quòd mea me liberta-  
 te priuarit? Insanit profectò, furitque  
 qui hoc dixerit. Simili ratione, si vnus sit  
 in Repub. princeps, cuius solertia cauea-  
 tur ne à perditis hominibus intertur-  
 betur, laceretur, diripiatur, suamque illi  
 omnem suam operam præstet, vt tran-  
 quillam vitam viuatur, bonisque in ea ac  
 prætextatis moribus studeatur, non im-  
 minuit is Reipu. libertatem, sed conser-  
 uat, sed auget, sed in meliorem statum  
 constituit. Nam cum is Liber sit (vt Ari-  
 stot. i. suæ Methaphysices lib. tradit) qui  
 gratia sui: Seruus autem contraria ra-  
 tione, qui alterius gratia est, ac operatur:  
 ea multitudo quæ vno principe guber-  
 natur, Principem potius captiuum te net,  
 quàm ipse multitudinē. Quicquid enim  
 is ipse agit, cogitat, somniat (si verè Prin-  
 cipis nomine dignus existat) in Reipu.  
 suæ commodum operatur. Quam maxi-  
 mè ergo aberrant à vero, qui ea ratione  
 vnius principatus maiestatem à Chri-  
 stiana Repu. arcere student, quòd Chri-  
 stianorū videatur officere Libertati. Nō

modo enim (vt ostendimus) non officit, verum etiam magnopere prodest: & ita prodest, vt eo detracto, nostræ Reipublice dignitas, integritas, diuturnitas conseruari non possit. Vbi namque plura in Reipublice emerferint capita, discordias summas, ac similitudines faciliè interciderè possent nemo, nisi rerum humanarum inscius, ignorat. Discordia autem maximæ res dilabuntur, omnèque regnum, Saluatoris nostri sententia, in seipsum diuisum dissolabitur, & domus supra domum caderet. Quamobrem & summus ille Peripateticorum faciliè princeps Aristoteles, 12. suæ Metaphysicæ lib. Dei Optimi Maximi vnitatem hac ratione conclusit, quòd entium multitudo disponi malè non debeat: In multitudine autem pluralitas principatum mala sit.

*Quòd Petrus à Christo Ecclesiæ  
caput & princeps fuerit institutus.*

## CAP. III.



Am vnū debere Chri-  
stianæ Ecclesiæ caput  
ac principem esse, e-  
uidenti ratione mon-  
strauimus. Nūc quòd  
Petrus à Christo O-  
pti. Maxi. Catholicæ  
Ecclesiæ princeps sit institutus, est de-  
monstrandum. Huius autē doctrinæ ve-  
ritas non aliunde, quàm ex ipsis Christi  
verbis, est accipiēda. Quippe quòd Chri-  
stianam ipse tempus. & cōdiderit, & in-  
staurauerit. At quoniam ab innumeris  
firmè doctōribus, & illis quidem erudi-  
tissimis, est hæc quæstio diligenter ex-  
cussa: sat mihi abundēque erit, si ipsam  
extremis (vt aiunt) labiis attigero. Pri-  
mus itaque Euangelii locus, qui sese ad  
huiusce veritatis confirmatiōē offert,  
est Matth. cap. 16. vbi cū Christus di-  
scipulos, quem dicerent homines esse fi-  
lium hominis, interrogasset, respondi-  
sēntque, Alii Ioannem Baptistā, alii He-  
liam, alii verò Hieremiam, aut vnum ex  
prophetis: subintulit, Vos autem quem  
me esse dicitis? Ad quem continuò re-  
spondit Petrus: Tu es Christus filius Dei



viui. Tū Christus: Beatus es Simon Bar-  
iona, quia caro & sanguis non reuelauit  
tibi, sed pater meus qui est in cælis: & e-  
go dico tibi, quia tu es Petrus, & super  
hanc petram ædificabo Ecclesiam meā,  
& portæ inferi non præualebunt aduer-  
sus eam: & tibi dabo clauēs regni cælo-  
rum: & quodcunque solueris super ter-  
ram, erit solutum & in cælis: & quodcun-  
que ligaueris super terram, erit ligatum  
& in cælis. Hisce quidem verbis mani-  
festò coniici potest, primatum Ecclesiæ  
Petro fuisse demandatum, utpote super  
quē Christi Ecclesia ædificāda erat. Cui-  
q; soluēdi in cælis atq; ligādi potestas e-  
rat tribuēda. Obiiciūt autē ppetui Ro.  
Ecclesiæ hostes Lutherani, nihil hoc lo-  
co datū esse Petro, sed de futuro tantū-  
modo promissionē esse factā. Agedum,  
nihil ex hisce verbis datum fuisse Petro  
concedamus: nunquid non potest ex illis  
ipsis ostēdi fuisse quandoque primatum  
Ecclesiæ Petro datum? Non negabitur,  
scio, hæc promissionis cuiuspiam fuisse  
verba: at cuius promissionis? nōne q;  
Ecclesiæ fundamentum constituēdus, e-  
rat Petrus? Erātq; illi ligandi atque sol-

uendi potestas conferenda? id quod sanè  
 ad Ecclesiæ spectat principatum. Quòd  
 si vero pollicitus est Dominus Iesus se il-  
 lum Ecclesiæ suæ principatu donaturū,  
 instituisse eum aliquando principem fa-  
 teamur, necesse est. De seipso nanque di-  
 cit: Ego sum via, veritas, & vita. & alibi:  
 Cælum & terra transibunt, verba autem  
 mea non trāsibunt. Apocalypsis quoque  
 cap. 9. Ioanni vīsum est cælum apertum:  
 Et ecce equus albus, & qui sedebat super  
 eum, vocabatur Fidelis, & Verax. Si er-  
 go Christus verax, immò ipsa veritas est,  
 quis ausit dicere ipsum quippiā esse pol-  
 litum, quod optimo nō præstiterit exi-  
 tu? Audiamus D. Hieronymū hæc Do-  
 mini verba interpretantē: Et ego, inquit,  
 dico tibi, sermone non casso, & nullum  
 habente opus: sed dico tibi, quia meum  
 dixisse, fecisse est. Qui ergo se Christia-  
 ni populi Petrum facturū caput & prin-  
 cipem pollicitus est, is tali eum princi-  
 patus munere impartiuit. Adde quòd  
 ex sanctorū patrū numero plures sunt,  
 qui hisce domini verbis non solum fuis-  
 se promissum Petro Ecclesiæ principa-  
 tum volūt, verū & datum. Sacræ enī

Ioan. 14.

Lucæ 21.

scripturæ vsus habet, vt vno nonnunquā tempore vtatur p̄ alio. Nam quòd præterito ob euentus certitudinem, pro futuro vtatur, in Isaia, vbi de Christi natiuitate habetur sermo, clarissimè cōstat. Nimirum igitur si quod à Matthæo tanquam de futuro dictum narratur, propterea quòd hunc suum principatū non nisi post Christi resurrectionem Petrus exequuturus esset, de presenti sit intelligendū. Quapropter ea verba D. Chrysostomus exponens, ait: Filius quod patris est & ipsius, potestaté Petro vniuersaliter concessit vbique terrarum: & homini mortali omnium quæ in cælo sunt, dedit authoritatem, dando ei clauēs, ad hoc vt Ecclesiā vbique amplificet. Cæterum, calumniā aliam afferunt Lutherani: Si enim, inquiunt, in his Christi verbis de primatu Ecclesiæ mentio habita est: cur in solum Petrum sunt retorquenda? non enim in hunc solum, sed in omnes Christi discipulos referenda sunt. Quippe quòd vt pro omnibus responsum à Petro est: Tu es Christus filius Dei viui (Quam sanè ob causam à D. Chrysostomo Os Apostolorū dictus est).

ita & ad ipsum, tanquam discipulorum  
 omnium personam referētem, sit Chri-  
 sti responsio reflectenda. Quod quidem  
 vel ex hoc possumus coniectare, quod q̄  
 eo in loco ad solum Petrum dicta esse vi-  
 dentur, in eodem Matth. Evangelio cap.  
 18. ad omnes Apostolos leguntur dicta.  
 Dicit enim Christus ipse discipulis: Amē  
 dico vobis, Quæcunque alligaueritis su-  
 per terram, erunt ligata & in cælo: &  
 quæcunque solueritis super terrā, erunt  
 soluta & in cælo. Ioannis quoque capite  
 penul. omnibus dicitur à Christo disci-  
 pulis: Accipite spiritum sanctum: Quo-  
 rum remiseritis peccata, remittuntur eis:  
 & quorum retinueritis, retenta sunt. Si  
 ergo ea quæ soli Petro dicta esse conten-  
 dis, eadē omnibus discipulis dicta sunt:  
 clarum apertumque admodum est non  
 soli Petro claues cælorum esse collatas,  
 sed etiā omnibus Apostolis, imò & vni-  
 versali ecclesiæ. Cuius iudicium, si is qui  
 in nos peccauit non admiserit correctio-  
 rem, Domini sententia est requirēdum.  
 Si enim, inquit, non audierit eos, dic Ec-  
 clesiæ. Vis autem (inquiūt) rem hanc lu-  
 ce clarius intueri? Ipsa Domini verba

diligentius cōsiderato. Nam cū dixisset, Et super hanc petram ædificabo ecclesiam meam: continuò subintulit, Et portæ inferi non præualebunt aduersus eā. An nō aduersus fidē atq; Ecclesiā Petri, inferi portæ præualuerū? Nō solūm eī in fide Petrus vacillauit, verū etiam & ad vnius ancillulæ vocē Christum pertinaciter constātissimēque negauit. Quid præterea? Postquam Petrum de reuelatione sibi à cælesti patrē demissa commendauit, illi Dñs dixit: Vade (inquit) post me Satanas, scādālū es mihi: quia nō sapis ea quæ Dei sunt, sed ea quæ hominum. Si de insipientia reprehenditur Petrus, Satanáque appellatur à Christo, quo pacto intelligi potest illum solū clauigerum cæli esse constitutum: propterea quòd cælit<sup>9</sup> de Christi diuinitate fuerit instructus? Non ergo Petro, vt Petrus erat: sed vt Ecclesiæ typum speciēque gerebat, in qua neque macula est, neque ruga, ipsa Domini verba fuisse dicta intelligamus oportet. Vnde & D. August. ~ super psalmo 108. in hanc sententiā scribens, quædam esse ait quæ ad apostolum Petrum propriè pertinere vidētur. Nec

ramentum illustrem habent intellectum, nisi cum referuntur ad Ecclesiam, cuius nescitur in figura gessisse personam, propter primatum quem in discipulis habuit. sicut est, Tibi dabo claves regni cælorum. & si qua huiusmodi. Sed si hasce argumentationes, quas Lutherani solidas constantésq; putant, diligenter animaduertemus, nemo nos, fabulas, ineptiasq; esse facile demonstrabimus. Quod enim primum blaterant, ea Domini verba in omnes Apostolos esse contorquenda, propterea quod pro omnibus responderit Petrus, succi parum habet, & debili innititur fundamento. Quæsierim enim ex eis quomodo pro omnibus respondisse Petrum intelligant: Aut enim causam hac antea inter Apostolos pensitatam atq; discussam, Petro ut pro omnibus responderet, demandarunt: aut ipse pro omnibus respondendi onus sua voluntate desumpsit. Vnum nulla possumus ratione confirmare: quando neque ex Evangelij verbis, neque ex serie narrationis coniciatur, aut inter se Apostolos de questione hac disputasse, aut aliquam Petro responsionis materiam delegasse. Alterum

fortasse cum diuo Hieronymo concedi potest, quòd (inquam) Petrus, qui Christum ardentius cæteris diligebat, interrogatis omnibus, quem esse filium hominis, existimarent, nullo respondendi curâ delegante, ipse pro omnibus respondendi vicem præripuerit: vtpote quòd sibi persuaderet, alios discipulos ab ea sententia, quam sibi cælestis pater inspirauerat, haudquaquam descituros. Nam & antehac cùm discipulos Dominus interrogasset, Nūquid & vos vultis abire? *Ioan. 6.* respondit pro omnibus Petrus: Et ad quē sumus ituri? verbum vitæ habes, & dimittimus te? Diuo tamen Hilario non placet Petrū pro aliis respondisse. Quod si verum est, tollitur Lutheranorū fundamentum, Petrum scilicet omnium vice respōdisse. At illis D. Hieronymi etiā interpretationem condonemus, concedamūque Petrum tunc Apostolorum omnium induisse personam: Nunquid necesse est, vt ea Christi verba aut ad omnes Apostolos, aut certè ad vniuersalē Ecclesiam contorqueantur? Cur non ad solum Petrum, qui cæteris fortasse quid responsuri essent hærentibus, pro omni



bus respondit? Quanquam enim omnium personam, quos eius comprobaturus sententiam putabat, induerat: non ad omnes tamen, sed ad ipsum solum, qui cæteris feruentior erat, fueratque diuino lumine illustratus, Christus sermonē conuertit. Quamobrem ipsum & suo & patris compellat nomine, inquires: Beatus es Simon Bariona. Petri quoque eum nomine, adiecto prænومine, vocat: Tu es Petrus (inquiens) Tū ad Petri aludens nomen, subiungit: Et super hanc petram ædificabo Ecclesiā meam. Non, inquam, super quancunque petram, sed super hanc, id est super te Petrum, qui constans stabilisque in fide manes. Cauendum tamen est, ne huiusce petre nomine Christum ipsum intelligamus: vt sensus sit, super me ipsum, qui petra sum, meam Ecclesiam ædificabo. Nam sensus hic neque proposito deseruaret, neque textui quadrat: neque etiam ædificabo dicendum fuisset, sed ædifico: quando suam semper Ecclesiam Christus, mortalem vitam viuens, ædificaret. Quòd si pertinaciùs vniuersali Ecclesiæ clauum authoritatem fuisse datam cõtenderint:



id ego etiam fortasse non inficiabor: sed sic Ecclesiæ datam intelligam, ut primū Petro conueniat, deinde per ipsum impartiatur Ecclesiæ. quippe quod Petrus illud fundamentum sit, super quod, post Christum, Christiana fundatur Ecclesia. (ex fundamēto enim vires augmentūque ædificium capit, non ex ædificio fundamētum). Quod præterea obiciunt, ut Petro, ita omnibus Apostolis dixisse Christum, Quodcunque solueritis super terram, in loco non mouet. Non negauerim enim Apostolis omnibus ligandi atque soluendi concessam facultatem fuisse. Hoc enim ipsa Euangelij verba liquidò ostendunt. Sed addiderim huic non repugnare, quod in his quæ sæpenumero citauimus verbis, aut datus sit Petro primatus, aut certè promissus. Apostolorum enim nemini, excepto Petro, usquam dictum esse reperimus, Super te, aut super hanc petram ædificabo Ecclesiam meam. nemini in singulari numero, Quodcunque solueris, & nemini, Tibi dabo clauēs regni cælorum. Hæc autem omnia coram Apostolorum collegio in sin-

gulari numero dicta sunt Petro, vt sanè ostenderetur illi ligandi atque soluendi potestatem, tanquā Catholicæ Ecclesiæ capiti, fuisse concessam: Cæteros verò discipulos Christi in sollicitudinis partē assumendos fore. Quòd si rursus institerint, non solum Petrum fuisse à domino fundamentum Ecclesiæ constitutum, verū etiam reliquos Apostolos, Apoc. 21. dicitur, q̃ murus ciuitatis habebat fundamenta 12. & in ipsis erant nomina duodecim Apostolorū. Ad Ephe. quoque 2. habetur: Superædificati super fundamentū Apostolorū. Respōdetur nusquā Apostolorum aliquē (Petrū semper excipio) fuisse à Christo, Ecclesiæ fundamentum nuncupatum. Sed hoc illos nomine Ioannes Paulusque dignati sunt: propterea quòd tanquam Petri coadiutores, doctrina, moribus, miraculis, vniuersum fermè terrarum orbem ad Christi fidem conuocarint, Quòd deinde ad huius principatus euerfionem afferunt, Petri (vt personam agebat propriam) fuisse quassatam fidem, atque concisam: quando tamen aduersus Ecclesiā, quæ super Petrum fundanda erat, portas inferi non praua-

præualituras Christus ipse prædixerit, multis restringi modis potest. Primum enim dixerim, quòd quanquam in fidei confessione non perstitit, imò vnus fœminæ voce exterritus, Christum negauit: Nunquã tamen ab ea interiori, quam animo cogitationeque conceperat, fide descinit. Nam cum aliud sit interior fides, aliudque fidei exterior confessio, (Corde enim, ait Apostolus, creditur ad iustitiam, ore autem confessio fit ad salutem) cum interioris fidei integritate exterior fidei negatio copulari coniungique potest. Non igitur aduersus fidem Petri, aut aduersus Ecclesiã super ipsum fundatam, sed aduersus apertam fidei confessionem, portæ inferi potuerunt. Alio etiam modo potero respòdere, non esse, scilicet, illorum verborum sensum, quòd nunquam esset Petrus à fide casurus. Nam prædictum illi à Domino tempore passionis fuit, quòd ter ipsum negaturus esset. Sed quod nunquam posteaquam super ipsum fundata esset Ecclesiã, à Christiana fide decideret. Id quod sanè verum fuisse constat. Nam etsi antequam super ipsum Christiana moles.

*Roma. 10.*

constituta esset, aberrauit à fide: post ipsam tamē super ipsum Ecclesiæ constructionē. Post (inquā) Dñi Resurrectionē constātis semper fuisse fidei in confesso est. Respōderi & tertio modo potest, Petrum ad vilis quidem fœminæ vocem negasse Christum, nullo tamen pacto de ipsius ruina portas inferi reportasse victoriam. Quemadmodū enim si quispiam cum hoste congressus, ad terram ipsum sæpe deiiciat, præualuisse non dicitur, si hostis robustior surgat, suūmque prosternat inimicū: Ita quauis Petrum portæ inferi ter à fidei confessione deiecerint, quia tamē alienus à fide nō perstitit, sed egressus foras fleuit amarē, mirificēque deinceps de suo hoste triumphauit: aduersus eum portæ inferi non præualuerunt, tametsi paruo temporis interstitio deturbarūt à fide. Ecce quā leuis, quā frigida, quā nullius momenti cōtra definitionem nostrā affertur instantia. Sed neque illud Saluatoris verbum, Vade retrò post me Sathana, quicquam nobis molestiæ affert. Ecquid enim legimus in scripturis Prophetas ipsos, quibus diuina cælitus præmonstra-

bantur mysteria, nonnulla quandoque  
latuisse? Dicit enim Heliseus, de Suna-  
mites mulieris infortunio loquens, quar-  
to Regnorum libro: Anima eius in ama-  
ritudine est, & Dominus celauit à me, & *Cap. 4.*  
non indicauit mihi. Samuel quoque ( vt  
primo Regnorum libro, cap. 12. narra-  
tur ) pro Dauide inungere regem vo-  
luit Helias. Quid ergo mirum, si Petrus  
de Christi diuinitate instructus cælesti  
numine, eundem cruci suffigendum esse  
non nouerat? Quoniam itaque diaboli-  
ca fraude deceptus, Christi maximi pas-  
sioni impedimento esse volebat, meritò  
tanquam Sathanas à Christo reiiicitur.  
Vade enim (inquit) retrò post me: id est,  
me in passionis desiderio sequere, atque  
veluti magistrum discipulus imitare. D. —  
Augustini demum nō obest authoritas.  
Nam cū duplicem sibi sensum sacra  
scriptura vendicet, literalem, & spiritua-  
lem: quæ de Petro dicuntur, illustri care-  
re intellectu putat Diuus Augustinus.  
Non quòd ad alium quàm ad Petrum,  
eorum verborum literalem sensum re-  
ferendum existimet: sed quòd literalis  
illo sensus omnē scripturæ intellectum

Gen. 37.

non explicet, oporteatque & spiritua-  
 lem adiacere, si plenam omnique ex par-  
 te intelligentiā habere cupiamus. Qua-  
 re ea primū de Petri persona sunt in-  
 telligenda: tum de Ecclesia spirituali  
 quodam sensu exponenda, putat Diuus  
 Augustinus. Propterea quod Petrus (cu-  
 ius caput est) typum figuramque gerat.  
 Neque hoc sanē à sacrarum literarum  
 explanatione alienum esse putandū est.  
 Nam & Ioseph cum à fratribus vēditus  
 in scriptura narratur, Christi quidem à  
 Discipulis venditi figurā agit: ad historiæ  
 tamē integritatē spectat, ut & de Ioseph  
 persona venditio intelligatur. Secundus  
 Euangelij locus, ubi de primatu Petri  
 sermo incidit, est Ioannis ultimo. Cum  
 enim Christus iam tertio post resurre-  
 ctionem suis Discipulis visus esset, prin-  
 cipatum Ecclesiæ Petro confirmaturus:  
 hisce eum verbis alloquitur: Simon Ioā-  
 nis, diligis me plus his? Dixit ei: Etiam  
 Domine: Tu scis quia amo te. dicit ei:  
 Pasce agnos meos. Dixit ei iterū: Simon  
 Ioannis, diligis me? At ille, Etiam Do-  
 mine: tu scis quia amo te. Dixit ei iterū:  
 Pasce agnos meos. Dixit ei tertio: Simō

Ioānis, amas me? Contristatus est Petrus quia dixit ei tertio, Amas me. & dixit ei, Domine, tu omnia nosti: tu scis quia amo te. dixit ei: Pasce oves meas. Quis hæc Domini verba (nisi oculis mentèque captus) ad Petri personam dicta esse non videat? Nōne cum & proprio nomine, & parentis expressione compellat: deque sua in se benevolentia charitatēque interrogat? Quo enim modo cuiuspiam personam melius clariúsque possumus explicare, quàm sub proprium parentisquē nomē? Adde quòd dum an se præ aliis diligat Christus interrogat, ipsū à cæteris Apostolis, tanquam ardentiorē sui amatorem secernit. Cū itaque suas oves suosque agnos Petro depascēdos commiserit, apertè constat illi Christianæ Ecclesiæ curam principatūque contulisse. Quid enim per oves atque per agnos Christi, nisi Christiani populi multitudo intelligi potest? Quæ nō corporali quidem cibo, sed spiritali doctrina imbuenda Petro commendatur. Os erat Apostolorum & princeps. Propterea & Paulus præter alios eum visurus ascendit simul, ut ei ostenderet iam



sibi fiduciam habendam. Tanquã enim negationis obliuisceretur, fratrum ei curam committit: neque negationis meminit, neque exprobrat. Tantũ dicit, si amas me, fratrum curam suscipias. Et quomodo dilectionem in omnibus ostendisti, & qua delector, nunc ostende: & animam quam pro me te positurum dixisti, hanc pro ouibus meis trade. Expressius etiam dum hæc verba interpretatur, in hanc loquitur sententiam: Pascere enim, inquit, oues meas: id est loco mei præpositus, & caput esto fratrum: ut ipsi te in loco mei assumentes, ubique terrarum te in throno tuo sedentem prædicent & confirmet. Cæterum istud diligenter animaduertendum nobis est, non solos agnos, non solas oues: sed & agnos, & oues fuisse Petro à Domino commendatas. Nam non solum grandiores in fide (qui ouium nomine significantur) sed & infirmiores, qui intelliguntur per agnos, doctrina moribusque ac innocentibus actis, Petrus in fide confirmet atque corroboret necesse est. Nõ etiam mysterio vacat quòd agnos semel tantum (si tex-



tui Græco adhibenda fides est) bis autem oues, Petri curæ supponit. Nam hi qui in Christiano grege iam coaluerunt, aliosque in fide instruere possunt, diligentiori pastoris cura egent, quàm recentiores atque neophyti, quibus erudiendis minori cura tenentur qui præsunt. Quemadmodum enim pueri, quibus prima literarum rudimenta sunt tradenda, pauco expediuntur negotio: qui autem adoleuerunt in literis, maiorem exactiorémque magistrorū diligentiam exposcunt: Ita qui in nouam Christi militiam iurāt, minoris curæ sunt (tamen si nullo sunt tēpore relinquēdi). Qui autē in hac militia iā obduruerūt, diligentius, ne pereant, sunt tractandi. Nam & Apostolus tenerioribus scribēs, inquit: Tanquam paruulis in Christo, lac potum dedi vobis, nō escam. Quòd si bis agnos, semel autem oues (vt in nonnullis latinis codicibus legitur) recipiamus: hac ratione factum interpretari possumus, vt non exactioris, sed frequentioris curæ ordo designetur. Nam omnes quidem, qui Christi baptisinate diluti sunt, Petri curę demandantur: recentiores tamē

paruulq; in fide, quò coalescere queât,  
 sunt frequentius spiritali cibo Chri-  
 stianâque doctrina recreandi. At nenias  
 quasdam anilésque fabellas afferūt Lu-  
 therani, inquientes nō totius Christiāni  
 populi curā Petro Christum Maximum  
 tradidisse, sed aliquorum fortasse. Non e-  
 nim, inquit, dictum est Petro, Pasce  
 omnes oues meas: sed absolutè & absq; vl-  
 lo distributionis signo, Pasce oues meas.  
 quòd si voluisset Christus Iesus Petro to-  
 tius Ecclesiæ curam demandare, dixis-  
 set profectò: Pasce omnes oues meas.  
 Sicuti cū Apostolos ad prædicandum  
 in orbem terrarū misit, Docete (inquit)  
 omnes gentes. & alibi: Prædicate Euan-  
 geliū omni creaturæ. Quapropter Apo-  
 stolus Paulus ad Galat. 2. capi. scribens,  
 Petrum circumcisionis, se verò Gentium  
 Apostolum vocat. At qua lege ad hanc  
 vniuersalem omnium curam explican-  
 dam dicendum putant Lutherani, Pasce  
 omnes oues meas? Ecquid, nō sufficiebat,  
 Pasce oues meas? An si moriturus quispiā  
 dixerit amico, Commendo tibi filios  
 meos, quosdam tantummodo, non om-  
 nes filios amico cōmendatos esse cupit?

Satis omnes expressit, qui suos filios absque vlllo discrimine commendauit. Sic cum suas oues Christus absque vlla differentię nota, Petri curę commisit, omnes se illius fidei commendare manifestissimè declarauit. Quòd si non omnes, sed aliquas duntaxat suarum ouium sub Petri imperio collocasset: quęnam essent illę fuisset explicandum. Quòd autem Paulus se Gentium, Petrum vero circūcisionis, id est Iudæorū, Apostolum vocat: id quidem arguit Petrum Iudæorum, Paulum verò Gentium salutis diligentius peculiariúsque incubuisse operam: non tollit tamen quin Petrus in Christianos omnes autoritatē nactus sit ac principatum. habuit enim & aliquā curam Gentium Petrus, & aliquam Paulus Iudæorū. Nam Actuum 10. Petrum ad Cornelium centurionem Cæsaream concessisse narratur. De Paulo verò, capite 10. quòd ingressus in sinagogas, prædicabat Iesum, quoniā hic est filius Dei. Non ergo Iudæorum tantummodo Petrus, Paulus verò Gentium procurabat salutem: sed vterque tam Gentiū quàm Iudæorum Apostolus erat. Tamen vni

maior de Gentibus sollicitudo erat, alteri verò de Iudæis. Quid autem Petri amplissimæ potestati peculiaris hæc Iudæorū cura potest derogare? quid? nōne & reges quibus plura sunt regna, vnū sibi quandoque regnum deligunt, cuius gubernationi præesse operam nauent: reliqua verò familiaribus suis imperiunt gubernanda? Cæterum, nouum caput hydra profert Lutherana. Si enim, inquit, Petrus cū ouium pastor & princeps tua opinione esset, peculiarem quādam sibi Iudaici curā populi desumpsit. Paulo verò aliisque Apostolis aliarum nationum administrationem permisit, sequi profectò videtur, vt reliqui Apostoli, Petri autoritate Ecclesiam catholicam vt eis in sortem contigit gubernauit. Hoc autem ex nullo sacræ scripturæ loco possumus cōfirmare. Quinimo & alios Apostolos & Paulum instituisse Episcopos, nulla de Petri autoritate habita mentione, narratur. huic rei Anacleti verba, quæ dist. 21. cap. in nouo. habentur, fauore videntur esse. Cæteri enim, inquit, Apostoli cum beato Petro pari consortio præditi, & honorem &

potestatem acceperunt. In eandē quoq;  
sententiam scribit Diuus Cyprianus, ha-  
betúrque in can. loquitur Dominus. 24.  
quæst. 1. Si igitur parem cum Petro cæ-  
teri Apostoli nacti sunt potestatem, non  
est Petrus eorum princeps pastórque  
constitutus. At istud imprimis conside-  
randum est, particulari quadam Christi  
optimi prouidentia, Apostolis omnibus  
contigisse, vt in constituendis Episcopis  
Petri autoritate minimè indigerent.  
Nam ab ipso seruatore nostro Christo  
ad prædicandum missi, ab ipso hanc po-  
testatem nullo mediante receperunt.  
Vnde ipse Ioan. 10. cap. ait: Sicut misit  
me pater, & ego mitto vos. Qua re nisi  
à Christo præuenta Petri fuisset autho-  
ritas, absque eius autoritate constitue-  
re Episcopos nequiuissent. Fuerunt e-  
nim Petro cum cæteris Apostolis plera-  
que cõmunia: vt prædicare, vt docere, vt  
baptizare, iuxta illud Matthæi ultimo,  
Euntes docete omnes gentes, baptizan-  
tes eos in nomine Patris, & Filij, & Spi-  
ritus sancti. Docentes eos seruare om-  
nia quæcunque mandauì vobis. Ipsi ta-  
men soli supremus in Christiana Repu.

obtingit principatus, in omnesque Christi  
 oves ( de quorum numero Apostoli  
 extiterunt ) est potestas impertita. Ob-  
 strepunt rursus Lutherani, soli Petro ut  
 Christi oves pascat dictum sit: nunquid  
 ut summum in Christianos omnes impe-  
 rium gereret est commissum? Neque enim  
 pascere, principem dominumque esse si-  
 gnificat. Sed nesciunt Lutherani ( aut se  
 nescire dissimulant ) quod pascere, pro-  
 pria quidem huiusce verbi significatione,  
 principem esse non dicit. Veruntamen  
 cui pascendi gregis prima demadatur cu-  
 ra, ei quoque super oves committitur  
 principatus. Nam quum metaphora qua-  
 dam Christianus populus ouium nomi-  
 ne nuncupetur, nimirum si & pascendi  
 verbum metaphoricè capiatur. Quem-  
 admodum enim pastor sic ouibus pabu-  
 lum suppeditat, ministratque, ut earum  
 rector sit & gubernator: Ita & pascere  
 Christi oves iubetur Petrus, & illi ea-  
 rum cura, regimen, gubernatio, non ut  
 mercenario, sed ut vero primarioque  
 pastori demandatur. Hoc autem ( si ver-  
 bi Græci vim naturamque spectemus )  
 paruo potest negotio expediri. Dupli-

cem nanque Græci codices in ipsis verbis dictionem habent, scilicet βόσκει & ποιμίνει: quarum utriusque idem verbum, *Pasce*, Latinus reddidit interpret. Quamquam non paruum inter eas est discrimen. βόσκειν enim non apud authores Græcos præbere cibum significat, ποιμίνειν verò regere ac gubernare. Vnde & Homerus ab hoc verbo ποιμίνω Agamemnona Græcorum imperatorem ποιμίνᾳ λαῶν, id est rectorem gubernatoremque populorum vocat. In quam plurimis quoque sacræ paginae locis, ubi verbū, *rego*, Latinus ponit interpret, Græci codices ποιμίνω verbum habent. Prætereundum tamen non est, quòd eodem verbo βόσκει, tam ad agnos quàm ad oves, ad solas autem oves verbo ποιμίνει Græcum vitur Evangelium. Intelligi enim datur tam paruulos quàm adultos in fide, verbi Domini pabulo pascendos à Petro esse atque nutriendos: adultos autem non tam Evangelica doctrina imbuendos, quàm gubernandos dirigendosque, ut aliorum saluti studeant: suâque bene & innocenter acta vita ceteros in Christi amore illi-

ciant. Quid multis morer? si diligenter  
 ea Apostolorum Acta, quæ Lucas per-  
 scripsit, consideremus: Petrum maiori  
 semper omnibus in rebus autoritate  
 ac reuerentia, tanquã omnium patrem  
 & pastorem, inter omnes fuisse Aposto-  
 los inueniemus. Dices fortasse: Si om-  
 nium Apostolorum principem Petrus se-  
 gerebat, temerarius nimiũ fuit Paulus,  
 qui eum reprehendit. Ad Galat. enim  
 2. cap. dicit: Cũ autem venisset Petrus  
 Antiochiam, in faciem ei restiti, quia re-  
 prehensibilis erat. Quem sanẽ locum  
 D. Hieronymus pertractãs, Petrum, in-  
 quit, Paulus reprehendere non auderet,  
 nisi se non impari sciret. Ad hæc, si co-  
 mibus Apostolis præerat, qua ratione  
 cum Ioanne (vt Actuum 6. narratur) ab  
 aliis est in Samariam destinatus? Supe-  
 rioris enim est alium ad sua negotia mit-  
 tere, non inferioris. Sed attendas vclim  
 non ideo Paulũ in facie Petro resti-  
 tisse, quod æqualis aut superioris existeret  
 potestatis: sed quoniam si superior  
 quidpiam quod magno accedat detri-  
 mento Ecclesię, commiserit (vti in Petro  
 accidere videbatur) ab inferiori & ad ino-



neri, & aliqua verborum moderatione reprehendi potest. Quòd verò Paulum fuisse Petro authoritate parem D. Hieronymus putat. (Id quod & Anacletus & Cyprianus, quos superius citavimus) sentire videntur, non est in iurisdictionem referendum: sed in Apostolatam, in fidei defensionem, in sacri ordinis potestatem. Erant quidam omnes in Apostolatu, in fidei defensione, in ordine, à Christo pares instituti: sed maior fuit Petro iurisdictionis ratio cõdonata. Quòd postremò affertur fuisse Petrum cū Iohanne à cæteris Apostolis in Samariam delegatum, refelli eadẽ responsione potest, qua & Arrij filium minorem patre prædicantis error à sacris doctoribus est restinctus. Falsum nempe est mittentem omniẽ eo qui mittitur digniorem superiorẽque esse. Nam Magos, qui Iudæorum regem perquirebant, misit in Bethleem Rex Herodes: illis tamẽ non erat superior dignitate Herodes. Nunquam enim princeps à suis consultoribus in bellum consiliis adhortationibusque armatur. Non ergo Petrum in Samariam reliqui miserunt Apostoli, q

eo authoritate superiores essent: sed vt illò iret, consilio & hortatione suaserūt, arbitrati commodiorem ipsam fructuosiorémque ad illa negotia fore: quippe qui & cæteris præstantior haberetur, & ampliori miraculorū gratia præfulgeret.

*Quòd Romanus Pontifex in  
Christiana Repub. Petri locū  
teneat. CAP. V.*



Et cum à Christo Op.  
Max. Catholicæ no-  
stræ Ecclesiæ fuisset  
Principem constitu-  
tum sacris ex literis  
ostēdimus. Restat vt  
Romanum Pontificē

verum Petri successorem esse (Id quod  
hæreticorum plerique negant) demon-  
stremus. Quæsierim ergo primū, num  
aliquem Christus successorē Petro con-  
stituerit, qui in Christiana Ecclesia gu-  
bernanda eius locum dignitatēque ser-  
uaret. Hoc si negetur, Rempub. ab ipso  
institutam, suoque sanguine consecra-  
tam,

tam, quampluribus aliis ignobiliorem infelicioremque fateamur oportet. Qui enim Respub. constituerunt, curarunt ut firmæ, ut stabiles, ut perpetuæ essent. Sic Romanâ Romulus, sic Solon Atheniensem, sic Spartanam Lignogus condiderunt. At quâ Christiana Respublica stabilis perpetuâque esse poterit, si ei quem Christus eius institutor, caput principemque constituit, nemo subrogetur? Quod si non ut perpetua esset, sed ut Petri tantummodo duraret ætatem, condita fuit: infelix admodum miserâque est constituta: utpote quæ brevissimo tempore esset duratura. Dices fortasse: Quomodo quâue ratione successorem Petro constituemus, quoniam nullibi à Christo de hac successione mentio sit habita? Sed quâquam nusquam expressè legimus quis Petro in Ecclesiæ principatu sufficiens esset: ex hoc tamen intelligi potest Christum Petro successorem instituere voluisse, quod perpetuâ Rem publicam condidit, in qua vnum caput, vnumque principem esse voluit. Cæterum, si quispiâ est cui debeat Petri principatus demandari, cui alij quàm Ro-

mano Pontifici, honestiùs, iustiùs debet obtingere? Et si enim in ipso primo Ecclesiæ cœtu ita Petrus vniuersalis Ecclesiæ præfecturâ gessit, vt nullum sibi propriâ sedem asciuerit. Deinde aliquot annos sederit Antiochiæ. Urbem tamen Româ, diuino actus numine, pro firma constantique sede delegit, in qua per plures præsideret annos, extremûmque pro Christo diem ageret: vt eam profectò suo sanguine sedem consecraret, in qua sibi Ecclesia pastor sufficiens esset.

Quamquam ergo nihil in sacris literis de Romano Pontifice Petro subrogando est sancitum: ipse tamen Petrus Romanam sibi asciuit Ecclesiâ, in qua diutius præsideret, vltimâque sui præsulatus ætatem ageret, aliis Ecclesiis Apostolis Christi que discipulis dispersitis. Quo sanè effectum est, vt is qui in Romana sede, Petro succedit, etiam in principatu Ecclesiæ Patrum consensu subrogetur. Dum enim Romano Pontifici præstantur suffragia, Catholicæ Ecclesiæ pastori præstantur. Nam eundem & in Romanum Pontificem, & in vniuersalem Ecclesiæ pastore debere deligi ab omnibus,

absque controuersia receptum fuit, tametsi successu temporis ab hac Patrum consensione temerè aliqui descinerunt. Quem enim alium, excepto Romano Pontifice, successorem Petri, historici præscripserunt. Non enim Hierosolymitanum, uon Antiochenum, non Constantinopolitanum, nõ denique aliorum Episcoporum quempiam, præter Romanum, pro vniuersali Ecclesia pastore receptum esse legimus. Quanquam pro huiusmodi principatus gloria nonnullæ orientales Ecclesiæ quandoque pertinacissimè decertarunt. Quamobrem non à priscis tantum Patribus, verumetiam ab ipsis Christi discipulis cautum esse crediderim, ut is in Christiana Repub. principatus teneret, verusque Petri successor esset, qui Romanæ Ecclesiæ esset institurus. Accedit & sacrosanctæ illius Nicenæ Synodi mirifica auctoritas, in qua sapientissimè decretum fuit, ut nullum absque Romani Pontificis licentia & auctoritate posset Concilium celebrari: utque ad ipsum, tanquã ad supremum omnium appellari posset. In Calcedonensi quoque Synodo, in qua

sexcenti & triginta Patres confederunt,  
 Romanus Pontifex Leo tertius beatissi-  
 mus est acclamatus, omniumque causa-  
 rum definitio in eius arbitrium celsit.  
 Extat & Constantinopolitani Concilij  
 tale dictum: Veneramur secundum scri-  
 pturas & canonum definitiones, Sanctis-  
 simum antiquæ Romæ Episcopū, primū  
 esse & maximum Episcoporum. Vade &  
 Maximus in ea quam scripsit ad Orien-  
 tales epistola: Omnes, inquit, fines orbis  
 quæ Dominum sincerè receperunt, &  
 vbiq; terrarū Catholici veram fidem  
 confitentes, in Ecclesiam Romanorum,  
 tanquam in solem respiciunt, & ex ipsa  
 lumen Catholicæ & Apostolicæ fidei  
 recipiūt. Obiicient forsitan Lutherani,  
 Cū summus iste tuus Romanus Pon-  
 tifex deligitur, à quo Ecclesiæ capit prin-  
 cipatum: affertne secum ipse supremam  
 potestatem, an recipit aliunde? Si secum  
 affert, antequam eligeretur, omnium  
 Christianorum pastor erat. Si accipit a-  
 liunde, à quo sanè, nisi ab ipsa vniuersali  
 Ecclesia, quæ perpetuò manet, nūquā  
 ve emoritur, potest accipere? Non ita-  
 que Ecclesiæ principatus debetur Ro-

mano Pontifici, quòd Petro in Romana  
sede succedat. Sed omnem quam habet  
potestatem, si verum est quòd aliquè Ec-  
clesiæ principatū gerat, Christiani po-  
puli tam authoritate quàm consensione  
nanciscitur. Est igitur apud vniuersalem  
Ecclesiam summa authoritas, non apud  
Romanum Pontificem. At respondeant  
mihi Lutherani, Si ipso suo iure urbem  
condat imperator, in eaque perpetuam  
successione quadam constituat monar-  
chiam: hac tamen lege, vt sibi quem vo-  
luerunt ciues principē decernant: à quo  
principem hunc, nisi ab imperatore, re-  
giminis gubernationisque potestatem ha-  
bere dicemus? Ita cum Christiana Res-  
pub. sit à Christo Opt. Max. hoc ordine  
constituta, vt vnus in ea supremum prin-  
cipem agat: Cum Romanus Pontifex  
Petri successor eligitur, nō secū suū ipse  
defert principatū: sed illum dum electo-  
rum consensu in Petri sede collocatur, à  
Christo nanciscitur, qui suam hac lege  
Rempub. condidit, vt in ea Petri succes-  
sor cum summa potestate præsideret.  
Huiusce nostræ sententiæ Beatus Cyril-  
lus, Alexandrinus Episcopus, esse vide-



tur, cum ait: Vt mēbra maneamus in capite nostro Apostolico, throno Romanorum Pontificum, à quo nostrum est quid quærere, quid credere, & quid tenere debeamus, ipsum venerantes, ipsum rogantes præ omnibus. Quoniam ipsius est solius reprehēdere, corrigere, statuere, disponere, solvere, & ligare, loco illius qui ipsum ædificauit, & nulli alij, quod suum est plenum, sed ipsi soli dedit: cui omnes iure diuino caput inclinant, & primatus mundi tanquam ipsi Domino Iesu Christo obediunt. Vnde & Anacletus martyr, habeturque distin.  
 22 Sacrosancta (inquit) Romana & Apostolica Ecclesia non ab Apostolis, sed ab ipso Domino & Salvatore nostro primum obtinuit. Sicut beato Petro Apostolo dixit: Tu es Petrus, & super hanc petram ædificabo Ecclesiam meam. Est itaque in hoc Romani Pontificis principatu quod in Christi Optimi legem, quod in Petri voluntatem, est quod in humanam institutionē referatur. In Christi namque legem, amplissima potestas: in Petri voluntatem, Romani pontificis in sede successio: in humanā verò institu-



tionem, ipsius summi Pontificia dignitas est referenda. Sanctorum enim Patrum institutione sancitum est, ut ille ipse Pontificem Romanum agat, qui Cardinalium suffragiis fuerit declaratus. Agedum: Rursus obstrepunt Lutherani, Receptum sit aliquem in Christiana Repub: Petri successorem debere constitui, eumque Romanum Pontificem esse: Qui negare ausis, eum qui sit Petro in imperij potestate successus, oportere cæteris charitate præstare? Neque enim suarum illi ouium curam, Christus voluit demandare, nisi ab eo confessione singularis dilectionis expressa. Quid præterea Petro committitur, nonne ut Christi oues pascat? Qui ergo non amauerit Christum, & feruentius quidem cæteris: quique eius oues doctrina & exemplo non pauerit, Petri legitimus successor esse non potest. At nunquid nunc sæpenumero in Romana sede, communi Patrum consensu Pontifex collocatur, qui neque Christum optimum diligat, neque Christianum populum fidei doctrina pascere potis sit: utpote qui & perditam vitam viuat, & omnis doctrinae omnisque peritiæ sit

expers. Non sunt igitur omnes Romani pontifices Petri absque discrimine imperio successores. At si diligenti cura rem hanc consideremus, malè principatus naturam examinant Lutherani. Est enim in principatu initium, est gubernationis ratio, est usus potestatis. Initium quandoque bonum, quandoque malum inuenitur. Si enim recto quispian ordine principatum ineat, bonum est initium: Si verò per devia, malum. Ratio formæque principatus, qui sanè in quodam gubernantis, eiusque qui paret est ordine constituta, semper suapte natura bona est. Potestatis usus, si ad subditorum commodum referatur, laudendus apprimè est: at si ad principis tantummodo utilitatem prospectet, vituperio dignus. Si igitur Romanorum pontifex iustis Patrum suffragiis fuerit declaratus, legitimus is pontifex agit: estque verus ille Petri successor, cui Catholici omnes (nisi à Christiana fide descuerint) obedire tenentur. Quod si perditam exorandamque vitam viuat: Si charitatis in Christum atque in eius oues expers exiterit: dicendus quidem est malorum

morum Pontifex, tantòque indignus imperio: nihil tamen ob hanc causam de Pontificia imminuitur potestate: quando non aliunde, sed per ostium in ouile ouium penetraritur. Quamobrem & si eiusmodi pōtifex aliquo Christianæ Reipub. incommodo est ac detrimento, si-bique ædificat ad gehennam: nulla tamen sui iurisdictione priuatur, si electione legitima sanctam illam sedem sit adeptus. Hoc autem & in terreno inspicere possumus principatu. An non dicimus principis filium, si iusto matrimonio genitus sit, vt in paternis opibus, ita in paterno debere imperio succedere? Et tamen plerunque euenit, vt genitor omnibus virtutibus clarus sit, filius verò perditus sit, & sordidam vitam agat. Tempus me deficeret, si huiusce rei tam ex Gentilium libris, quàm ex sacris literis exempla concire vellem. Nihil ergo malè acta vita de Romani Pontificis detrahit potestate. Tametsi à veri Christianæ Ecclesiæ pastoris sanctitate abhorreat. Quamobrem suos Dominus Iesus discipulos admonens, ait: Super cathedram Moyfi sederunt Scribæ &c.

Pharisæi Quæ dixerint vobis, seruate & facite: secundum verò opera eorum nolite facere. Petrus quoque Apostolus nos in suis epistolis monet, vt non solum bonis modestisque, sed etiam discolis Præpositis pareamus. Quod autem Seruator noster Christus à Petro, cui Christiani populi curam mandare decreuerat, amoris charitatísq; expressione perquisiuit, hoc in causa fuisse putò, vt & doceret posteros tales populorū cura præficere, qui non suis, sed subditorum commodis studeant. Accedit quòd cū eam Rempub. constituere vellet, quæ esset optima, par decénsque erat, vt is cui primi pastoris & nomen & potestatem dabat, non tantùm authoritate, sed virtutibus & moribus cæteris, præstaret. De pascendi verò lege dicendum existimarim: sat summo Pontifici esse, si ineruditus ipse sit, nequeatque Christiano populo per se fidei doctrinam ministrare, vt aliorum in eo erudiendo diligenti vtatur opera. Nam & terreni principes in Rerumpu. administratione pluribus consultoribus pluribúsque ministris vtuntur. Si ergo quispiam Christiana

no baptifmate insignitus, Petri fucces-  
for, æquali; illi authoritate effe debeat,  
legitima institutione legitimifque fuf-  
fragiis in Romana fede collocatus fit  
neceffe eft. Si verò fuprema hac pote-  
ftate pro eius dignitate vti voluerit, fit  
Catholicis omnibus doctrina, pruden-  
tia, charitate præftantior oportet. Cæ-  
terùm præ omnibus caueat, ne mercen-  
narius, ne tyrannus, ne ouium Chrifti  
diflipator exiftat. Eiusmodi enim Pafto-  
ribus Hieremiæ vaticinio Dominus ait:  
Væ pafioribus, qui difpergunt & dilace-  
rant gregē pascuæ meæ, dicit Dominus.  
Ideo hæc dicit Dominus Deus Ifrael ad  
pastores qui pascunt populum meum:  
Vos difperiftis gregem meum, & eieci-  
ftis eos, & non vifitastis eos. Ecce ego vi-  
fitabo fuper vos malitiam ftudiorū ve-  
ftroꝝ, ait Dominus. Et ego congregabo  
reliquias gregis mei de omnibus terris  
ad quas eiecero eos illuc. Et cōuertā eos  
ad rura fua, & crefcent, & multiplicabū-  
tur. Et fufcitabo fuper eos pastores, &  
pascant eos. Quòd fi noftræ huic fenten-  
tiæ obiecerit quifpiam Hierofolymita-  
næ Ecclefia, dum illi Romanam præpo-

*Hierc. 23.*

nimus iniuriam irrogari, ppter ea quòd  
 illa & ætate antiquior sit, & dignitate su-  
 blimior (nam Apostolorum omnium a-  
 liqua ex parte altrix extitit, eique, vt ex  
 priori ad Corinth. epistola, cap. 16. con-  
 stat, ab aliis Ecclesiis subsidia mitteban-  
 tur): Dicendum profectò est, nò ita nos  
 principatum Romanæ Ecclesiæ concess-  
 isse, vt eam cæteris omnibus aliquo tẽ-  
 poris interuallo præcedere teneamus.  
 Satis enim ex se constat Hierosolymita-  
 nam priori tempore fuisse constitutam:  
 priusque Hierosolymis sedisse Iacobum,  
 quàm Petrum Romæ. Neque etiã eam,  
 quòd Romana præcisè sit, si (inquam) à  
 suo capite diuellatur, omnibus dignita-  
 te Ecclesiis antepōnimus. Fortasse enim  
 hac ratione pensata, omnibus est Hiero-  
 solymitana præstatiō, quando vniuersæ  
 Ecclesiæ aliæ suam ex ipsa duxerint ori-  
 ginem. Sed quoniã, si pastorem ratio ha-  
 beatur, Romana dignior est, excellen-  
 tior, sublimior, Petro enim, qui supremũ  
 in Catholica Ecclesia obtinuit Principa-  
 tum, Romanus Pontifex (vt ostēdimus)  
 est successor. Vnde ad Damascum Papã  
 diuus Hieronymus scribēs, habetũr quo-

24. quæst. i. can. Quoniam vetus oriens. Ego, inquit, nullum præmium, præter Christum, sequēs Beatitudini tuæ, id est cathedræ Petri, communione consortio super illam petram Ecclesiam ædificatam scio. Quod autem Hierosolimitanæ Ecclesiæ subsidia mittebantur, non dignitati eius, sed magnæ indigentiae (cuius in Actis Apostolorum Lucas meminit) est adscribendum. Si postremo id quod in suo dialogo Ocham obiicit, adducatur, nusquam in sacra scriptura inueniri, quod Romam Petrus accesserit: atque idcirco falsum esse quod Romanus Pontifex Petro succedat: Respondendū cenſeo, tot sanctorum Patrum testimoniis confirmatum hoc esse, vt noua probatione non egeat. Hoc enim D. Hieronymus super primo ad Romanos cap. In Ecclesiastica hystoria Eusebius, Bernardus in epistola ad Eugenium Papam, Ambrosius in Epistola ad Auxetium de basilicis tradendis, apertè testantur. Sed & falsum est in nullo sacræ scripturæ loco inueniri. Ipse enim Petrus in prioris epistolæ suæ cap. 5. ait. Salutat vos Ecclesia, quæ est in Babylone collecta, & Ma-



cus filus meus. vbi iuxta glossam venerabilis Bedæ, Babylonis nomine Romã ob idololatriæ cultũ intelligit. Idẽ quoque D. Hieronymus in libro de Viris illustribus tenet. Nam Petrus, ait, in prima Epistola sua sub nomine Babylonis figuraliter Romam significans, Salutat vos (inquit) quæ est in Babylone Ecclesia. Cũ igitur nullibi Petrũ cũ Marcò fuisse in Babylone legatur, nomine Babylonis ipsam vrbein Romam, cũ ob magnitudinem, tum ob idololatriæ cultum, Petrum significare voluisse, à ratione alienum non est. Nam & Ioannes Apostolus in Apocalypsi, de Romana vrbe sub Babylonis nomine facit mentionem. Pleraque alia ad confirmationem Romani principatus afferre potuissem. At quoniam (vt à principio diximus) est res hæc à multis non minus diligenter quàm eruditè tractata, sat sit pauca hæc in medium attulisse.

Apoca. 14.  
vs. & 18.

Quomodo Christiana Ecclesia  
una sit. CAP. VI.





X iis quę superius à nobis sunt definita, Christianam Ecclesiam vnam esse non est difficile demonstrare: si tamē prius quid Christianę Ecclesię nomine intelligatur explicauerimus. Igitur Ecclesia, vocabulum est Græcum. Cūque plura, apud auctores Græcos habeat significata, Christianorum vsu ceterum tantummodo, cōgregationem, conuocationemque significat. Nam consueto apud Iudæos Sinagoges nomine, quo etiam cōgregatio significari solet reiecto, Ecclesię nomen Christiani sumpserunt in vsu: vt sicuti rita religionēque à Iudæis abhorrentia & nomine multitudinis distinguantur. Quò fit, vt Christianę Ecclesię nomine nihil aliud quàm hominum multitudinem ad Christum conuocatā intelligimus. Quare tā varia tamque diuersa de his quę ad Christi Ecclesiam pertinent opinio est, quàm vario modo à diuersis Christiani nomen est vsurpatum. Sunt enim quibus placeat eos solos qui ad æternam salutem sunt

*Ecclesia  
quid sit.*

*Christiani  
nominis ex  
plicatio.*

electi, ad Christianam attingere Rempu-  
blicā: quippe quod ij tantummodò Chri-  
sti sanguine sint redempti, Dominicæ-  
que Crucis beneficium assequatur. Aliis  
videtur latius esse Christiani nomen ac-  
cipiendum: omnesque eos Christianos  
merito dici posse, qui charitatis munere  
à Christo impertiti sunt. Ideoque eos  
omnes in Christianā Ecclesiam trahunt,  
qui communi quodā charitatis vinculo  
sunt in Christo deuincti. At communis  
sanctorum Patrum usus habet, ut à fide  
Christi Christiani sint appellandi: ut ij  
omnes Christiani dicendi sint, qui fidem  
Christi tenent, eiusque cultum & sacra-  
menta venerantur. Quod cum non ij  
duntaxat qui charitatis participes sunt,  
sed etiam plerique alij, qui à Christo vi-  
ta moribusque adsciscunt, Christi fidem  
cultumque observant, ad Christianam  
Ecclesiam, ad eam (inquam) quam Mili-  
tarem appellant: eos omnes, tam bo-  
nos quàm malos, spectare dicunt, qui  
Christi fidē tenent ac profitentur. Chri-  
stianæ itaque Ecclesiæ nomine multitu-  
dinem tam bonorū quàm malorum ad  
Christi fidē commorata[m] significamus:

tamen si

*Ad Chri-  
stianā Ec-  
clesiā qui  
spectent.*

tamen si in usum quoque venerit, ut & locus ipse, in quo ad sacra conveniunt Christiani, Ecclesia nuncupetur. Est autem hæc Ecclesiæ Christianæ acceptio doctrinæ Christi admodum consentanea. Nam Matthæi 13. Ecclesiā sagenæ missæ in mare, & ex omni genere piscium congregati, similem esse dicit. Quam sanè similitudinem D. Gregorius, in omelia pertractans, sancta, inquit, Ecclesia cōparatur sagenæ missæ in mare, & ex omni genere piscium congreganti: quia nunc bonos & in aliorum communiter, quasi permixtos pisces, fidei sagma continet. Sed litus Ecclesiæ, id est finis, indicat sagma quid trahat. In eodem quoque capite, Agro, in quo bono semine sato inimicus homo superseminavit zizania: superiusque cap. 3. aræ, in qua grano permiscetur palleæ comparavit. Quæ D. Augustinus de fide ad Petrum cap. 4. sic interpretatur: Firmissime tene, & nullatenus dubites, arcam Dei esse Ecclesiam Catholicā: & intra eam usque in finem sæculi paleas contineri, hoc est bonis malos sacramentorum cōmunionem misceri. Mat. præterea 25. ca. Decē virginibus, ex quibus

bus quinque prudentes erant, & quinque  
 fatuæ, simile regnū cælorū esse dicitur.  
 Super quo loco idem D. Gregorius ait:  
 Præsens Ecclesia regnum dicitur cælorū.  
 & quia ex utroq; sexu multipliciter col-  
 ligitur sancta Ecclesia, decem virginibus  
 similis denūtiatur: In qua quia mali cum  
 bonis, & reprobi cum electis sunt ad-  
 mixti, rectè virginibus prudentibus &  
 fatuis similis perhibetur. Adde quod &  
 D. Hieronymus aduersus Luciferianos,  
 & in primo contra Iovinianum libro,  
 Arcam Noe apud beatissimum Apostolum.  
 Petrum Ecclesiæ sanctæ typum gerere  
 ait, propterea quòd ut in illa omnium ani-  
 malium genera morabantur: ita in Eccle-  
 sia iusti peccatoresque permixti cōtin en-  
 tur. Quid si obieceris Christi Ecclesiam,  
 iuxta Apostoli dictum, spōsam esse, quæ  
 neque rugam habeat, neque maculā: hoc  
 secundum D. Augustini sententiam in  
 libro de Nuptiis & Coniugio, capite 3,  
 non ad præsentis seculi statum, sed ad fu-  
 turæ integritatis nitorem est referendū.  
 Apud Gregorium verò 3. Moralium li-  
 bro, de præsentī quidem Ecclesia, sed  
 quantum ad bonos & electos intelli-  
 gi

potest. De hac ergo Christiana Ecclesia, in qua boni malique absque vlllo discrimine permiscuntur, quod vna sit, ex his quæ superius sunt definita, possumus demonstrare. Sed illud prætereundum non est, quod cum multitudo omnis in quadam pluralitatis ratione sit constituta, vnitatis modum formamque habere non potest, nisi ad vnum aliquod referatur. Quandam enim congregatam hominum multitudinem, vnā esse dicimus ciuitatem, quod aut eodem principe, aut eisdem legibus gubernentur omnes. Quod si plurium populorum, aut diuersi principes, aut diuersæ leges diuersarum potius ciuitatum quàm vnius habent rationem. At si in vnum communem omnium regem plures populi referantur, vnusquisque tamen peculiarem suum habeat principē, & plures dici earum multitudines possunt, & vna. Nam & si particulares earum Principes municipalesque leges inspirantur, plures sanè absque controuersia dici debent. Si verò vnum illum communem earum regem communemque quandā omnibus legem consideremus: iam vnus sibi multitudine.

nis vendicat rationē. Mediolanenſi nan-  
 que dominium, Mantuanūque, ex quo  
 duos habent principes, diuerſiſque mu-  
 nicipalibus legibus gubernantur, duo  
 dici Principatus poſſunt. Sed ad commu-  
 nem Chriſtiani nominis Imperatorem  
 proſpiciatur, non duorum omnino Pri-  
 cipatum, ſed partium vnius imperij no-  
 men habent. Vt enim eorum principes  
 ſub Imperatore, tanquam partiales qui-  
 dam duces, collocantur: ita vnius Impe-  
 rij ea dominia partes quædā ſunt, quòd  
 ſuis ipſe legibus Imperator moderatur.  
 Cū igitur plures in Chriſtiano popu-  
 lo ſint Antifites conſtituti, quibus diuer-  
 ſorum populorum incūbit cura atque ſo-  
 llicitudo: ſitque vnus omnium Chriſtia-  
 norum communis Pater: Si particulares  
 tantummodo populorū Episcopos ſpe-  
 ctemus, plures eſſe Chriſtianorū Eccle-  
 ſias non diffitebimur. Et ſi in commu-  
 nem omnium Patrem atque Paſtorem  
 oculos intenderimus, eſſe vnā Catho-  
 licam, hoc eſt vniuerſalem Eccleſiam,  
 quæ ex pluribus partialibus Eccleſiis ſit  
 conſtituta, fatebimur: quando vide-  
 licet vnus ſit communis Chriſtiani po-

puli moderator, cuius legibus & institutis Christiana Respublica nostragubernatur. Est enim supremus Ecclesiæ pastor Christus ipse Iesus, qui ait: Ego sum pastor bonus. Bonus pastor animam suam dat pro ouibus suis. Apostolus quoq; Paulus de ipso inquit, quod Deus dedit ipsum caput super omnem Ecclesiā. Post Christū primus Ecclesiæ Catholice pastor ac rector Petr<sup>us</sup> est, cui dicitur: Oraui pro te Petre, vt non deficiat fides tua. Et tu conuersus, confirma fratres tuos. Hanc vnitatis Ecclesiæ rationē B. Cyprianus illud Matthei decimotercio, Tu es Petrus, pertractans, habeturque 24. quest. 1. c. loquitur. Super vnum, inquit, ædificat Ecclesiam. Et quanuis omnibus Apostolis post resurrectionē parem potestatem manifestaret, vnitatis eiusdem originem ab vno incipientē sua auctoritate disposuit. Inferiūs quoque subiungit: Exordium ab vnitatem proficiscitur, vt Ecclesia vna monstretur. Alteram vnitatis Ecclesiæ D. Hieronymus ad Euand. seu Eugenium. Episcopum: habeturque *distin. 42. c. legimus.* inducit, fidei scil. vnitatem, in qua parti-

*Ioan. 10.**Ephe. 1.**Luc. 22.*



ales omnes Ecclesias communicare ne-  
mini dubium est, quando Christiani o-  
mnes in Christum credāt: eadēque de  
ipso diuino illustrali lumine teneant.  
Nec enim altera (inquit D. Hierony-  
mus) Romanæ vrbis Ecclesia, altera to-  
tius orbis existimanda est. Et Gallia, &  
Britannia, & Africa, & Persis, & Oriēs,  
& India, & omnes barbaræ nationes (in-  
tellige quæ in Christi militiam dederūt  
nomen) vnum Christum adorant, vnam  
obseruant regulam vnitatis & veritatis.  
Apostolus quoque primæ ad Corinth.  
epist. capi. 1. Id ipsum, inquit, dicatis om-  
nes, & non sint in vobis schismata. Est  
& tertia ratio vnitatis eiusmodi sacra-  
mentorū vnitas, quibus vniuersus Chri-  
stianorum populus insignitur. Vno enim  
baptismate, quod Sacramentorum pri-  
mum est, omnes in Christo regenera-  
mur, eisdēque Sacramentis omnes v-  
timur. Est & quarta vnitatis ratio, expe-  
ctati à nobis finis vnitas, ipse scilicet De⁹  
Opti. Maxi. ad cuius sempiternam frui-  
tionem intendunt animum Christiani.  
Hanc autem vnitatem Dominus signifi-  
care sub illam parabolam voluit, in qua

*Sacramen-  
torum vni-  
tatis.*

*Matth. 20.*



Omnes qui in culturam vineæ missi fuerant, singulos accepisse denarios enarrauit. Tangit & ipsam super psal. 85. Augustinus, sic inquit: Multæ gentes, & vna gens. Quare vna gens? Quia vna expectatio. Postremò, quur non vnagēs, si vna patria Hierusalem est? Quid plura? Hæc omnes vnitatis Ecclesiæ rationes ad Ephesios cap. 4. diuus Paulus Apostolus complectens, ait: Vnus Dominus, vna fides, vnum baptisma. Vnus Deus & pater omnium, qui est super omnes, & per omnia, & in omnibus nobis. Quobrem & cantic. 4. cap. de Ecclesia dicitur: Vna est columba mea: Vna est perfecta mea. Istud autem consideratione dignum est, quòd non modò nostra hæc præsens Ecclesia in Christianorum finibus constituta vna est: verum etiam & cū antiquorum Patrum ac Prophetarum Ecclesia vnitatem habet. Illorum enim fides eadem erat, quæ & nostra. Nam vt nos in Christi fide saluamur: ita in Christi futuri fide antiqui illi Patres saluabatur. Tametsi alii ipsis sacris suam protestantur fidem, aliis nos nostram declaramus. Quapropter Acto. 4. dicitur, de

Christo: Neque enim aliud nomen est sub cælo datum hominibus, in quo oporteat nos saluos fieri. Quod si obieceris antiquos illos Patres, quanquam sanctissimi essent, Christi que futuri profiterentur fidem, ad nostram nullo pacto attingere Ecclesiam posse, propterea quod Christi baptismo diluti non essent. Hoc enim solo (ut August. in epist. ad Bonifacium, & in libr. de Baptis. paruulo. placet, habeturque de Consecra. distin. 4. cano. ad hoc.) incorporatur quis Christo, eiusque efficitur membrum. Duplicem sciat vñionis ad Christum modum formatumque esse. Sunt enim qui Christo merito tantummodo animoque iungantur: ut iis euenit, qui dum instituuntur in fide, antequam baptismo regenerentur in Christo, cum solo huiusce sacramenti desiderio emoriuntur. Nam de Valentino quodam qui cathecumenus obiit, inquit Ambrosius: quem regenerationis iram amisit: veruntamen ille gratiam quam proposuit, non amisit. Sunt & qui numero quadamque Christiani nominis expressione Christi membra se gerant: ij, scilicet, qui Christianis sacris ornati, Chri-

stiano nomine nuncupantur. Antiqui ergo Patres, sicut Abraham, sicut Isaac, sicut Iacob, sicut David, quum Christum humanam carnem pro nostra salute sumpturum crederent, occulta quædam atque latetia Christi membra meritò quidem erant & animo. At quoniã extrinsecù in signe Christi, baptisina (inquam) non gerebant, manifestis publicisque Christi membris, de quibus loquitur B. August. non enumerantur: ad Christi tamen spectant Ecclesiam: propterea quòd interiori Christianorum signo, fide (inquam) nostra, essent instructi.

*Quòd leges à summo Pontifice  
atque à Cõcilijs editæ, Christiana  
non derogant libertati.*

## CAP. VIII.



Vi se Christianū po-  
 pulum velle in liber-  
 tatē asciscere iactant  
 ac gloriantur, Eccle-  
 siasticas omnes leges,  
 humana omnia iura,  
 omnia decreta tollūt,  
 falsi Christi baptismate insignitum, nul-  
 lis, excepto Euangelio, debere legibus  
 obstringi. Hoc ipsum enim cæteris na-  
 tionibus Christianum præstare populū  
 inquirent, quòd amplissima fruitur li-  
 bertate, nullisque potest humanis legi-  
 bus coerceri. Sed hi toto (vt aiunt) errāt  
 cælo, cæcæque ista gloria sua & ambitio-  
 ne innumeros secū in loca tartarea præ-  
 cipites trahunt. Si enim vnus est totius  
 Christianæ Reipublicæ pastor ac guber-  
 nator, cui vniuersarum ouium Christi  
 cura demanata est, quid causæ est quur  
 pro communi ouium vtilitate ac com-  
 modo condijab ipso leges ac statuta ne-  
 queant? Nūquid non principis est leges,  
 quibus cōmunis Reipublicæ status in o-  
 niū tranquillitate cōseruetur, pro tem-  
 porum hominūque dispositione, con-  
 dere ac promulgare? Si leges à Repu-

blica sustuleris, quàm breuissimò temporis interstitio corruat necesse est. Nā & qui ad cædes, ad latrocinia, ad depopulationes vrbiū, societatem ineunt, nisi aliqua legum specie eorū temeritas compescatur, quæ malè perditæq; excogitantur, aut exitu præstare non valent, aut quàm maximo suo detrimento ac periculo. Constituere enim quam pro Repub. sit, aut totius populi est, aut eius qui publica fungitur potestate. Nam apud Romanos, & à Cōsulibus, & à Tribunis plebis ex Senatus. sententia, atque etiam communi Tribuum assensu, leges quæ in commune consulerent, ferebātur. Idem quoq; apud Græciæ populos in vſu fuisse, ex multis possumus historiis coniectare. At vbi omnia in vnus hominis potestatem venerunt, suo ipse leges condebat arbitrio: tametsi ob quandam speciem libertatis, ad eas ferendas, sibi Senatū consultorem adhibebat. Quid igitur mirum, si summus pro tempore Pontifex (cuius diuina institutione interest Christiani populi vitam ac mores moderari) leges, statuta, sanctiones, cōdat: quibus in Christiana Republica tran-

quillitas conferuetur. At dicent Luthe-  
 rani: Habeant aliæ nationes suos legisla-  
 tores, qui eas legibus onerent, præmāt,  
 suffocent. Nobis sub Christianam liber-  
 tatē constitutis, sat sit legislatoris ac, Ser-  
 uatoris nostri Iesu Christi legem, quæ in  
 Euangeliorum libris est præscripta, om-  
 ni studio ac diligentia custodire. A post o-  
 lus nanque ad Galat. cap. 3. sic scribit: Si  
 spiritu ducemini, non estis sub lege. Ad  
 Timotheum etiam priori epistola, cap. 1.  
 Non est, inquit, iusto lex posita. Sed &  
 posteriori ad Corint. epist. cap. 3. cautos  
 nos reddit ibi libertatem extare, vbi spi-  
 ritus Domini fuerit. Si ergo lex Chri-  
 stiana infidelium cordibus descripta est,  
 estque Libertas individuum eius comes,  
 quid est quod magis Christianorū pro-  
 sternat Libertatem, quàm humanæ Pō-  
 tificum Conciliorūque leges, quib⁹ in  
 perpetuam datur homines seruitutem?  
 Adde & Urbani papæ sententiam, quæ  
 19. quæst. 2. præscribitur: Qui enim (in-  
 quit) lege priuata ducitur, nulla ratio  
 exigit, vt publica constingat. At Chri-  
 stianum hominem sancti spiritus gratia,  
 quæ priuata quædam lex est, duci est in-

confesso. Non est ergo publicis Pontificum legibus astringendus. Sed si Apostoli verba temerè (vt faciunt) exponantur, non modò Pontificū, sed etiam Dei Maximi leges abrogandæ sunt, atque è Christianorum ædibus eliminandæ. Si enim nulla est iusto lex posita : Si vbi spiritus Domini, ibi libertas: Si qui spiritu ducuntur, sub lege non sunt, vt Apostoli verba in cortice præ se ferunt, quum non magis de humana, quàm de diuina lege Paulus faciat mentionem, omnem legem à iusto, atque etiam à Christiano populo arceamus oportet. Quod sanè fit, vt neque Euangelio, neque alii diuinæ legi, homini iusto sit optemperandum. Non sunt itaque Apostoli, aliarumque sacramentorum literarum verba in cortice tantummodo inspicienda: sed sunt acerrimo ingenio introsum ad medulam vsque examinanda. Inter veterem quidem legem & nouam, hoc maximè interest, quòd vetus lex cuncta fermè quæ agenda erant, paucis humano permissis arbitrio, definiebat. At noua, ea duntaxat, quæ sempiternum cum gratia & charitate nexum habent, præcipit atque de-



cernit. Reliqua verò, quæ, inquam, ne-  
que ullam cum gratia coniunctionem  
habent, neque cum ea digladiari solent,  
eorum quibus Christiani populi deman-  
datur cura politica permittit. Vnde &  
ab hac constituendarum legum faculta-  
te potest modo aliquo lex noua, lex li-  
bertatis appellari. Dicant præterea Lu-  
therani: Nōne quæ à vicaria Principis  
persona, dum eius authoritate fungitur,  
constituuntur, ea omnia in principis vo-  
luntatem sunt referenda? Si ergo Ro-  
manus Pōtifex Seruatoris nostri Christi  
vicem gerit in terris, Princēpsque do-  
minici gregis est institutus: qua ratione  
leges ab eo promulgatæ, non sunt pro  
Christi legibus recipiendæ? Qui enim  
inquit dominus, vos audit, me audit: &  
qui vos spernit, me spernit. Apostolus  
quoque ad Romanos ca. 13. scribens ait:  
Qui potestati resistit, Dei ordinationi  
resistit. Respondebunt fortasse, supremi  
quidem Principis esse, id est Christi, in  
Christiana Republica leges cōstituere.  
At ad eum qui Christi vicarium agat,  
non spectare vt leges condar: sed vt iis  
legibus quæ à Christo editæ sunt, iustè



sapientérque vtatur. Quare si quis induxerit sanctiones, dicendæ leges non sunt, sed tyrannides, sed latrocinia, sed populorū oppressiones. Cæterum meminert Lutherani non esse quidem cuiusuis hominis qui alterius vicem gerat, perpetuam legem condere. Veruntamen eum qui Principis sese de nostris oculis proripientis vicariam personam gerat, leges pro temporum locorūque cōditione, cōdere non posse, omni prorsus ratione caret. Quo enim modo temporum negotiorūque necessitatibus succurri poterit, si nemo in Republica sit constitutus, qui suis possit legibus homines perditos coercere? Vt igitur Roma. Pontifici Catholicæ Ecclesiæ demandatur cura, ita condendarum legum pro Reipublicæ Christianæ vtilitate facultas impertitur. Alioqui vana eiusmodi præfectura esset, quando præsertim pauca de hominū actibus, deque ciuili conuersatione sint. Euangelica lege definita. Quare fateri omnino debemus, Romano pontifici pro sua potestate licere, vt aliquas pro temporū necessitate Euāgelio leges adiiciat, dūmodo ab ipsa Euā.

gelii lege non abhorcant. Vnde Hiero-  
 nymus ad Lucinium scribens, præcepta  
 Maiorum Apostolicas leges extimandas  
 esse censet. Admonet etiam Paulus Ro-  
 manos, cap. 13. vt omnis anima potesta-  
 tibus sublimioribus subdita sit: propter  
 ea quòd potestas omnis à Deo ducat o-  
 riginem. Ad Thessalonicenses quoq; scri-  
 bit: Qui hæc spernit, non hominẽ sper-  
 nere, sed Deum, qui etiam dedit Spiritũ  
 suum sanctum in nobis. Hebræis item  
 præcipit, vt suis obediant Præpositis, at-  
 que subiiciantur. At quĩ fieri potest, vt  
 Potestatibus sublimioribus subditi sim⁹,  
 nostrisq; Præpositis pareamus, si eorũ  
 madata pro nostro possum⁹ arbitrio reiici-  
 cere? Accedit quòd & in primo Aposto-  
 lorũ sacro Concilio (vt Act. cap. 15. legi-  
 tur.) sancitũ fuit, vt qui in Antiochia, in  
 Syria, & in Cylicia erant, contaminatio-  
 nibus simulacrorũ, sanguinéq; abstine-  
 rent, & suffocato. Pleræq; etiam aliæ à  
 Paulo cæterisque Apostolis edebantur  
 leges, quæ nunquam in Euangeliiis sunt  
 descriptæ. Addiderim quòd non modò  
 Pontificum, verumetiam & Conciliorũ  
 leges pro numine (vt ita dixerim) sunt  
 habendæ,

habendæ, atque summa reuerentia & fuscipiendæ & obseruandæ. Nam ad discipulos Dominus ait: Ecce ego vobiscum sum omnibus diebus vsque ad consummationem seculi. Alibi quoque, Vbi (inquit) duo vel tres congregati fuerint in nomine meo, ibi in medio eorum sum. Si cõtinuè nobiscum moratur Christus, Si in medio eorum qui in nomine eius congregati sunt versatur: credendum profectò est nihil ab illo Patrum confessu posse constitui, quod non Christus ipse suo lumine suggerat. Ad Paulũ redeo, qui omnem à iusto legẽ videtur arcere. Non est putandum leges, decreta, Sanctiones, præiudiciũ aliquod afferre libertati: nisi fortasse apud eum, qui à recto, atque ab eo quod imperatur animũ auertit. Is enim dum paratam, nĩ pareat, sibi pœnam prospectat, præcepta maiorum abominatur, odióque prosequitur. Quo fit, vt quum in diuersum trahatur animus, à suóque explendo desiderio deterreatur, ademptam sibi licentiam ac libertatẽ putet. At is qui à legis imperio non abhorret, sed ad ea quæ iubentur, propenso est animo, nihil sibi libertatis

ex lege putat adimi : propterea quod  
 sponte agat quæ lege sunt constituta.  
 Quare quod Diuus Paulus ait , eos qui  
 Spiritu ducuntur non esse sub lege , non  
 sic intelligendum est , quasi nulla lex sit,  
 quæ iustorum opera operationisque mo-  
 deretur. Sed quoniam cum sua volunta-  
 te legem obseruent , ad obseruationem  
 legis non arctantur iniuri. Quia namque  
 inferior lex , quam Spiritus sancti gratiã  
 esse diximus , Scriptæ legis affinis est &  
 germana , qui interiori hæc lege ad bene  
 agendum inducitur , non vi , non metu ,  
 temporalis præmij spe vlla , sed honesti  
 desiderio in obseruationem legis ma-  
 nibus pergit & pedibus. Quod verò iu-  
 sto legem positam non esse dicit , in hac  
 sententiam accipiendū non est , ut nullis  
 spirituales viri legibus obstringantur :  
 sed quod contra eos qui à recta frugique  
 vita desciunt , fertur lex & promulga-  
 tur. Iusti enim quāquā diuinæ legis , sine  
 qua neque Angelica natura constare po-  
 rest , ad rectè viuendum indigent : nulla  
 tamen violentia ad eius obseruationem  
 compelluntur. Quod præterea ex eodem  
 assertur Apostolo , Vbi Spiritus Domi-

ni est, ibi extare libertatem: sic interpre-  
tamur, quod qui Spiritum sanctum suo-  
rum operum rectorem habet & mode-  
ratorem, ab omni violentia legis obser-  
uatione sunt liberi: quippe quod eorum  
animus in virtutem sit omni ex parte  
propensus. Nihil demum Urbani verba  
huic obsunt sententiæ. Nam quum Chri-  
stiana lex quæ in cordibus fidelium est  
descripta, omni sit humana lege præstā-  
tior, quum ad Spiritus sancti legem spi-  
rituales viri sua componunt facta, nulla  
publica lege, quæ diuinæ sit contraria,  
obstringi reuincique possunt. Neque ta-  
mō eos ab omni, aut diuina, aut humana  
lege absolutos esse definimus. Si enim  
se à diuina lege subducerent, iusti pro-  
fecto non essent. Si etiam ab ea humana  
lege quæ iusta ratione sit ædita, animum  
auerterent, nequaquā Petrus iubente vt  
subiecti simus omni humanæ creaturæ  
propter Deum, obtemperarent. Addi  
forsitan ad huiusce sententiæ nostræ euer-  
sionem ea Domini verba possent, quibus  
nonnulli in primo Ecclesiæ ortu permo-  
ti fideles, nulli se subiectos humano exi-  
stimabant imperio. Dicitur enim Ioan-

nis 8. cap. Veritas liberabit vos. & rursus :  
 Si veritas vos liberauerit, verè liberi eritis.  
 Sed hæc, D. Augustino interprete, de libertate à peccato sunt intelligenda.  
 Huic autem libertati quid obstat nos iustis Pontificū Conciliorūque legibus subiectos esse debere? Nam, vt Paulus 6. ad Romanos capite scribit. Liberati à peccato, serui facti sumus iustitiæ. Possent quoque & de libertate ab antiquæ legis obseruatione conuenienter intelligi iuxta illud Apostoli ad Romanos 7. cap. Nunc autē soluti sumus à lege mortis, in qua detinebamur: ita vt seruiamus in nouitate Spiritus, & non in vetustate literæ.

*Quòd excommunicatio Christianam libertatem non minuat.*

## CAPVT IX.



St & aliud quod Hæreticos Christianam libertatem labefacta re videatur, Excommunicationis scilicet censura, qua quispiã interdicît Sacris ab

omniq̃ue hominum consortio, & in manus Satanae relegatur. Quid enim grauius, durius, seruius homini potest accidere, q̃ vt Christianorum cœtu eiectus, in manus immanissimi tradatur hostis? Atqui & à diuo Paulo, ne vnquam male dicamus admonemur. Ceterùm quæ maior, quæ grauior, quæ execrabilior maledictio Christiano homini euenire potest, quàm vt omni hominum contubernio, omnibus Sacris, omnibus suffragiis interdicatur? Quodq̃ue omnium miserimum est, acerrimo hosti captiuus datur? Sed est hac in re quam diligentissimè attendendum, tanto Pontificum iudicium esse æquum, quanto Dei iudicio, cuius ministros se gerunt, fuerit simile ac conforme. Duobus autem modis solitus est Deus Maximus hominem à vitio ad virtutem reuocare. Quando-



que enim aliquo damno afficit ac incom-  
modo, vt ægitudine, vt opum iactura, vt  
imperij detrimento, vt propinquorum  
amicorumque morte. Aliquando verò  
propria virtute perimit inuiti suaque  
ope destituit, vt suarum virium debili-  
tate perspecta, ad Deū à quo superbiens  
desciuerat, humilior reuertatur. V-  
trunque ergo huiusce nostræ Ecclesiæ  
Pontifex Maximus, dum hominem ex-  
communicationis censura notat, efficit.  
Quo eū vitendū ductus, in meliorē tan-  
dem redeat frugem, à fidelium cœtu tur-  
piter eiicit. At quo se spiritaliū rex in-  
dignum noscēs, ad Diuinā supplex opem  
confugiat, spiritalibus adiuuentis, Sa-  
cris inquam, quibus ad bene viuendum  
iunari magnopere poterat, interdicat.  
Non itaque Evangelicæ libertatis ficti-  
ctura, si is qui Maiorum iūssis obedire  
detrahat, quo in meliorem vitæ redeat  
rationem, excommunicationis censura  
notetur. Nam & Seruator noster Chri-  
stus fraternæ correctionis modum for-  
māque præscribēs, cum qui Ecclesiam,  
hoc est Prælatum, audire noluerit, vti  
Ethnicum & Publicanū habendum esse



decernit. Paulus quoque priori ad Cō-  
rinth. epistola, cap. 5. in incestuosum ho-  
minem excommunicationis ferens sen-  
tentiam, ait: Ego quidem absens corpo-  
re, præsens autem spiritu, iam iudicavi ut  
præsens, eum qui sic operatus est, in no-  
mine Domini nostri Iesu Christi, con-  
gregatis vobis & meo spiritu, cum virtu-  
te Domini Iesu tradere huiusmodi ho-  
minem Sathanae in interitum carnis, ut  
Spiritus saluus fiat in die Domini nostri  
Iesu Christi. Ad Thessalon. quoque cap.  
vltim. in hæc verba scribit: Quod si quis  
non obedierit verbo nostro per episto-  
lam, hunc notate, & ne commisceamini  
cum illo, ut cōfundatur. Significat etiam  
Timotheo se Hymeneū & Alexandrum  
tradidisse Sathanae, ut discerent non blas-  
phemare. Si ergo diuus Apostolus, ma-  
ximus Euāgelicæ libertatis assertor, per-  
ditos homines & sceleratos à cōmuni ali-  
quando hominum, cœtu, arcendos esse  
putat: quid causæ est quur absque eius-  
modi libertatis detrimento à Romano  
aliisque Pontificibus contumax ac rebel-  
lis Christianæ excommunicationis cen-  
sura damnari non queat? Nam qui Maio

rum præceptis obedire contemnit, non Spiritu sancto ducitur, ut ea gaudeat libertate, de qua meminit Apostolus: Vbi Spiritus Domini, ibi libertas. Atque idcirco nimirum, si ad meliorem satisfactionemque vitam sit hac excommunicationis poena compellendus: durissimum sanè est atque gravissimum ab hominum conuersatione secludi: nò tamen iniquum est, neq; ab Euangelica alienum doctrina, ut qui sua pertinacia Christianam exuit libertatem, suoque Pastori ac Principi parere studet, tali præmatur onere, tali-  
 que reuincatur cathena, ut quum pudore, tum damno resipiscens, in veræ libertatis semitam reducatur. Quod verò Satanæ tradi dicitur, non ita est accipiendum, quasi tanquam in iudicio condemnatus, in manus dæmonum extremo plectendus supplicio detur: sed quoniam & Sacris & suffragiis Ecclesiæ, quibus sanè contra Satanæ molestias tutari poterat, ob suam perniciaciã ac temeritatem destituitur. Sic tanquam inermis dæmoni tentandus abiicitur: vnde & facilius & infelicius prolabitur in crimina. Ut eni aduersus vicariã Christi personam cornu

erigit: ita & absque vlla Euāgelicæ libertatis iactura deprimitur, ab omniq̃ue Ecclesiastico deicitur commodo ac beneficio. Ab ea autem nobis maledictione cauendum esse Apostolus inonem, qua homini optamus precamurque malum, hac tantum ratione, vt affligatur, vt doleat, vt excrucietur. At ab ea quæ cum hominem, qui à Maiorum suorum, inuò à Dei Optimi lege, sua temeritate digreditur, aliquo volumus affici detrimento, vt & ipse mentis compos effectus, in virtutis gremium reuertatur, & reliqui eius edocti malo, rectam gradientur semitam, nos nullo deterret. Nam & sæpenumero Medici si putre aliquod membrum offenderint, illud prototius corporis salute præcidunt.

*Quòd terrenum Romani Pontificis Imperium Euāgelicæ non derogat libertati.*

## CAPVT X.



Gedum, ea potestas, dicunt Lutherani, quam in spirituali vita Christianus dirigendus est populus, Evangelicæ non obstat libertati, terreno

potiori imperio, posseque in Christi oves deservire. Ecquid non Christianæ repugnat libertati, cæcior talpa fuerit, qui non viderit ibi esse tyrannidem, ubi Princeps possit subditis tanquam servis imperare. Unde eiusmodi regni eiusmodique imperij cupiditatem Servator noster, Christus Iesus, de Discipulorum cordibus excutere volens, Principes, inquit, Gentium dominantur eorum: & qui maiores sunt, potestatem exercent in eos. Non sic erit inter vos. Sed quicumque voluerit inter vos maior fieri, sit vester minister. Et qui voluerit inter vos primus esse, erit vester servus. Dicitote præterea, inquiunt, Romani Principatus defensores, iustumne censebitis ut maiorem Principem, is qui eius vicariâ personam agit, habeat potestatem? Non est, inquit Dominus, servus maior domino suo. Si

ergo Christus Maximus terrenum omne imperium spreuit, neglexit, reiecit, si-  
bi que humilem ac pauperem delegit vi-  
tam, qui congruit ut Romanus Pontifex,  
qui se eius in terris vicarium gerit, Prin-  
cipem terrenum, Regem, Imperatorem  
agat? Nam neque D. Petrus ipse Præce-  
ptoris sui ægregius imitator ullū terrenū  
habuisse legitur Principatū, sed ouium  
Christi salutē studuit, voluitque Chri-  
stianum populum ab omni seruitutis iu-  
go liberatū esse. Caterū vniuersa hæc,  
ex quibus Lutherani aduersus Romanū  
Pontificē calūniæ ansam capiunt, par-  
vo negotio refellemus, si prius varios es-  
se imperādī modos explicauerimus. Sunt  
sanē quidē, ut Aristoteli octauo ad Ne-  
chomachum libro placet, qui omne suū  
imperium non in subditorū vtilitatem, sed  
in suū referunt commodum: Sunt &  
alii, qui ad id potissimum in sua præfe-  
ctura prospektant, ut populorum salutē,  
quieti, tranquillitati consulunt, qui om-  
nia in sua commodā referunt, non veri  
Principes, sed tyranni, sed latrones, sed  
carnifices sunt. Estque eorum imperium  
libertati omni ex parte repugnans. At-

qui sua potestate ad populorum vtilitatem pacemque vtūtur, ij Christiani Principes sunt, verique ouium Christi & pastores & custodes, nullūque eorū Principatus Evangelicæ libertati præiudicium adfert. Nihil enim potest cuique liberiùs euenire, quàm vt saluti tràquil- litatīque suæ omnibus in rebus consula- tur. Quum igitur ad Christianorū com- modum terrenum Romani Pontificis imperium omnino prospiciat, libertatis potius dicendum esse imperium, quàm seruitutis. Estque Romanus Pōtifex, cui terrena hæc potestas est à Christo ma- ximo impertita, Christiani populi du- ctor, pastor, conseruator meritò nuncu- pādus. Quod si à Lutheranis obiiciatur euenisse nonnūquam vt terrenum hunc Principatum, Romanus Pontifex vt in- suum tantummodo atque suorum com- modum retulerit, ipsamque Christianā Rempublicam non modò labefactaue- rit, verumetiam propè prostrauerit: con- siderent, nihil esse de veri liberique im- perij ratione detrahendū, si vnus & item alter suo abutantur imperio. Est enim hæc in re non Principis vsus, sed Princi-

patus natura consideranda. Nam & eleemosyna natura quidem bonam esse difsitebitur nemo, sunt tamen qui eam malè agant, ad inanémque trahant gloriam: an igitur aut tollenda, aut vituperanda est, propterea quòd aliquorum abusu deprauetur? Ita terrenus Ecclesiæ principatus sua certè ratione bonus est, omni que ex parte laudandus: quippe qui ad Christiani populi commodum utilitatemque sit institutus. Fueréque quamplurimi Romani Principes Pontifices, qui tali imperio non modò iustè civiliterque, verum etiam sanctissimè vti sunt. Et sub hanc nostrà ætatem Beatissimus Iulius tertius Pontifex maximus, modestissimè sapientissimèque hoc gerit Principatum. Quare terreni huiusce imperij naturæ rationique haud quaquam detrahendum censeo, quòd Pontifices aliqui in populorum cædes, in augendasque suorum opes ac dignitates, se omnino conuerterint. Quid præterea mirum, si Pontifex noster Maximus habeat cum spirituali Potestate terrenum coniunctum imperiū: Nónne & Melchisedech Rex fuit Salé pariter & Sacerdos? Moy-



ses quoque & terreni & spiritualis prin-  
 cipatus aliqua ex parte exercuit pote-  
 statem. Nōne, vt Iosue 21. cap. scribitur,  
 quadraginta & octo ciuitates sunt Leui-  
 tis ac Sacerdotib<sup>9</sup> impertitæ? In vtrāque  
 aurē dormiūt Lutherani, dum terrenum  
 omne imperium esse dominorum in ser-  
 uos potestatem arbitrantur. Hac enim  
 non solum Philosophorum authorita-  
 te, verumetiam longa humanarū rerum  
 experientia dominatur. Quis enim est  
 qui nesciat eum qui seruituti sit addi-  
 ctus, timore potius quā amore in offi-  
 cio contineri: filium verò suauī quadam  
 parentum beneuolentiā ad eorum obe-  
 dientiam attrahi, quadamque ingenuj  
 dexteritate regi ac gubernari? Romani  
 ergo Pōtifcis in Christianos imperium  
 nō illius Principatus rationē habet, quæ  
 seruis & dominis in sua coguntur obse-  
 quia. Sed illi<sup>9</sup> quo fili<sup>9</sup> à patre dulci quadā  
 beneuolentiā in liberali vita, in prætex-  
 tatīque moribus continetur. Quare ter-  
 renum hoc Romanę Ecclesię imperium  
 non Domini ad seruum, sed Patris ad fi-  
 lium, dicendus est Principatus. Vnde &  
 ille antiquus Ecclesię vsus, quo se Ro-

manus Pontifex Seruum Seruorum Dei  
in suis diplomatis scribit, optimè huic  
nostræ sententiæ quadrat. Vt enim eum  
liberum hominem esse dicunt, qui pro  
suo commodò agit ac operatur ita eum  
seruum appellant, qui ad alterius utilita-  
tem commodumque laborat. Quod quum  
pro communi Christianorum bono Ro-  
manus laboret Episcopus, ipsorum potius  
dicendus seruus quam Dominus. Cete-  
ràm hunc à suis discipulis arce re Prin-  
cipatum haudquaquam voluit Christus,  
qui (inquā) cū summa imperij potestate  
Principis seruitutem coniunctā habet.  
Sed illum duntaxat qui in subditos, tan-  
quam in seruos ambiciose, superbe, aua-  
re solet exerceri. Nā & ipse Saluator no-  
ster Christus Iesus & Dominū pariter &  
se seruum esse declarauit: quando (ut in  
Ioannis Euangelio legitur) posteaquam  
discipulorum pedes lauit, quod sanè ser-  
uorum est, Vos, inquit, vocatis me Magi-  
ster & Domine, & benedicitis: sum ete-  
nim. Noluit ergo ut eum discipuli prin-  
cipatum ambierant, quod tyrannorum  
est imperium. Illam tamen Dominatio-  
nem, quæ est cum principis seruitute cō-

iuncta, non inhibuit. Non est autem timendum, ne si Romanus Pōtifex terreno potiatur imperio, Seruatorē ipsum nostrum aut dignitate superet, aut potestate. Erat enim Cælestis Terreniq; moderator, Rex Regum, & Dominus Dominantium. Sed, vt ad Philippen. Apostolus scribit, Semetipsum exinaniuit, formam serui accipiens, & habitu inuentus vt homo. Regem nanque se esse ostēdit, quum super asinum in urbem inuectus, voluit iuxta Zachariæ prædictionem Rex consalutari. At quāquam Princeps, Rex, Imperator suapte natura erat, terreno tamen Principatu, dum mortalem hanc vitam nostram vixit, vti noluit: immò pauperem & miseriarum plenam vitam egit, quo spiritali hominum saluti, pro qua humanam induerat carnem, suam omnem liberius nauare operam posset. Idem & Apostoli, quorum studio, diligentia, industria, gratia, Christiana Republica coaluit, auctāque est, obseruarunt: ne scilicet temporalium rerum curis ac molestis occupati, à suo studio institutōque absterrentur. At posteaquam Catholicæ fidei fama splendēque

dórque per vniuersum terrarum orbem  
 eluxit, Christianáque Respublica, diui-  
 na prouidentia, sanctorúmque Patrum  
 laboribus, sudore, sanguine, prope in im-  
 mensum creuit, ab illo primo paupertatis  
 vsu discessum est: cœpitque Romana  
 Ecclesia habere opes, terrenique imperij  
 exercere Principatum, vt maiestate sua  
 atq; authoritate ) quæ sine diuitiis siné-  
 que imperio teneri conseruarique ho-  
 nestè non poterat ) tantam Christiani  
 populi molem posset sustinere. Non est  
 igitur terreno Romani Pontificis detra-  
 hendum imperio: propterea quòd Chri-  
 stus, quòd Apostoli, quòd primitiua Ec-  
 clesiæ Pontifices, pauperem egerint vi-  
 tam, nulliusque terreni Principatus glo-  
 ria fuerint ornati. Diuersa enim tempo-  
 rum, euentuum, negotiorum, conditio,  
 alios mores, aliam vitæ rationé, alium  
 rerum vsum postulat.

*Quòd aliqua pecuniarium colle-  
 cta Euangelicam non minuit Li-  
 bertatem.*      C A P.    X I.

H



T concedamus, in-  
quirit Lutherani, ter-  
renum aliquem Ro-  
mano Pontifici prin-  
cipatū: Quis est qui  
tantam vectigalium,  
decimarū, collecto-

rum importunam exactionem, quantam  
sepæ numero fieri videmus, non impro-  
baret? Adde quòd omnes Romanæ vrbis  
præfecturæ, quæ innumeræ ferri sunt,  
grati emuntur pecunia. Ecclesiarum-  
que iura ac dignitates assequi nemo po-  
terit, nisi pecunia diplomata redimatur,  
vt illud Iugurthæ dictū clamare liceat:  
O urbem venalē & citò peritura, si em-  
ptorem innenerit! Nunquid nō est hæc  
pecuniarum molesta collectio, in Euan-  
gelicæ libertatis dispendium, iacturam  
perniciem? Nam quum Simonem apud  
Matthæum 15. cap. Christus interrogas-  
set, Reges terræ à quibus accipiunt tri-  
butum vel cēsum: an à filiis suis; an ab a-  
lienis? Respondissetque Petrus: Ab alienis,  
subintulit, Ergo liberi sunt filij. Ahbi  
etiā dicitur; Gratis accepistis, gratis da-  
te. Si ergo filij ab omni tributo, Saluato-

ris nostri sententia liberi sunt: Si gratis accepta, gratis sunt impendenda, qua ratione Christianorum, qui filij Dei sunt, libertati consentaneum est, ut ab eis solvantur tributa, solvantur decimæ, solvantur sacerdotia, solvantur præfecturæ? Non est hæc libertas, sed turpis, sed infamis, sed dedecorosa servitus. Hæc & iis similia, magni aduersus Romanam Ecclesiam ponderis esse putant Lutherani. Sed ea nos parui esse momenti, esseque fabellas, nennias, ac perniciofa maleuolorum inuenta euidenti ratione monstrabimus. Ut autem à vestigalibus ordiamur: Quis est qui ignoret iustissimò Regibus Principibusque vestigalia tributaque deberi, ut còmuni populorum paci, tranquillitati, saluti còsulatur? Quo enim modo ab hostibus, à latronibus, à perditis ciuibus, ruita reddi posset Respublica, nisi aliqua Principi suppeditarentur impensa, qua militum, iudicum, cæterorumque Præfectorum ordines quibus gubernatur, ali suscitarique possint? Ipsa enim rerum omnium magistra experientia docet, pecunia non modò belli, verumetiam pacis, omniumque earum

rerum, quibus vrbes ac regna conseruan-  
 tur, neruum esse. Quod si ad cōmūnem  
 vrbium commodū eiusmodi vectigalia  
 conquirantur, quid causæ est, quur non  
 ipstē sanctēque à populis exquirantur?  
 Accedit quod etiā ipsis Principibus pro  
 conseruanda hominum pace, tanquam  
 eorum stipendiā, tributa soluantur. La-  
 borātem enim agricolam, inquit Diuus  
 Paulus, oportet primū de fructibus  
 percipere. Et ad Corinth. priori episto-  
 ca. 9. ait: Quis militat suis stipendiis vs-  
 quam? Quis plantat vineā, & de fructu  
 eius nō edit? Quis pascit gregem, & de  
 lacte eius nō manducat? Alibi etiā dicit:  
 Qui altario seruit, de altario viuere de-  
 bet. Dominus quoque noster operarium  
 dignum mercede sua putat. At istud pru-  
 denter accipiamus oportet. Si videlicet  
 populorū vrbiumque salutē operā in-  
 cumbant, si imoderata sint tributa, si sint  
 æqua iustitiæ distributa ratione. Nam si  
 imoderata sint, si ad populorum utili-  
 tatem non referātur, si æqua iustitiæ di-  
 stributione careant: non modò non de-  
 bentur Principi, sed est tyrānidis arguen-  
 dus, si vi extorqueat. Estque ipsis ciuibus



pro iniqua hac expilatione obæratuſ.  
Vnde & à domino eiufmodi Principes  
Ezechielis capit. 24 hiſce verbis repre-  
henduntur: Lac comedebatis, & lanis  
operiebamini, & quod crasſum erat oc-  
cidebatis: gregem autem meum non pa-  
ſcebatis. Quum ergo terrenum ſuimmo  
Pontifici conceſſerimus imperium, ve-  
ctigalium quoque iura illi condonemus  
neceſſe eſt, in ea autem argumentatio-  
ne, quæ Chriſtianos ab omni tributorum  
ſolutione liberos eſſe voluit, eò quòd filij  
Dei ſint, vehementeſ falluntur Luthe-  
rani. Non enim de omnibus Chriſtianis  
illud Saluatoris dictum eſt intelligendum:  
ſed de ipſo Chriſto Ieſu, deque Diſcipu-  
lis eius, quibus res anguſta domi erat.  
Quare eos ſolos Chriſtianos à ſoluen-  
dis vectigalibus abſolutos eſſe cenſebi-  
mus, qui pauperẽ Chriſti Apoſtolorumq;  
vitam imitatur, atq; rerum omnium domi-  
nio ſe fecerunt expertes. Acquiſſimũ nan-  
que eſt, vt qui diuinis tantummodo re-  
bus ſeſe p cõmunẽ rerum ſalutẽ dedide-  
runt, nullo aut vectigalium, aut tributo-  
rum prematur onere. Venio ad decimas,  
quarum etiã occasione pleriq; aduerſus

Romanam obstrepunt Ecclesiā. Quid? Nonne qui Christianam Rempublicam administrat, salutēque animarum primariam curā gerit, si eius defendendæ ab hostibus immineat necessitas, potest Ecclesiasticorum bonorum non modo decimam, sed etiam quintam & quartam & tertiam partem ad bellicosus usus postulare, quibus & arcere hostē queat, & pacem ac tranquillitatem in Republica conservare. Desipit qui hoc non cernit. Quis enim usque adeo excors & citansque est, ut nesciat partem pro totius conservatione in discrimen ponendam esse? Nā & i&ui in caput proruenti brachium, natura suggerente, obijcimus; ne ex huiusmodi permissioe emoriāmur. Si ergo decimas p Christiana Republica conservanda Romani Pontifices quandoque exigunt, non est hoc illis crimini dandum: sed laudandi sunt, sed extollēdi, sed gloria illustrādi sunt, quod Christiani populi salutis hoc studio ac diligentia non desinit. Idem & pro aliis Ecclesiæ commodis fieri posse credendum est: quando profectō Christianorum salus ex Romana Ecclesiæ salute

haud secus ac corporis integritas ex capitis integritate dependeat. Quemadmodum enim Levitici 18. cap. iubentur Levitæ summo Sacerdoti decimas dare: ita naturæ legi consentaneum est, ut summo nostro Pontifici, qui cōmunem omnium nostrum curā gerit, à clericis cū sese aliqua obtulerit necessitas, exhibeantur. Quod deinde in Romanæ Ecclesiæ contumeliam, affertur, omnes curiæ præfecturas grandi oportere pecunia comparari, parvi existimamus. Concesserim equidē ego melius fortasse utiliusve fore, si liberē condonarentur. Est tamē & in hac præfecturarū venditione, quo rem Romanā tutari optimē valeamus. Nam quum maximi lucri sint, haud mirum, si in Ecclesiæ subsidium, quæ huiusmodi pingua amplāque lucra constituit, Romanus Pontifex quippiam ab iis q̄ Præfecturas exposcūt, accipiat. Sedes, quærent forsitan Lutherani, hanc Præfecturarum venditionem in magnā Christiani populi iacturam cedere: Propterea quòd qui aliquam sibi præfecturam pecunia cōquisierit, suam venditare studeat operam, quo profusam in ea as-

sequenda pecuniam recuperare queat.  
 Quò sanè fit, vt ab iis qui eius opere in-  
 digent emungat sanguinem. Verume-  
 nimuero qui hunc in modum blâterât,  
 nesciūt esse à Romana sede nimis præse-  
 ãturæ certam exigendi normam con-  
 stitutam, & eam quidem moderatam,  
 quàm impunè præterire non liceat. Spe-  
 randum quoque est Iulium Pontificem  
 maximum, vt omnibus in rebus mode-  
 stissimus est, ita vsqueadeò vniuersa vr-  
 bis negotia moderaturum, vt futurus  
 deinceps nemo sit (nisi planè improbus)  
 qui Romanam curiã de avaritia, déque  
 immoderato lucro taxare queat. Nam  
 tale de se probitatis, modestiæ, primum  
 adhuc Pontificatus sui annum agens, iu-  
 dicium dedit, vt maxima nobis eius be-  
 neficio euentura cōmoda possimus pol-  
 lici. Romanæ præterea Ecclesiæ hæc  
 inuritur nota, quòd Sacerdotia diploma-  
 tæque non nisi pecuniã redimantur. Sed  
 dicant mihi Lutherani: Nōne omnium  
 Ecclesiæ opum atque diuitiarũ Roma-  
 nus Pōtifex distributor est, suique Pon-  
 tificatus iure cuncta Catholice Eccle-  
 siæ Ecclesiastica bona pro locorum per-

sonarúmque qualitate potest dispésare?  
Quid ergo mirum, si pro cõmuni Eccle-  
siæ utilitate, próq; suorum familiarium  
sustentatione, ab iis quibus Ecclesiarum  
& curá & prouentum impertit, aliquam  
annuorum prouentuum partem expe-  
tat? Quí enim posset Romanæ sedis au-  
thoritas cum dignitate seruari, nisi ex  
eiusmodi rebus sibi, vnde Pontificiũ suũ  
ordinem tueretur, conquireret? Si à Ro-  
mano Pontifice pecuniarum detrahas  
subsidia, & Ecclesiasticã omnem digni-  
tatem calcari pedibus videbis, & nullam  
Christi vicarij à terrenis Principibus ra-  
tionem haberi. Ex multis enim historiis,  
quas, ne meo longior instituto sim, præ-  
tereo, apertè constat, quũ Romanus au-  
gusto se loco cõtineret Principatus, quũ  
plures Romanam Ecclesiam calamita-  
tes ac molestias fuisse perpeffam, & ita  
perpeffam, vt miraculo sit attribuen-  
dum, quòd ad hancquam modò cerni-  
mus prouecta sit maiestatem. Nihil au-  
tem Saluatoris illud dictum, Gratis ac-  
cepistis, gratis date, sententiæ nostræ  
officit. Sensus enim est: Neque Spiri-  
tus sancti gratiam, neque spiritualium

rerum quampiam villo vendendam precio esse: sed quemadmodum illam gratis accepimus, ita debere nos liberaliter elargiri. Quod postremò inclamare videntur Lutherani, Romæ omnia esse vœnalia, apertum sanè mendacium est; hæcque ratione ab ipsis effundum, ut Romanæ sedis dignitatem maiestatemque commaculent. Nam si eius dignitas maneat atque maiestas (manebit autem maximo fortassè eorū damno ac detrimento) nullum se assequi posse in Christianos imperium: id quod quammaximè cupiunt, certo certius norunt. Non deest Romanæ Ecclesiæ iustitia, non deest clementia, non munificentia. Quod si Pontificum aliqui avaritiæ sunt forde notati, omnis ea labes à Iulij tertij ædibus est explosa. Non enim in urbem convehendis pecuniis studet, sed morū reformatio ni, sed paci, sed tranquillitati.

*Quòd ieiuniorum institutio Euāgelicam non aufert Libertatem.*

## CAP. XII.



St & aliud Ecclesiæ institutum, quod plerique gulæ ventriq; dediti, ab Euāgelica deſciſcere cenſent libertate, ieiunii videlicet, & abſtinentiæ præceptio. Quo enim pacto, inquirunt, cū hominem liberum eſſe dicemus, qui ne comedendi quidem quum libuerit habeat facultatem? Imò Maiorum legibus ad certa ieiunia, ad certamque ſtatis diebus abſtinentiæ normam ſit obſtrictus? Sed ſi mēte retineāt, eam (ut ſuperius explicauimus) Chriſtianā eſſe libertatē, quæ nos à ſeruitute peccati diuellit, iuxta illud Apoſtoli ad Galathas: Vos enim fratres in libertatem vocati eſtis: tantum ne libertatem detis in occaſionem carnis. Manifeſtò deprehendunt, quæ ad tollendam eradicandāque peccati for-



uitutem viuant, ea Christianæ non offi-  
 cere libertati: sed magis illi Apostolo ef-  
 se fauori ac ornamento. At quis est qui  
 nesciat temporariam earum rerum, quæ  
 libidinem fouent intermissione, qui ma-  
 ximè ad virtutem, ad animi que liberta-  
 tem aptam esse & vtilem? Quis autem,  
 nisi insaniat, carnis cupiditates cibo po-  
 tuique foueri negauerit? Sine enim Ce-  
 rere & Baccho (inquit Comicus) friget  
 Venus. Non igitur ieiunium, quo ciborum  
 nonnunquam vsu interdici-mur, aduersus  
 Euangelicam libertatem pugnat. Acce-  
 dit quod & ad aliud negotium, quod ma-  
 ximè ad virtutem sustollimur, nobis est  
 adiumento ieiunium, ad diuinorum, in-  
 quam, perceptionem. Daniel enim suæ  
 prophetiæ capite tertio, à Deo se post  
 trium hebdomadarum ieiunium reue-  
 lationem accepisse scribit. Apud Per-  
 sas Magi illi omnium hominū ad studia  
 diligentissimi, animum ad res cælestes  
 vestigandas euecturi, nullo cibi genere,  
 excepta farina, & olere, alebatur. Gym-  
 nosophistæ omnium scientiarum expe-  
 rientissimi carnibus abstinebant. Adde  
 & aliam ad confirmandam vtilitatem ie-

ieiunii rationē. Posteaquam diuinam nostro malo genio violauimus legem, ad impetrandam veniam validissimum remedium est ieiunium. Ioel. enim cap. 2. dicit Dominus: Conuertimini ad me in toto corde vestro, in ieiunio, & fletu, & planctu. Ni uinitæ quoque (ut in Prophetiæ Ionæ libro narratur) diuinam à se ieiunio auerterunt iram. Audi præterea Augustinum omnem ieiunii fructum in quodam sermone complectentem. Ieiunium, inquit, purgat animam, mentem subleuat, propriam carnem spiritui subiecit, cor facit contritum & humiliatum, concupiscentiæ nebulas dispergit, libidinum ardores extinguit, castitatis uerò lumen accendit. Canit quoque in Præfatione Ecclesiæ: Qui corporali ieiunio vitia comprimis, mentem eleuas, uirtutem largiris & præmia. Si ergo Romani Pontificis legibus, antiquaque Ecclesiæ obseruatione ieiunatur: certis item diebus abstinetur à carnibus, nihil contra Christianam agitur libertatem: immò pro ea conseruanda adhibeatur antidota. Quid? Euangelicæ ne obstare libertati dicēs., quod Christus, quod Apostoli,

quod sanctissimi Patres summo studio  
 obseruarunt? Quadraginta dieb' & qua-  
 draginta noctibus Christum ieiunasse  
 Euangelium tradit. Apostoli 2 ad Corinth.  
 epist. cap. 2. plurima se in ieiuniis multis  
 passum fuisse gloriatur. Priori quoq; ad  
 eodem epist. cap. 9. ait: Castigo corpus  
 meum, & in seruitutem redigo, ne forte  
 cum aliis predicauerim, ipse reprobus  
 efficiar. Nos etiam in ead. ad Corinth.  
 epist. cap. 6. hisce verbis ad ieiunium hor-  
 tatur: Exhabeamus nos sicut Dei mini-  
 stros, in multa patientia, in laboribus, in  
 ieiuniis multis. De cæteris apostolis A-  
 ctuum 13. cap. dicitur: Ministrantibus il-  
 lis Domino, & ieiunantibus dixit Spiri-  
 tus sanctus. Capite verò 14. sic habetur:

Quum constituissent super singulas Ec-  
 clesias Presbyteros, & orassent cum iei-  
 unationibus, cōmendauerunt eos Dño.  
 De antiquis Patribus, de Heremitis, de  
 Monachis, q̃ frequenter ieiunauerint, ita  
 manifestum est, ut mea non egēat nar-  
 ratione. Dicent fortasse Lutherani: Ab-  
 stinentiam à carnibus temporareā (pon-  
 taneaque ieiunia non damnamus: sed eā  
 damnamus legem, quæ nobis ieiunandi

necessitatē inducit. Nisi enim pro Romanorum Pontificum sanctionibus ieiunauerimus, æternæ damnationis reos nosse volunt. At non est hoc Christi Evangelio, non Euangelicæ doctrinæ, non Apostolicis institutis, non Christianæ libertati accommodatum. Nam Luc. 5. ea. ipse legislator noster, Christus Iesus: Nō possunt, inquit, filij sponsi ieiunare, quādiu cum illis est sponsus. Qui autem, exceptis Christianis, filij sponsi appellandi sunt? Quādiu quoque cum illis est sponsus? nonne continuē? nonne vsque ad consummationem seculi? Matthæi etiā 15. cap. dicitur: Quod intrat per os, non coinquinat hominem. Vnde quum Dominus discipulos ad prædicandum mittit, Comedite, ait, quæ vobis apponuntur. Diuus item Paulus in eandem sententiam, priori ad Corinthios episto. cap. 14. inquit: Non est regnum Dei esca & potus. Quod sanè interpretatur glossa, Neque in abstinendo, neque in manducando iustitiam esse. Primæ etiam ad Timotheum ep. c. 4. Omnis, inquit, creatura Dei bona, & nihil rejiciendum quod cum gratiarum actione percipitur. Sed

quanquam eiusmodi dicta omnem vi-  
 dentur abſtinentiæ ieiuniorumque legē  
 euertere : non euertunt tamen , ſi rectè  
 exponantur , introrſumque inſpiciantur.  
 Arenosum enim imprimis & inſtabile  
 iaciunt fundamentum. Ideoque haud mi-  
 rum ſi ruinarum eorum plena ſunt ædi-  
 ficia , atque omni ex parte minantur rui-  
 nam . Nullam enim nobis abſtinentiæ  
 neceſſitatem , niſi ab humana lege , im-  
 poſitam eſſe contendunt . Id quod ſanè  
 & falſum eſt , & extra omnem rationem .  
 Quæſierim equidem , Nunquid nō ho-  
 minum multitudo aliquo ad coercēdas  
 animi agridudines eget remedio ? Hoc  
 ſi negetur , diui Pauli continuò ad Gala:  
 5. cap. præſto eſt ſententia . Caro enim ,  
 inquit , concupiſcit aduerſus ſpiritum , &  
 ſpiritus aduerſus carnem : hæc enim ſibi  
 inuicem aduerſantur , ita vt quæcunque  
 vultis , illa non faciatis . Si ergo aliqua cō-  
 tra carnis deſideria , ne Spiritus integri-  
 tatem obruant , indigemus medicina , na-  
 turalis certè rationis lege tāta nobis de-  
 ligenda abſtinentia eſt , quantum ad car-  
 nis cupiditates reſtringendas neceſſa-  
 rium eſſe deprehēderimus . Non itaque  
 homi-

hominū tantummodo instituti, sed naturali etiam lege ad aliquē abſtinentiæ modum ſuademur. Nam ſi abſtinentiæ ieiuniique natura cōmuni quadā ratione penſetur: quatenus, inquā, ciborū quædā intermiſſio eſt, qua coe. cet. carō, atq; tanquam freno, ne cōtra Spiritū rebellis ſit & temeraria, cohibetur. Nō eſt arbitrarior omnino, ſed naturæ lege ad ieiunandum obſtringimur. At ſi ieiuniorū tempora, certūq; ac deſinitus abſtinentiæ modus conſideretur, nō naturæ lege, ſed Maiorū ſanctiōibus, longāq; Eccleſiæ conſuetudine receptū eſt. Vt enim ſeculariū Principū legibus naturalis iuris præcepta in tēporalibus reb⁹ ad quendā obſervationis modū, p temporū hominūque cōditione collimitantur, ita ſpiritualis Principis intereſt, ea iuris naturalis præcepta moderari, q̄ fideliū cōmodis in ſpiritualibus rebus inferuiūt. Quo ſanè fit, vt ſicuti aliis Chriſtianorū moribus, ita ieiunio abſtinētiaeque modum aliquem pro fidelium ſalute conſtituat, Quod autē blaſphēmat, Non poſſe filios ſpōſi quandiu cum illis eſt ſponſus, ieiunare, nullū noſtræ huic definitioni præ-

iudiciū affert. Illud enim ad Christi tantummodo Discipulos, non ad omnes Christianos referendum esse D. Chrysostomus putat. Nam quam imbecillo adhuc animo essent, ac delicato in rebus spiritualibus stomacho, non erant ipso spōso præsente, ieiuniorum austeritate absterrendi: sed dulci potius ac suavi quadam benevolentia confirmandi. Diuus verò Hieronymus de Veterū observationibus ieiunio interpretatur. Non enim qui noua Spiritus sancti gratia illustrandi erant, veteribus ieiuniorum observationibus debebant illigari. At Diuo Augustino duplex esse ieiuniorū genus placet: Alterum scilicet luctus, exultationis alterū. Primum cum amara quadam criminum pensitatione, atque cum præsentis vitæ amaritudine toleratur: Alterum cum spirituali quadā animi exultatione coniungitur: dum videlicet gustato Spiritu, desipit omnis caro. Perfectis viris, his, scilicet qui continua propè diuinarum rerum contemplatione fruuntur, exultationis ieiunium tribuit D. Augustinus: Luctus verò amaritudinisq; ieiunium non tribuit, propterea quòd



continua propè spiritualis spōsī præsēntia magnopere delectētur. Vnde vbi habetur in Euangelio Lucæ, Non possunt filij spōsī ieiunare : in Euangelio Matthæi legitur, Non possunt filij spōsī lugere. At cæteris Christianis qui ad tantum perfectionis fastigium prouecti nō sunt, luctus ieiuniū apertum admodum est & accommodatum : quippe quod & præterita crimina diluendi, & cauendi futura sollicitam curam gerant. De perfectis ergo viris, de luctusque ieiunio dictum illud Saluatoris intelligit Beatus Augustinus. Non itaque Euangelicam dedecet libertatem, quod aliqua de abstinentiæ modo à Maioribus leges condantur. Sed cum hac ipsa libertate diuersa perfectorum atque imperfectorū virorum in obseruandis ieiuniis conditio manet. Illi enim magna cum animi libertate ac voluptate, isti verò cum amara suorum criminū conscientia ieiuniorum leges obseruant. Quod deinde affertur, cum cibum qui ingreditur in os, hominis animum commaculare non posse, verissimum sanè est & alimenti naturæ consentaneum. Qui enim cibus ore capta-

tus, in hominis animum, qui spiritualis naturæ est, ageret? Sed hoc ieiunij iura non tollit. Et si enim cibus suapte natura mentem hominis non coïnquinat, si quispiam tamen in eius usu modum excesserit, legemque transgrediatur, causâ dehonestandi commaculandique hominem, vim roburque capit. Idem ad D. Pauli dictum respondetur, quod, inquam, neque cibi, neque potus abstinentia, si eorum spectetur natura, quidquam ad regni cælestis assequutionem operatur. Sed si ad cauenda crimina, ad constitutæque legis observantiam comparetur, maximæ nobis vtilitati vsuique accedit. Adde quod quanquam Christi Discipuli, qui ad Christianam augendam Rempublicam ac confirmandam mittebantur, nullo ciborum genere interdicti erant, nullisque ieiuniorum legibus tenebantur. Quippe quod sic eorum ad varias nationes profectio, eorumque labor continuus exposeret. Verisimile tamen est quod sæpenumero ieiunarent, atque per eos ad posteros ieiuniorum observatio deriuaret. Creaturam postremo omnem bonam esse, nihilque debere re-

reici quod cum gratiarum actione percipitur, eandem videtur interpretationē recipere. Si enim ciborum natura spectetur, nulli sanē reiciēdi sunt cibi, quasi aliquam nobis culpæ maculam possunt inurere. Sed si aliquibus ciborum generibus rationabili ex causa interdiciamur, aut sit aliquod abstinentiæ tempus à maioribus præfinitum, reicienda tunc illa ciborum genera sunt: Estque legibus obtemperandum. Cæterum hanc nostram in ieiuniorum observatione Evangelicę libertatis defensionē labefacere posse videtur, quod libertatis rationē in quadam agendi, non agendique facultate constitutam esse superius definiuimus. Si enim ita ieiuniorum legibus obstringimur, ut non ieiunare non valeamus impune, quomodo agendi non agendique in nobis sita est facultas? Hæc igitur ieiuniorum institutio cum libertate nō conuenit. Sed animaduertendum nobis est, eam quam superius assignauimus libertatis rationem, non cuiuscunque libertatis æquam definitionem, sed eius tantummodo qui cū naturalis impetus necessitate coniūgi non potest: quæ, inquā,

completa omniq; ex parte perfecta Liberata est. Sic enim quod nulla necessitate ducti agimus, liberè profectò à nobis fieri dicitur: propterea quòd illud ita exitu præstamus, vt nullo nostro periculo non præstare valeamus. At hic libertatis modus non omnibus in rebus Christiano conuenit. Sunt enim pleræque in Evangelica lege perscripta, quæ impunè præterire nō liceat. Vt diligere proximum, vt mutuantem alteri, nihil superare debere: vt non concupiscere mulierem, cæteræque id genus plurima. Sunt & pleræque Pontificum instituta, quæ nōs ad quandam rerum observationem vrgeāt. Vt ne festis diebus rei diuinæ vacare: vt singulo anno peccata confiteri: vt sacramentam Eucharistiam statuto tempore suscipere. Sed præter hanc quam diximus Libertatem, alia quædam Libertatis species est, quæ nō omnem quidem necessitatis modum excludit: Sed eundem duntaxat qui violentia rationeque perfruitur. Quo sanè Libertati modò agere dicimur liberè, quum quippiā nostra agimur voluntate. Nam omnis voluntatis impetus, siue naturalis sit, siue aduē-

rius, violentiâ coactionemque excludit. Est enim violentum, quod est à principio extrinsecò. nil cõferente vim passò, id est passò nullam ad illud, sed magis ad contrariam inclinationem habente. Hæc est illa libertas, quam sibi scis in rebus agendis, verè vendicant Christiani. Quanquam enim quamplura Christianis legibus sub quandam agendi necessitate sunt constituta; ea tamen veri Christiani, non contra voluntatem, neque iniuri serviant: sed tanquam cælitus demissa quodam voluntatis ardore coeunt ac venerantur. A Christianorum enim legibus Spiritus sancti gratia, quam primariâ nostram legem esse diximus, non desiscit.

*Quòd Cæremoniæ quas Romana observat Ecclesia, Evangelicæ Libertati non repugnant.*

## CAP. XIII.

I iii)



Vb murmurant rursus  
 Lutherani, multarū Cē-  
 remoniarum observa-  
 tione Christianum po-  
 pulum opprimi: idque  
 Euāgelicæ libertati re-  
 pugnae dicunt. Neque  
 enim rem diuinā Seruator noster Chri-  
 stus Iesus tot Cēremoniis struēdam esse  
 censuit: sed simplici quadam eius obser-  
 uatione contētus fuit. Quare vt Sacro-  
 sanctum ipse Eucharistiæ Sacramentum  
 coram discipulis suis, nullo superfluo aut  
 verborum aut Cēremonarū apparatu,  
 perfecit atque constituit: ita & nos (in-  
 quunt) ipsius simplicitate in eiusmodi  
 sacramenti contrectatione contenti esse  
 debemus. Baptismatis etiam sacramen-  
 tum absoluta quadam simplici que ver-  
 borum textura voluit expediri. At nos e-  
 contra multis illum cēremonijs, mul-  
 tōque rerum ac verborum apparatu ob-  
 uoluimus. Et ita obuoluimus omnia, vt  
 in Sacrorum etiam omnium vsu Euan-  
 gelica Libertas sit imminuta. Hæc sunt  
 quadam aduersum sanctam Romanam  
 Ecclesiam, irritamenta, quæ isti peruersi

dogmatis inuentores, posteaquã eos rerum spiritualium fastidium cœpit, excogitarunt. Sed non vident se in hac Cæremoniarum calūnia non solum Catholica nostre Ecclesię sanctissimos mores, sed etiam omnium gentium, omniumque nationum longas obseruationes expungere ac damnare. Nulla enim gens est, quæ non maximis quibus potest Cæremoniis aliquam Deo culturam exhibeat. Quis enim vsque adeo insaniat, vt Deo (si aliquem Deum esse putat, cuius providentia gubernemur) exteriorẽ cultum exhibendum esse non censeat? Qui cultum hunc diuinum nituntur euertere, ij non Romanæ Ecclesiæ modò, verum etiam vniuerso terrarum orbi se opponunt. At eiusmodi errori, in quẽ & antiquorum hæreticorum quidam inciderunt, diui Augustini verba in libro ad inquisitiones Ianuarij, fauere videntur. Quæritur enim, quòd quidã (vt eius vtar verbis) ipsam religionem nostram, quã manifestissime & paucissimis celebrationũ sacramentis Dei misericordia voluit esse liberam, seruilibus præmationibus. Cæterum hoc nobis sciendum est,



quod quemadmodum diuinę finis est legis, vt in veram Dei Opt. Maxi. notionē ac reuerentiam prouehamur: ita Ecclesiastici Principis in cōdendis legib<sup>9</sup> hoc debet esse institutū, vt Dei Maximi maiestas clementiā que hominum cordibus infideat: atque aliquem ei cultum impartiant, qui internę illius venerationis indicium præ se ferāt. At quomodo interioris cultus ac reuerentię testimonium afferre possumus, nisi illum exteriori aliquo prodamus apparatu? Hęc itaque tot sacrorum Cæremoniārum quas Ecclesia seruat, vera indubitataque ratio est, vt & debitus Deo cultus nullis ornetur modis: & hominis cogitatio ex hac rerum sensibilibum specie ac imagine in maiorem Dei Optimi Maximi venerationē amorēque assurgat. Nihil enim Cæremoniārum Romana instituit Ecclesia, quod aliqua spiritali significatione munitum nō sit. Quod verō eiusmodi Cæremonię, quibus nunc Catholica decoratur Ecclesia, non sint à Seruatore nostro Christo in suis legibus constitutę, in causa est, quoniam (vt superius ostendimus) ea tantummodò in noua lege,

quam in primis Spiritus sancti gratiam  
esse diximus, definienda erant, quæ aut  
ad nanciscendam gratiam suppeditarent  
viam, aut gratiæ usum rectum efficeret.  
Quare quoniam Sacramentorum perceptio-  
ne gratiam assequamur, in charitatis ve-  
rò operibus bonus sit gratiæ usus con-  
stitutus: debuit quidem legislator noster  
Christus Iesus & Sacramenta decerne-  
re, & de charitatis amore præcepta dare.  
De Ceremoniis autem nulla sibi haben-  
da mentio erat; quando neque ad nanci-  
scendam gratiam, neque ad bonum eius  
usum necessariæ sint. Quamobrem ita  
humano relinquenda arbitrio erant, ut  
qui futuri Christianæ Ecclesiæ moderato-  
res erant, ea quæ ad diuinum cultum  
attinent, pro fidelium deuotione, proque  
temporum qualitate definirent: Quo ef-  
fectum est, ut non vno eodémque tem-  
pore omnes Ecclesiæ Ceremoniæ sint  
institutæ, sed successione quadam, pro  
Pontificum atque sanctorum Patrum vo-  
luntate coaluerint. Nunquid enim satis  
pro suæ maiestatis excellentia laudari  
colique Deus Maximus potest? Accedit  
quod plerisque ritus compluresque Cæ

ceremonias fuisse ab Apostolis & institutas  
 & traditas, rationi admodum congruere  
 videtur. A Dionysio namque Areopagi-  
 ta, D. Pauli Discipulo, multa quæ in Bap-  
 tismatis sacramento seruantur, multa  
 quoque quibus Sacerdotum ac ministro-  
 rum consecrationes ornantur: multa quæ  
 in aliis nostris Sacris agenda sunt com-  
 memorantur. Diui autem Augustini verba  
 nostris ritibus ac Cæremoniis contraria  
 non sunt. Non enim eos reprehendit, qui  
 à Pontificibus ac Conciliis ab antiqua  
 Ecclesiæ consuetudine sunt introducta:  
 sed vanas quasdam & absque ratione  
 Cæremonias, quas Sacrificulus  
 quisque pro suo arbitrio, et  
 indiscretam quandã de-  
 uotionem volebat  
 inducere, ra-  
 tionabi-  
 liter damnat.

*Quod Continentiæ præceptum  
 Sacris annexum ordinibus, Euā-  
 gelica non obstat Libertati.*

CAPVT XIII.



Rauissimo deinde pō-  
dere se immeritō pre-  
mi quæruntur Luthe-  
rani: Illūque omni-  
bus quibus possint ino-  
dis, de suis conantur hū-  
meris decutere. Istud  
autem est castitatis praeceptum, quod iis  
qui maioribus Sacris initiantur, per Pon-  
tifices maximos indictū est. Ferre enim  
æquō animo nequeūt, Sacerdotes aliōs-  
que maiores eorum ministros omni Ve-  
nere atque connubio interdictos esse.  
Quæ enim, inquit, hæc Euāgelij Liber-  
tas est, vt qui Sacris initiari voluerint,  
perpetuæ continentiae irreviantur vin-  
culo. Nōne Apostolus ad Timotheum  
scribens, Episcopum vnius vxoris virum  
oportere esse definit? Ad Titum quo-  
que scribit, eum in presbyterum consti-  
tuendum fore, qui vnius vxoris vir sit?  
Si ergo Episcopum vnius vxoris virum  
esse oportet, quo iure ad perpetuā dam-  
nandus est continentiam? An vsquam in  
Euāgelij lege perscriptum inuenimus,  
vt connubio quisquā interdicatur? Quæ  
igitur seruit<sup>9</sup>, quod onus, quæ oppressio,

qua Sacrorum ministeria Romani pōtiffices, nulla Apostolica legis habita ratione, pro suo opprimere nituntur arbitrio? Hanc autem Pontificum legem vsque adeo abominantur Lutherani, ut eorum Sacerdotes post emissum in eorum consecratione continentiae votum, in Venerem redeant, atque post terga pudore iactato, noua incant connubia. Quod ut suas malè olentes sordes, aliquo quanquam rarae texturæ velamento contegant, quicquid eos, à libidine auocat, impiè tyrannycèque Pontificiis legibus cautum esse conclamant. Sed nisi corporis oblectamenta spiritualibus bonis anteponerent, tot seculorum purissimas integerrimásque observationes non respuerēt. Oculis enim agris odiosa lux est, quæ puris est amabilis. At sordescant adhuc qui in sordibus sunt: Nos quod Sacrorū nostrorū ministros decet, ornat, recipimus, probamus, veneramur. Quid enim equius, quid decentius, quid sanctius, quàm ut purissimum sanctissimūque Eucharistiæ sacramentū à flaminibus, à mundis que omni ex parte ministris contrectetur? Nam vti mundas

quum ad Sacra eunt vestes induunt: ita  
& mundo à libidine corpore, alienoque  
ab omni perturbatione animo, debent  
accedere. Diuus nanque Augustinus in  
libro *Quæstionum noui & veteris testa-*  
*menti*, quæst. 127. ait: Antistitem Dei pu-  
riorem cæteris esse oportet. Ipsi-  
us enim personam habere videtur. Est enim eius  
vicarius, vt quod cæteris licet, ei non li-  
ceat. Quia necesse habet quotidie vicem  
Christi agere, aut orare pro populo, aut  
offerre, aut tangere. Et non solum huic  
non licet concubitus, verumetiam mini-  
stro eius. Quia ipse mundior esse debet,  
quia sancta sunt quæ ministrat. At si fieri  
potest, vt is à concubitu mūdus sit, atque  
à mūdānis curis ac molestiis segregatus,  
qui vxoris negotiis sit implicatus? Quæ-  
admodum enim qui se totos diuinis re-  
bus manciparunt, quæ Domini sunt, ab-  
iecta rerum temporalium cura, confide-  
rat: ita & qui se vxoris addixerit seruitu-  
ti, quæ vxoris sunt, quæue ad domesticā  
curam pertinent, perpetua mentis co-  
gitatione verset necesse est. Hæc autem  
non dixerim, quasi cum Manichæis dam-  
nare nuptias velim: sed vt ostendam non

posse quempiam vxori simul & Sacris  
dignam nauare operam. Vt enim Diuus  
Paulus priori sua ad Corinthios episto.  
cap. 7. ait: Qui sine vxore est, cogitat ea  
quæ Dei sunt, quomodo placeat Deo:  
qui autem cum vxore est, sollicitus est  
quæ sunt mundi, quomodo placeat vxori.  
Alludit & Ciceronis dictum. Nam Te  
rentiam, quam repudianerat, hac ratio  
ne se reducturum negabat, quod vxori  
pariter ac Philosophiæ operam dare nõ  
posset. Quantas enim molestias afferat  
secum vxor, ex Theophrasto apud Gel  
lium, atque etiam ex Plutarcho, de Præ  
ceptis Connubialibus, intelligi potest.  
Quod sanè quum Romani Pontifices,  
iidemque sanctissimi Patres, qui ad res  
diuinas animum cogitationemque in  
tenderant diligenti studio, humanarum  
que rerum experiētia deprehendissent,  
in compluribus Conciliis de Sacerdo  
tum maiorumque ministrorum cœliba  
tu leges condiderunt. Quid autem Euan  
gelicæ Libertati isthæc sacrorum mini  
strorum munditia, istæque perpetuus cœ  
libatus apporter detrimenti, non video.  
Nunquid enim Evangelicæ repugnāt  
Libertati,



Libertati, quod ex Evangelicis regulis desumptum est? At ex ipsis Apostolorum Canonibus (quos diligentissimus in omni re literaria Faber, in quatuor Græcis atque in quinque Latinis exemplaribus se inuenisse asserit) receptum est, ut qui maioribus sacris se initiarunt, vxore careant. Non ergo cum Christiana Libertate, perpetua hæc ministrorum continentia pugnat. Qui nanque ad sacros te ordines cogat, nemo est. Si vxori dare operam in animo est: Si rei familiari adhibere studium curas: relinque Sacra. Non enim te fugit perpetuum illis continentiaæ votum annexum esse. Vis tua in nuptiis libertate uti? Utaris ut libet. Nemo te ad cœlibatum, sicuti neque ad sacrorum ordinem, inuitum repugnantemque compellit. Dices fortasse: Si cum sacro ordine vxorem coniungi non posse sancti Præsules existimarunt: quid Orientalibus Sacrorum ministris nuptiæ adempti non sunt? Sed hoc considerare debemus, non idcirco Sacrorum ministros vxoribus interdictos esse, quod nuptiæ cum Ordine nequeant copulari: sed quoniam Sacro-

rum ministros ac contrectatores dede-  
ceant nuptiæ. Græcis autem sacerdoti-  
bus ob eorum peruiaciam, vt pleraque  
alia, ita & nuptiæ permissæ sunt: non  
quòd illorum matrimonia, nostra non  
dedeçant Sacra: sed vt eorum perui-  
caciæ aliquid condonaretur. Malue-  
runt enim Romani Pötiffices, sacrorum-  
que Conciliorum celebratores illis rem  
aliqua ex parte indecentem condonare,  
quàm eorum animos à Christiana fide  
alienare. Quòd autem Apostolus Epi-  
scopum vnius vxoris esse oportere ait,  
ita in perpetuũ suũ fauorem Græci tra-  
hunt, vt ij tantummodò. Sacrorum mi-  
nist. i censeantur digni, qui non plures,  
sed vnã duntaxat vxorem, & illam qui-  
dem virginẽ, duxerint. Quòd si qui plu-  
ra celebrarint connubia, eos à Sacerdo-  
tij Sacris reiiciendos esse putant. Vnde  
& Sacerdotes, vxore humanis rebus ex-  
empta, perpetuò illigant cœlibatu. Eum  
etiam qui in uxoratus sese Sacris initia-  
rit, omni connubij spe priuant. At Lu-  
therani ea ipsa Apostoli verba in quan-  
dam nuptiarum necessitatem trahen-  
tes, volunt vt Antistites omnes, si suæ sa-

luti cupiant consulere, vxorem ducant.  
 Quamobrem de tyrannide Romanam  
 taxant Ecclesiā, quod Sacerdotibus con-  
 tinētiæ necessitatē contra Euange-  
 licam Libertatem iniiciant: quando ta-  
 men ipsi dum Sacerdotes ad nuptias vr-  
 gent, in grauiorem impellant seruitu-  
 tem. Quid enim homini molestius ser-  
 uiliusque vxore potest accidere? Nam  
 ut est apud Iunenalem,

*Semper habet lites, alternaque iurgia lectus  
 In quo nupta iacet: minimū dormitur in illo.*

Sanctissimi verò nostri Pontifices,  
 quibus semper placuit quadam fidei sin-  
 ceritate sacras literas interpretari: sic  
 Apostoli verba explicant, vt nullam  
 Episcopo sacerdotiue nuptiarum neces-  
 sitatem inducunt: sed eum pluritate  
 tantummodo vxorum in vrbis dicunt. Si e-  
 nim diuus inquit Apostolus Episcopi di-  
 gnitate quispiam ornari debeat, non plu-  
 res habeat, aut habuerit vxores, sed vnā  
 tantummodo. Quod sanē post baptisma  
 diuus Hieronymus intelligi debere cē-  
 set. Nam si duas quispiam post Baptisma  
 vxores duxerit, ab Episcopatu deficien-

dum putat: non autem si vnam ante Baptisma, alteram verò post. Diuis verò Ambrosio ac Augustino placet, vt quocunque tempore quis duplices nuptias celebrarit, Sacerdotio censeatur indignus. Huiusce autem definitionis Apostoli ratio esse potest, vt signum respondeat rei. Nam quum Episcopi sacrorum dispensatores instituti sint, summi Sacerdotis speciem atque imaginem gerunt. Quare quum Christianorum matrimonium, Christi cum Ecclesia connubium repræsentet: Christi verò connubium cum vna tantummodo sponsa sit, scilicet cum Ecclesia: nimirum si vni duntaxat sponsæ vnum Episcopum matrimonio copulandum esse Apostolus definiuit. Cæterum est hoc in ipsa Apostoli tempora referendum, Nam quum essent tunc Ecclesiæ Catholicæ iacienda fundamenta, ob fidelium paucitatem eueniebat, vt si vxoratus quispiam conuerteretur ad fidem, quia aliorum instructor esse posset, eum ipsum ad augmentum Ecclesiæ Episcopum constituerent: tamen si vxoris cura destinebatur. Sunt enim qui diuina Dionysium Ariopagitā

uxorem habuisse dicunt. Sunt & qui idē de Apostolis omnibus, excepto Paulo atque etiam Ioanne, opinentur. At posteaquam fidelium numerus auctus est, potestque de Episcopis, Sacerdotibus, Ministris, qui castitatem vitam ducunt, Ecclesiæ provideri honestius decentiusque esse sancti Patres existimarunt: ut qui maioribus sacris initiantur, vxoribus careant, quam nuptiarum molestiis irretiantur. Sic enim purissimum illud atque sanctissimum Eucharistiæ sacramentum, mundius, simplicius sanctiusque tractari posse iudicarunt. Nihil ergo Lutheranae Veneri Apostoli verba fauoris adferunt. Quippe quod & nullā sacerdotibus necessitatem inducunt, & ipsa vnus vxoris permissio ad Apostoli tantummodo tempora referatur. Quo fit ut Romanā calumniari Ecclesiam Lutherani nequeāt, si fidelium numero maiorem in modum aucto, eos qui sacra contrectant, ab omni abdicatos esse Venere voluerūt. Obiicientur fortasse Clericorum lasciuie adulteria, pellicatus, cæteraque id genus turpia: dicentque omnem quidem nostra sacra decere mundiciam. Ac quoniam

ij, quibus perpetua indicta est continen-  
tia, multis lascivie modis in populorum  
scandalum conspireantur, consultius a-  
gi ut iusto matrimonio vxoribus vacet,  
quàm plenas meretricum domos habe-  
ant. Sed propter multorum clericorum  
incontinentiam, non putaverim ego cle-  
ricis esse connubia permittenda. De-  
bet enim Romana Ecclesia quod pro sa-  
cramenti sit dignitate constituere, cura-  
reque ut ij tantummodo qui de perpe-  
tua sua continetia spem dederint, ad hu-  
iuscè Sacri administrationem dent no-  
mina. Quod si quispiam eorum spem fe-  
fellerit, acrioribus pœnis ad eius voti ob-  
servationem, quod cum sacri susceptio-  
ne ordinis emisit, est compellendus. Ne-  
que enim ad hunc castitatis modum no-  
men dare debebat, qui ad eius observa-  
tionem animum non adiecerat.

*Quod neque religiosorum con-  
tinentia Evangelicæ Libertati  
adversatur.*

## CAP. XV.

Spue adeo aduersarii  
Continentiæ sunt Lu-  
therani, vt non modò  
secularium Sacerdotũ  
ac ministrorum dam-  
nent continentiam, verum etiam & Mo-  
nachorum & Cœnobitarum. Esse enim  
præceptum Domini asserunt, Crescite,  
& multiplicamini, & replete terram. Il-  
ludque nusquam aut abrogatum, aut im-  
mutatũ fuisse reperiri. At quomodo hu-  
manum multiplicabitur genus, si vniuer-  
sa religiosorum turba abstineat à Vene-  
re, à nuptiisque abhorreat? In tantam  
autem temeritatem atque dementiã de-  
nuerunt, vt & virgines Deo sacratas de  
suis educatas cœnobiis, maritis connu-  
bent. & monachos ac cœnobitas ad cõ-  
nubia multis adhortationibus trahant.  
O infandam Venerem! O execrandam  
temeritatem! O inauditam impuden-  
tiam, ense, igne, tormentis, de vniuerso  
terrarum orbe profligandam! Quis e-  
nim ynquam, nisi Sacrorum contẽptor,



Virginem Deo dicatam, commaculare  
 auit? Legimus Beatiss. Matthæum Apo-  
 stolum ac Euangelistam Irthacum regē  
 acriter reprehendisse, quod Iphigeniam  
 Christi Opt. Max. sponsam sibi in con-  
 iugem postularit. Et vos Lutherani, de  
 cœnobiiis eductas virgines, quæ se ad p-  
 petuam continentiam voto obstrinx-  
 erunt, ad conubia trahere non erubesci-  
 tis? Nōne & apud Gentiles, virgines  
 quæ Sacris adscripserāt, magno semper  
 in precio sunt habitæ? Quæ enim Ve-  
 stæ, quæ Minervæ, quæ Dianæ, quæ Iu-  
 noni Achiuæ sacra faciebant virginita-  
 tis gloria erant illustres. Adde quod ne-  
 que Mahumetani, quibus luxuriæ laxan-  
 tur frena, continentiam damnant. Quid?  
 & demones isti castitatis hostes perpe-  
 tui, quo sibi numinis quippiā inesse fin-  
 gant, quibusdam præcantationibus in-  
 uocati, non nisi virginibus apparere vo-  
 lunt, quasi (inquam) cum numine virgi-  
 nitatis coniunctionem habeant. Quid  
 ergo damnatis quod tam boni quam ma-  
 li venerantur & colunt? Dicitote mihi,  
 ut vos vestra responsione cōtorqueam:  
 Nunquid non sunt bona animi corpo-

reis bonis potiora? Hoc si negaueritis, continuò hac vos negatione cõuincam. Sicuti corpore animus melior est, ita & bona animi bonis corporis potiora esse oportere. Si concesseritis vos qui corporis oblectamenta hoc reiiciunt institu- ro, vt liberiùs ad diuina animum extol- lant: condonatis iniustè. Quid enim sibi vult diuinus Paulus, quum priori ad Co- rinth. epist. cap. 7 ait: Mulier innupta & virgo cogitat quæ Domini sunt, vt sit sancta corpore & spiritu. Quæ autè nu- pta est, cogitat quæ mundi sunt, & quo- modo placeat viro. Si cæca vestra teme- ritate damnâda est Virginitas: quid eo- dem in loco Apostolus inquit: De virgi- nibus autem præceptum Domini nõ ha- ben, consilium autè do. Au vos qui Pau- lini esso, imò magis videri vultis, hanc Paulo inuretis infamiam: vt omne per- ditum atque damnatum consulat Co- rinthiis? Sed & D. Augu. in libro, de Vir- ginitate, eam matrimonio hisce ver- bis præfert: Certa ratione & sancta- rum Scripturarum authoritate nec pec- catum esse nuptias inuenimus, nec eas bono aut virginalis continentiæ, vel etiã

vidualis æquamus. Diuus quoque Hieronymus contra Iovinianum, qui matrimonium Virginitati æquale esse censebat, acerrimè disputavit. Quid? Nónne & Servator Iesus ppetuò virginem delegit matrè? Nisi fortasse & hoc p vestra temeritate negaveritis. Nónne & virgini discipulo ipsam suam matrè suffixus cruci commendavit? Agedum, Eam continentiam, quæ nullo sit voti nexu astricta, damnetis. Eam quam sacræ voverūt virgines, monachi, cœnobitæ damnandā esse censebitis? Nónne legistis in Psalmo: Vouere, & reddite Domino Deo vestro. Numerorum etiam libro, cap. 30. legitur: Si quis virorum votum Domino voverit, aut se constrinxerit iuramento, non faciet irritum verbū suum: sed omne quod promiserit, implebit. Ecclesiastici etiam cap. quinto dicitur: Quodcūque voveris, redde. Item Deutero. 23. ca. Cūm votum voveris Domino Deo tuo, nō tardabis reddere: quia requirit illud Dominus Deus tuus. Et si moratus fueris, reputabitur tibi in peccatum. Si sunt solvenda Deo vota: quæ Virginitatis vestro arbitratu rescinditis? dicetis fortè, stul-

tam promissionem, & quæ contra diuinam legem sit, Deo soluendam non esse. Virginitatis autem promissionē & stultam esse, & illi legi, quæ nos humani generis multiplicationi dare operā iubet, aduersari. Sed malè præceptorū naturam consideratis. Eorum enim præceptorum quæ alicui singulatim, & eorum quæ traduntur multitudini, longè diuersa ratio est. Quod enim vni aut diuina aut humana lege præcipitur, est illi omni diligentia, cura, studio exequendum. Quod verò præcipitur multitudini, sat est si exequantur aliqui. Nam si exercitui ab imperatore mandetur vt custodiantur, eiusmodi mandato optimè satisfiet, si aliqui iussa capessant: Tametsi aliqui alijs bellicis operibus sunt intenti. Ita in hoc diuino euenit præcepto. Quoniam enim multitudini datur, non singuli hac obstricti sunt lege: sed eius sufficiens habetur ratio, si quidam multiplicandæ proli operam nauent, alijs circa spiritualium rerum exercitia occupatis: quādo præsertim in ea inciderim' tempora, in quibus hominum Deum colentium, in immensum propè auctus sit nu-

merus. Nam quum longè plures sint, qui rei vacant vxoriæ, quàm qui vitam cœlibem viuunt: haudquaquam timendum est, ne si quispiã abstineat à Venere, multitudo hominũ defectura sit. Obiicient forsitan, q̃ (vt Aristoteli i. Ethico. libro placet) priuato bono præstantius esse cõmune, atq; diuinius. In confesso autè est eos omnes qui ab omni Venerea voluptate diffugiũt, priuatis tantũmodo studere cõmodis. Eos autè qui cõnubia in-eunt, publicæ vtilitati. At respõderi potest, quòd tunc priuato cõmodo bonum cõmune præstantius est ac diuinius, quãdo in eodẽ genere vtrunq; fuerit collocatũ. Ciuitatis enim salutem vnus ciuis salutis præferendã esse nemo vnquã negauit. Si verò diuersa sibi adsciscant genera, nihil prohibet vt cõmuni quopiam bono priuatũ aliud diuersi generis bonũ sit excellentius. Nã sempiterna illa vni⁹ hominis felicitas, quæ est in diuina frui-tione constituta, tẽporali bono ciuitatis præstantior est & excellentior. Quoniã igitur Virginitatis atque nuptiarũ com-moda diuersorum sunt generum, nimirũ si matrimonio Virginitas præstet, li-

cetilla in priuatum cōmodū, istud verò  
 in communē vtilitatē cedere videatur.  
 Vnde & D. Aug. lib. de Virginitate, Cre-  
 dendum est, inquit, sœcunditatē carnis  
 & illarū quæ in hoc tēpore nihil aliud in  
 coniugio, quā prolē requirunt, quā  
 mancipēt Christo, p̄ amissa Virginitate  
 cōpensari non posse. Non igitur (vt Lu-  
 therani prædicunt) perpetua cœnobia-  
 rū castitas, virginūmq; integritas cū Euā-  
 gelica libertate digladiātur. Nā quū ho-  
 minē ad religionē cogat nemo, quā sanē  
 ratione etiā in confirmāda sacerdotum  
 continentia vsi sumus: neq; ad eam con-  
 tinentiā, quæ est cū religione coniūcta,  
 quispiā est qui compelli queat. Addide-  
 rim quòd maximo etiā cōmodo homini  
 accedit cōtinētia. Mentē enim atq; cogi-  
 tationē ad spiritaliū rerū cōprehensionē,  
 in quib⁹ rationalis naturæ vita est cōsti-  
 tuta, quā maximē reddit liberam. Quo  
 sanē nihil est quod sapienti viro gratius,  
 dulcius, suauius videri debeat.

*Quòd Religiosorū status Euan-  
 gelicæ Libertati minime oppu-  
 gnat.* CAP. XVI.



**O**mnium præterea re-  
 ligioſorum ſtatum (vt  
 hæreticorū antea nō-  
 nulli damnarunt) ita  
 labefactare, funditūſ-  
 que euertere quærit  
 Lutherani. Non enim  
 eorum opinione cum Chriſtiana Liber-  
 tate coniungi poteſt, vt ſuam quiſpiam  
 fidem obſtringat Deo, quando eum quā-  
 doque obligatæ ſuæ fidei poſſit pœni-  
 tere. Ait enim Beatus Auguſt in epiſt. ad  
 Armentariā & Paulinam, Quia iam vo-  
 uiſti, te obſtrinxiſti. Aliud facere tibi nō  
 licet. Non talis eris, ſi non feceris quod  
 vouiſti, qualis manſiſſes, ſi nihil tale vo-  
 uiſſes. Minor enim tunc eſſes, non peior.  
 nunc autē tantō (quod abſit) miſerior,  
 ſi fidem Deo fregeris, quantō beatior  
 ſi perſolueris. Et (vt ſingula religioſorum  
 examinentur vota) quum caſtitas deuo-  
 uetur, contra Euangelicam agi Liberta-  
 tem putant. Nam hominem ſæpius ſti-  
 mulis Veneris acſitari ipſa teſtis eſt ex-  
 perientia. Nunquid ergo melius eſt, in-  
 quiunt, atque ad quietem mentis vtilius,  
 poſſe ipſum honeſta Venere vti, quàm



perpetuum contra eiusmodi molestias bellum gerere, sæpissimèque à virtutis opere deturbari? Quid deinde obedientiæ votum commodi præstat? Nónne is qui eiusmodi obstringitur voto, omnem prorsus exuit Libertatem, sibi que perpetuó alieno viuédum est arbitrio? Hoc autem quàm integrũ sit, quamque Christiano - omni congruat, vel ex hoc intelligi potest, quòd ad meliora opera sibi præclusa sunt itinera. Nam (vt B. August. ad Pollentium de Adulterinis conubijs scribit) ea sunt in nostris officijs gratiora, quæ cùm licet nobis impendere, tamen dilectionis causa impendimus. At quo pacto nobis integrum est, nostrum illi officium non præstare, cui omnia nostra iam voto obstrinximus officia? Nihil ergo grati officij præstare Deo possumus, si nostram illi adscripsimus voluntatem. Paupertatis rursus votũ quàm inutile sit, quàmque diuinæ legi repugnet, ex hoc (inquiunt) conijcere possumus, quòd contra seruitia Deo non placent. Si terrenas opes spernere reiiceret, in animo est, id tua voluntate, non voti necessitate perficito. Nam quum

Christus Opt. Mix. vitæ nobis perfectionem ostendit, nullam de Paupertatis voto habuit mentionem: propterea sanè quòd cuncta à Christiano homine libera volūtate agēda esse censuerit. Quare neque Christū ipsum, neque Apostolos, quicquā Deo cum voti obligatione persoluisse legimus. Detrahūt demum certo definitōque Monachorum atque Coenobitarum vestitum vsui ac colori. Quid enim (inquiūt) illiberalius, imò quid seruilius homini potest accidere, quàm vt ad certū habitū, ad præscriptūmq; colorem sit collimitatus? Nam qui in aliorum cesserūt seruitutē, varium nonnunquā vestimentoru genus induunt. Ad summam, aum omnem Christiani populi ordinem, sexum, ætatem, in plenā se assertere velle Libertatem pollicentur, Religiosorum omnium mores ac instituta enervare nituntur atque diruere. Sed in re hac quàm maximè aberrāt Lutherani dum omnem necessitatem omnēque collimitariē ad vnum cum Evangelica existimant pugnare Libertate. Volūntque quicquid Christiano homini in mentem venerit, impunè præstari exitu  
 exitu

posse. Falluntur (inquam) & virisque  
(vt aiunt) naribus stertunt, dum neces-  
sitaris naturam conditionemque igno-  
rant. Quid enim Libertati à peccato  
(quam potissimam esse Christianorum  
Liberatem superiùs definiuimus) exce-  
pta peccati seruitute, potest repugnare?  
Repugnant quidem & extrinseca illa  
violentia, qua quispiam ad aliquod nego-  
tium voluntate repugnante compelli-  
tur, quãdo coactio hæc virtutis laudem  
minuere videatur: Sed necessitas ea, de-  
finitioque ad vnum, qui ab interno quo-  
dam mentis habitu ducit originem, ne-  
que veræ Libertatis rationem explodit,  
neque virtutis laudem imminuit. Nèque  
enim cum minori Libertate, aut minori  
laude, iustitiæ fiunt opera (si ex interno  
iustitiæ proficiuntur habitu) quàm si  
absque virtute (vt sæpenumero euenit)  
fiant. Nam virtus etsi in actione facili-  
tatem efficiat, Euangelicam tamen Li-  
bertatē non tollit. Quid enim est aliud  
Euangelicæ legis institutum, quàm vt  
boni amantesque virtutum efficiamur?  
Quòd si eniti pro viribus, vt nostra om-  
nia opera virtutis ornata splendore, Euā.

gelicæ nō derogat Libertati Neq; etiam  
 eiusmodi Libertati detrimentū affert, si  
 cum sibi quīspīā viuendi modū deligat,  
 in quō suæ oēs actiones ex virtute fiāt.  
 Est autem hoc Religiosorū in proficēda  
 religione propositū, vt suas omnes actio-  
 nes in eā virtutem referant, quam nos  
 Religionē siue pietatem dicimus. Eius  
 enim est quadā animi deliberatione ali-  
 quid Deo Opt. Max. polliceri: idq; ad ip-  
 sius obsequiū & cultū pro virib<sup>9</sup> exhibe-  
 re. Quò sanè sit, vt vnū & idē Monachi  
 siue Religiosi opus in duas virtutes refe-  
 ratur. Quemadmodū enim is qui furatur  
 vt habeat vnde in scorta pfundat, & lu-  
 xurix & auaritiæ notatur crimine: ita is  
 qui ex voto omnē detestatur Venerē, nō  
 modò continentix, verū etiā Religio-  
 nis opus exercet. Non igitur Euāgelicæ  
 Libertati votū aduersatur: sed oīa Chri-  
 stianorū opera excellentiora constituit.  
 Ad hæc, si vnum quempiam finem mihi  
 assequēdum præscripsero, siūque aliquid  
 sine quo assequi ipsum nequeā: non quid  
 non ad illud libera volūtate manū dicar  
 apponere: tamen si quadā præscripti finis  
 necessitate ad ipsum impellor? Hæc est il-

la operandi necessitas, quam sibi ij qui se Religionideuouent, imponūt. Quā (inquā) necessitatem ex fine Peripateticis solent appellare. Nam dum Deo Max. omnibus in rebus pietate quadam ac religione subiecti esse delegerunt, si promissis stare volunt, ea quæ uouerunt bono præstent exitu, necesse est. Quod quū se Deo sponte subiecerint, talēque uiuendi modum libera delegerint uoluntate, quid causæ est quur & ea omnia q̄ ad hanc deuotam subiectionē spectant, non fieri liberè censeamu? Ad te sermonem uerto Luthere, Tuum primum uidetur esse institutum, ut tibi uisus sectæ uendices Principatum: sicque sempiternam tibi famam asciscas. Hoc autem tnum exequutioni mandare institutum non potes, nisi Saxones in Romanam Ecclesiam tuis perditis concionibus armes. Nunquid non liberè concionaris? Tibique eum laborem liberè desumis, quo in tuam illos populos trahas sententiam? Ipsis tuis impiis ac sacrilegiis concionibus cum absoluta libertate, quædā ex fine necessitas coniuncta est. Hac, inquam, si voti compos uelis euadere,

Ad hūc ergo necessitatis modū se se ad-  
 scribunt Cœnobitæ, dum pro adipiscen-  
 da Christianæ vitæ perfectione, ad obe-  
 dientiā, ad paupertatem, ad castitatem,  
 suam obstringunt fidem: neque tamen  
 Euangelicam exuūt Libertatem. Quod  
 autem eum ipsum qui vouerit possit  
 quandoque fidei obligatæ pœnitere,  
 Libertati non obstat. Nam ei certè yti-  
 lissimum est, quòd ab eius præstatione  
 officij, ad quod se voto deuinxit, absque  
 criminis macula discedere nequeat, etiā  
 si promissi pœniteat officij. Vnde ad eū-  
 dem Armentarium (de quo superius ha-  
 bita est mentio) scribens D. Augustinus,  
 Non te, inquit, vouisse pœniteat, imò  
 gaude, iam tibi sic nō licere quod cum  
 tuo detrimento licuisset. Fœlix neces-  
 sitas, quæ ad meliora compellit. Cæte-  
 rùm & ea ratio, qua continentia vota  
 impugnant, nullius esse roboris ostendi  
 facillimè potest. Sollicitudo enim de vxore,  
 de filiis, de re familiari, maiorem ani-  
 mi molestiā affert, quàm contra prauas  
 hominis cupiditates pugna. Illa enim  
 continua atque perpetua est: hæc verò  
 temporaria & succisuius horis incunda:

Adde, quòd si frenum quispiam semel atq; iterum imponat Veneri, corpúsque quum inedia, tum aliis compressionibus premat, atque castiget, debilitatur, enervatur, expugnatur: atque idcirco minus à diuinarum rerum vestigatione, ab officiòque virtutis animum auertit. At vbi Veneri laxantur habenæ, in eam quispiam pronus incumbit, efficitur excitatior, vehemētior, ardentior: Sícque maiorem in modum mentem nò modò à diuinarum contemplatione, verumetiam à veri inspectione deterret. Delectationis enim natura hæc est, vt in re desiderata quiescere faciat appetitū. Non negauerim tamen aliquem esse hominem posse, cui melius tranquilliusque sit in connubio viuere, quàm continere. Hoc enim Saluator noster innuisse videtur, quum post continentia laudationem subintulit, Non omnes capiunt verbum istud, sed quibus datum est. qui potest capere, capiat. Sed nos, quod solet communius euenire consideramus. Pluribus enim minor, si contineant, animi perturbatio accidit, quàm si connubij molestiis excrucientur. Quod deinde aduer-



sus obedientiæ votum obstrepunt, parat  
est momeri. Nam qui per obedientiam,  
alterius se submittit arbitrio, non ea Li-  
bertate (quàm Evangelicam dicimus)  
destituitur, sed constituitur à servitute  
peccati liberior: quippe quòd se arctiori  
quodam nexu ad virtutem deuinxerit,  
dum enim quandam sibi secundum vir-  
tutem viuendi necessitatem præscribit,  
ab omni peccati servitute digreditur.  
Non est etiam existimendū gratius Deo  
Maxi. fore, si ei quispiam nulla voti ne-  
cessitate præstetur, quàm si solvatur ex  
voto. Nam & id ipsum quod ex voto per-  
soluimus, & votū ipsū antequam susci-  
peretur, in nostra posita erant facultate.

Quare cum eiusmodi nostri à Libertatē  
Deo Max. viuendo condonamus, ita vt  
quæ semel polliciti sumus, reddere te-  
neamur munere ipsum insigni & longè  
gratiori, quàm si soluti voto redderemus  
impartiamur. Non ergo ea omnia in no-  
stris officiis gratiora putat Beatus Augu-  
stinus, quæ nobis non impendere lice-  
bat, si ea tantummodo quæ aut nulla te-  
stamentaria obligatione, aut nullo alic-  
no urgente vinculo, elargimur. At ea

quæ nobis impendere nō licet propter-  
ea quòd nos ipsi nostram ad illa impen-  
denda fidem obstrinximus; longè sunt  
homini gratiora, quàm si non impende-  
re in nostro positum arbitrio esset. Illius  
enim primæ dilectiōis ac Libertatis vis,  
qua nos beneuolè ac liberaliter ad im-  
pendendum obstrinximus, in illis officiis,  
quæ ex voto præstamus, perseverat, ut  
dici possint amicè liberèque præstari.  
Illud præterea quod aduersus paupertatis  
votum perstrepunt, paruo negotio  
dissoluetur, si paupertatis commodum  
utilitatēq; spectare voluerimus. Nam  
si humana bona recto iudicio metiamur,  
diuitiarum apparatus, infimum, virtus  
verò supremum locum tenet: tantòque  
humani boni diuitiæ rationem habent,  
quantò ad virtutū opera opitulari que-  
ant. Quòd si virtuti sint impedimento,  
non sunt bonæ, sed malæ, sed vituperan-  
dæ, sed abiiciendæ. Quid? Nōne sunt ei  
impedimento diuitiæ, qui totum se spi-  
ritualibus rebus addixit, nihilque anti-  
quius dicit, quàm ut Christi mores imi-  
retur? Hoc (nisi Saluatoris nostri verbis  
fides derogetur) negari potest. Matthæi

enim 19. cap. Si vis, inquit, perfectus esse, vade & vende omnia quæ habes, & da pauperibus, & veni & sequere me. Cap. etiam 9. prædixerat, Sollicitudo seculi, & fallacia diuitiarum suffocant verbum. Multi quoque nobis hac in re sunt exemplo Philosophi, qui patrimoniis opibus pro assequenda virtute renuntiaverunt. Istam (vti ceteros prætereā) de Socrate Diuus Hieronymus ad Paulinam scribens ait. Socrates ille Thebanus, homo quondam ditissimus, quum ad philosophandum Athenas pergeret, auri pondus abiiecit: nec putauit se posse & diuitias & virtutes possidere. Quid igitur Religiosi homines, qui ducis Imperatorisque nostri & mores & monita obseruaturi, ad diuina totis viribus intendunt: reiiciant opes, Euangelicæ non obstat Libertati: neque etiam omnino verum est legislatorem nostrum Christum paupertatem solum, non autem paupertatis votum suasisse. Nam quum nos ad vitæ perfectionem inuitaret, non solum reiiciendas esse diuitias docuit, verumetiam ne reuertemur ad eas, est hortatus. Lucæ enim 7. cap. Nemo, inquit, mittens ma-

nium ad aratrū, & respiciens retrò, aptus est regno Dei. Vnde & S. August. in libr. de Consen. Euangelist. iuxta Matthæi (inquit) & Marci enarrationem Petrum & Andreā non subductis ad terram nauibus tanquam causam redeundi sequutos esse Dominum, scilicet tanquam iubentem vt sequerentur. Apostolos denique sua omnia deuouisse Deo intelligi potest, quando relictis omnibus Dominū sunt sequuti. Quid postremò molestiæ asferre debet Lutheranis, quòd certum quendam habitum vnaquæque sibi definierit Religio? Nunquid non est humana in conuersatione solitum, vt pro hominum conditione gerantur habitus? Nam aliud indumentorum genus deferunt, qui militiam profitentur: aliud Iureconsulti: aliud mercatores. Item, aliud virorum indumentorum est, aliud fœminarum. Sunt & pro cuiusque dignitate varia corporis indumenta. Adde quòd & in primitiua Ecclesia vt milites vestem gerebant militarem, ita Christiani vestem Christianam. Nimirum ergo si pro varietate Religionis varia etiam sint instituta, varij mores, varij habitus,

quibus vnusquisque quam profiteatur  
Religionem præ se ferat.

*Quòd plurium Sacramentorum  
usus Euangelicæ non derogat  
Libertati. CAP. XVII.*



Intolerabili etiam o-  
nere Christianos pre-  
mi autumant Luth-  
rani, quòd plura Ro-  
mana Ecclesià præci-  
piat Sacramèta, quàm  
in Euangelis sint per-  
scripta: quãdo tamen non ad Romanum  
Pontificem, non ad Concilia, non ad fi-  
delium cœtum, Sacramentorum spectet  
institutio: sed supremi nostri capitis fue-  
rit ea decernere Sacramenta, quæ nobis  
ad salutem vtilia fore prospiceret. Nulla  
autem ab ipso, excepto Baptismate at-  
que Eucharistiæ, instituta fuisse dicunt Sa-  
cramenta: cætera Romanorum Pontifi-  
cum Conciliorumque fuisse inuenta,  
quibus sanè Christianus populus vsque-  
adeò captiuus tenetur, vt neque extre-

mum agentibus spiritum, libeat quod vo-  
 luerint: sed morituri cogantur inungi,  
 nisi celestibus arceri velint sedib<sup>9</sup>. Adde  
 quod nihil aut Confirmationis, aut Ex-  
 tremæ Vnctionis sacramento in veteri  
 Lege respōdet: quando tamē Sacramen-  
 torum Nouæ Legis nullum esse debeat,  
 quod non aliquo signo in Antiquæ Legis  
 obseruantis ac Cæremoniis fuerit præ-  
 monstratum. Cæterum in Euangelis  
 de septem Sacramētis quæ celebrat Ec-  
 clesia, mentionem haberi, eaque cōgrua  
 quadam ratione fuisse instituta, non est  
 difficile demonstrare. Sed hoc imprimis  
 animaduertendum est, non ad Apostolos  
 vllō pacto spectasse vt instituerent Sacra-  
 menta, (vt de Confirmatione atque Ex-  
 tremā Vnctione asseruere nōnulli). Sed  
 ad Ecclesiæ institutionē Christū Iesum.  
 Quum enim prima Ecclesiæ Christianæ  
 fundamenta ipsa sunt Sacramēta, cuius,  
 est suo loco statuere, nisi eius qui & Ecce-  
 siæ conditor authōrque est, & omnium  
 eius legum institutor. Quamobrem quū  
 omnia sint ab ipso constituta, de Baptis-  
 mo in multis Euāgeliorum locis mentio  
 fit: de Pœnitentia, Matth. 4. de Confir-

*Sacramēta  
 omnia à  
 Christo in-  
 stituta.*

matione, Ioan. 6. atque Luc. vltim. vbi de plena in Apostolos Spiritus sancti missione narratur. De Eucharistia copiosam enarrationem in Euangelis fieri satis constat. De Matrimonio, Matt. 19. ca. Dum Matrimonij perpetuitas explicatur. quod sanè magnum esse Ecclesiæ Sacramentum Apostolus scribit Ephesis. Ordinis Sacri institutio datur intelligi quid Apostolos, septuagintaque duos Discipulos Ecclesiæ Christianæ ministeria instituit, Matth. 10. Marc 6. & Luc. 10. ca. Extremam Vnctionem in hoc intelligimus, quòd Apostolos Christi mandato (vt Marci 6. narratur) infirmos olei Vnctione sanasse describitur. Nō obstat autem quòd nulla de quorundam Sacramentorum materia formæue in Euangelio fiat mentio. Erant enim eiusmodi in ipso primo Ecclesiæ ortu infidelibus occultanda, ne eis irridendi Christianos mores ansa præberetur. Quæ sanè causa Dionysium etiam Areopagitum aperta Sacramentorum omnium enarratione deterruit. Credendum verò est (vt Diuus August. 4. contra Donatistas libro videtur) eiusmodi Sacramenta, quæ Catholi-



caveneratur Ecclesia, Apostolica traditione recepta. Potest autem & conveniens quædam horum Sacramentorum ratio reddi. Nam quum Spiritus alis nostræ salutis causa sint instituta, sed ad ea in quibus humani corporis salus constituitur, quædam propositione definienda. Ut enim primum vitam à parentibus naturali generatione nanciscimur, tum per augmentum in iustam magnitudinem, perfectumque robur assurgimus, deinde acquisitum robur nitimur alimento servare: & si in ægritudinem inciderimus, medicos adhibemus: ita ad spiritualem vitam regeneramur baptismo atque renouamur: iuxta illud Apostoli ad Titum 3. cap. Secundum misericordiam saluos nos fecit per lauacrum regenerationis & renouationis Spiritus sancti: fidei constantiam, animum (inquam) ad confitendum Christum, Confirmatione adipiscimur. Nutrimur Eucharistia, iuxta illud Saluatoris nostri dictum Ioan. 6. capite, Qui manducat hunc panem, vivet in æternum. Curationem animi quidem Pœnitentia, corporis verò ex animo quum fuerit optimū, Extrema Unctione cōse-

quimur. Quemadmodum præterea & parentum beneficio vitam adipiscimur, & Principum cura ac diligentia, pace fruimur & tranquillitate: ita sunt & Spirituales vita propagatores quidam ac conservatores Spirituali quidem tantummodo ministerio ij qui sacris sunt ordinibus constituti, corporali verò pariter & spirituali, ij qui prolem ad diuinum educandam prolem congenerant. At in Veteri Lege quorundam quidem Sacrorum erant imagines definitæ aliquorum tamen definitæ, non ita. Nam Baptisma, Circūcisio, Eucharistia, Oblationes & Sacrificia: Sacrum ordinem, consecrationes Aaron ac filiorum: Matrimonium, inter præscriptas quasdam personas coniugium: Pœnitentiæ, expiatio pro peccatis præsignabāt. Confirmationis verò atque etiam Extreme Vnctionis nulla debuerunt signa præcedere: Propterea quod sub eam ætatem neque Spiritus sancti plenitudo, quæ in Confirmatione confertur, esset hominibus imperita: neque post mortem æternam continuo quispiam assequi beatitudinem posset, ad quam per Extremam Vnctionem tanquam proximo quodam adiumento,

fit præparatio. Verùm etsi duo hæc Sacramenta Vetus Lex in Sacris non contineret, sunt tamen à Christo Domino (vt diximus) instituta, à Catholicâque Ecclesia Apostolorum traditione recepta. Confirmaturũ se discipulos fuerat Christus, quum (vt in Euangelio Ioannis cap. 16. perscribitur) dixit: Si non abiero, Paracletus non veniet ad vos. Si autem abiero, mittam eum ad vos. Lucæ quoque vlt. ab ipso dictum fuisse narratur: Sedete in ciuitate, quoadusque induamini virtute ex alto. Extremæ quoque Vnctionis meminit, quum (vt superius citauimus) Apostolis vt olei Vnctione sanarent ægros, edixit. Satis hæc superque de Sacramentorum pluralitate dicta sint. hoc vnum tantummodo addiderim, non vsque adeò vniuersa hæc Sacramenta nobis fore necessaria, quasi si eorum vnum defuerit, sint nobis Cælestis regni fores occlusæ. Nam absoluta quidem nobis Baptismatis innuitur necessitas, aut (inquã) actu, aut interno desiderio suscepti: quum Seruatoris nostri sententiã, Nisi quis renatus fuerit ex aqua & Spiritu sancto, in regnum Dei introire non posse, Pœni-

tentia: item Sacramentum si fuerit, si quodpiam expiandū, est cum necessitate coniunctū. Iuxta illud Luc. vlt. Oportebat Christū pati, & resurgere à mortuis die tertia, & prædicari in nomine eius Pœnitentiam & remissionem peccatorum in omnes gentes. Cætera quanquā hanc coniunctam necessitatem non habent: si tamen habeantur contemptui, in perditionem trahunt. Quare si is qui est animam vitāque efflaturus, extremam renuat Vnctionem, tanquam Evangelicæ Legis contemptor, sibi æternam damnationem comparat. Si verò sese ex hominum conspectu repentina morte præripiat, non propterea æternæ damnationis reus constituitur, quod non Vnctus è vita migraverit.

*Quod Cōfessionis institutio cum  
Evangelica cōcordat Libertate.*

## CAP. XVIII.

Sunt



Vnt fortasse Sacramē-  
torum quædā, quæ  
cum Christiana Liber-  
tate conuenire conce-  
derent Lutherani. At  
Confessionis sacramē-  
tum nullo pacto cum

Libertate, eorum opinione conuenit.  
Quæ enim, dicunt, maior accidere ho-  
mini seruitus potest, quàm vt omnia sua  
crimina, quæ quàm occultissimè fieri po-  
tuit, clam omnibus commisit, vni ho-  
mini, & forsitan nusquam antea cognito,  
detegat? Nunquid non satis est ad impe-  
trandam veniam, ei qui cordium secre-  
ta scrutatur, sua scelera internâ quadam  
mentis enumeratione referare? Quid  
enim illa in aurem hominis Confessio  
prodest? An non potis est Deus omnia  
nobis nostra crimina quocūque reiecto  
arbitrio condonare? Quid homini eue-  
nit molestius, grauius, durius, illa auri-  
culari Confessione posse cēsemus: quā-  
do neque maximis quidē tormentis ad-  
hibitis, sua quādoque crimina fateretur?  
Quæ gens, quæ natio, quæ religio, (ex-  
cepta Christiana) tam graui præmitur

Seruitute? Et tamen hanc nostram mortalem Christus Max. induit carnem, ut nos in Libertate assereret, ab omni que redimeret seruitute. Non est eiusmodi Confessio, Christi legibus constituta: sed hominum fuit inuentum, quo Christianum populum Romani Pontifices grauius quàm populum Hebræum Pharaos operibus duris luti & lateris, opprimere voluerunt. Nobis ergo, inquiunt, qui in Christi militiam nomen dedimus, sat sit clementissimo Deo, mente cogitatione: que confiteri: hac tamen fide, quòd ipsa nostra crimina nobis sint diuinà clementia relaxanda. Fides enim omni credenti ad salutem operatur. Et (ut Apostolus ad Romanos scribens ait) Iustus ex fide uiuit. Ad Gallatas quoque, Omnes filij Dei estis per fidem quæ est in Christo Iesu. Sed & Christus ipse mulieri, cui peccata multa dimiserat, dixit: Fides te saluam fecit: vade in pace. Caterùm dicant mihi Lutherani: Si non est Christi dispositione instituta Confessio, sed humanum magis est inuentum, quid sibi ea Christi Domini verba ad Petrum, Matth. 16. voluerunt, Quodcunque soly

ueris super terram, erit solutum & in cælis. Et quodcūque ligaueris super terram erit ligatū & in cælis? Ad reliquos quoque Apostolos: Quodcūque alligaueritis super terrā, erit ligatum & in cælo. Et quodcūque solueritis super terram, erit solutum & in cælo. Quid, inquam, hæc ligandi atque soluendi potestas secundum adfert? Non ligandi atque soluendi corpora facultas est: sed soluendi humanos à peccatis animos, eosdēque ligandi, aperiendi Cælestis patriæ fores, easque etiam claudēdi. Vnde & Petro regni cælorum clauēs committuntur, & omnibus Apostolis dicitur: Quorum remiseritis peccata, remittuntur eis: & quorum retinueritis, retenta sunt. Insanit autem qui non de potestate, sed de fide hisce in locis agi putat. At cū iudicio quedā ad ligandum hominem aut soluendum opus sit, iudiciūque omne cognitionem causæ deponat: necesse utique est ut is cui remittendi detinendique peccata facultas concessa, aliquam criminum eius qui iudicandus est, habeat notionem. Verū quo pacto multa hominis crimina scire quispiam potest, nisi se ipse pro-



dat? suâque scelera iudici manifestet? Si enim opera (ait Boetius) medicantis expectas, oportet ut vlnus detegas tuû. Dum itaque Apostolis Legislator noster Christus ligandi atque soluendi contulit potestatem, Confessionis ac Pœnitentiæ instituit Sacramentum: voluitque ut quicumque aliqua se peccati commaculatum nota cognouerit, illud Sacerdoti in aurem detegat: pro eiûsque arbitrio subeat vltionem, si & veniam assequi cupiat, & commeritam sibi, aliqua salté ex parte, pœnam relaxari. Dicent forsità Lutherani: Quæ huiusce institutionis cōgrua ratio potest assignari? Nunquid non poterat is qui sua perdita vita, à diuina lege desciiuit, in Dei gratiam, absque secretiori hac confessione redire? Poterat sanè. Non enim ad nostra ista Sacra, virtus diuina collimitâda est. Verumtamen quum Christi Optimi passio, vniuersalis nostræ salutis causa sit, erat virtus eius per aliquas particulares causas ad nos deriuanda. Nam & in rerum naturalium ordine, cum Cælesti virtute, quæ vniuersalis causæ rationem habet, inferiora agentia, tanquam

particulares causæ ad generationem, quadam naturali necessitate concurrunt. Hasce autem particulares salutis nostræ causæ, si sensibiles sint, Sacramenta vocamus. Quare ut Baptismate originale crimen, ita confessionis Sacramēto, tanquam particulari salutis nostræ causa, crimen actualē diluitur. Legimus autem & quandam in Euangelio huiusce instituti imaginē ac figuram. Narratur enim quatinus ii qui ad Ioannem ut baptizarentur veniebant, sua confitebantur crimina. Item quòd Christus leprosos à se mundatos, ut se ostenderent Sacerdotibus imperavit: designans sanē eos omnes qui suæ passionis virtute erāt à peccatorum sordibus expurgandi, suam lepram, id est sua peccata oportere Sacerdotibus denudare. Quòd si contenderit quispiam nullam in Euangelio de Sacramentali hac Confessione expressam fieri mentionem, sat sibi esse debet, in ea ligandi atque solvendi potestate, Primū Petro, deinde omnibus Apostolis impartita, Sacramentum eiusmodi Confessionis contineri. Adde quòd & ipsam Apostolus Iacobus epist. suæ cap. 5. hisce ver-

bis, Confitemini alterutrum peccata ve-  
 stra, manifestissimè promulgauit. At di-  
 cent Lutherani: Quid ad secretiorè hanc  
 Confessionem Apostoli Iacobi verba?  
 Non enim vt nostra Sacerdoti manife-  
 stemus crimina iubet: sed vt alterutrum  
 peccata confiteamur hortatur: hoc est,  
 vt nobis mutuò vicissimque nostra sce-  
 lera detegamus. Cæterum, non attédunt  
 Lutherani quòd quum ad eam nos Cõ-  
 fessionem horteretur Apostolus, quam à  
 Christo institutam fuisse supponebat:  
 eam autem quæ sit Sacerdotibus (vti su-  
 perius ostendimus) Christus instituerit:  
 non mouemur vt mutuò omnes quales-  
 cunque fuerimus, crimina referemus:  
 sed vt eis confiteamur secretiùs, quibus  
 de peccatis decernendi facultas deman-  
 data est. Si ergo Christi Iesu legibus Sa-  
 cramentalis hæc Confessio definita est,  
 tota (vt aiunt) errant via, qui eā ab Euā-  
 gelica desciscere Libertate putant. Nihil  
 enim quod Christi lege cautum est, ab  
 Evangelica desciscit Libertate. Obiici-  
 cient forsitam rursus: Sit Christi legibus  
 constitutum vt in sacerdotis aurem con-  
 fiteamur. Quì negari poterit nullum esse

nobis confessionis tempus in Evangelica lege præscriptum? Quomodo igitur annua ista confessio, quam Innocentius 3. Pont. max. nostris imposuit humeris, cū Christiana Libertate non pugnat? Sed si ea quæ sæpius replicauimus, animaduertere voluerint, videbunt & annuā hanc Cōfessionem cum nostra Libertate cōuenire. Nam quod in Christianorum cōmodum ac vtilitatem à Romano præsule constituitur; id diximus nostræ haudquaquam officere Libertati, quanuis nostro quādoque videatur sensui repugnare. Sæpe enim quod sensui contrarium esse cernimus, liberā voluntate pro virtute cū ratione deligimus. At dicant mihi: Nōne Christiano populo etiam hāc annuam Confessionem apprime vtilem manifestè deprehēdimus? Cæciores talpa fuerint, qui hoc nōn viderint. Constat enim, & apertissimè quidem constat, eos qui Pontificiam hanc legem aut negligunt, aut despiciunt, perditissimos homines, sacrorūque omnium cōtemptores fieri. Atque etiam in tot nefanda flagitia delabi, vt eos beluas potius esse censeas, quàm homines. E contra ve-

rō eos qui annuam hanc confessionem  
 diligenter obseruant, modestos, iustos,  
 frugales institui, in meliorē inque sem-  
 per frugem emergere. Sunt etiam & qui  
 facile animum à Christiana fide auerte-  
 rent, nisi hoc annuæ confessionis con-  
 firmarentur vsu. Quare nemini dubium  
 esse debet, quin maximum ex hac san-  
 ctissima lege Christianus populus fru-  
 ctum referat. Non ergo duro nonōque  
 premimur onere: sed ei quod est Chri-  
 sti legibus indefinitè mandatum, Ponti-  
 fex Maxi. (cuius est quum Christianam  
 Rempub. moderari, tum diuinam inter-  
 pretari legem) congruum humanis mo-  
 ribus tempus definiuit. Nostræ præterea  
 huic, imò sanctorum Patrum sententiæ  
 non officit, quòd omnia nostra flagitia  
 nobis à Deo, absque Sacramentali hac  
 Confessione, condonari queant. Quem-  
 admodum Mariæ Magdalenæ (Si ea pec-  
 catrix fuit de qua septem eiecta fuerant  
 dæmonia). Quemadmodum Petro, que-  
 admodum Paulo fortasse condonauit.  
 Cum hoc enim absoluta diuinæ maiesta-  
 tis virtutē cōuenire constat, vt postquā  
 rationis vsu nati sumus, teneamur ob

eam quam adduximus rationem, nostram omnia crimina singulis annis in Sacerdotis aurem confiteri. Non est autem hæc ipsa annua Confessio in Christianorum aut infelicitatē, aut miseriam retorquenda: propterea quòd ipsi soli hoc onere comprimantur. Nam ceteræ quidem nationes, ut secretioris istius Confessionis usum reiiciunt, ita Confessionis fructu commodoque destituuntur. Quòd fit ut illæ perpetua peccatorum culpa commaculentur, perpetuumque diaboli iugum ferant: Christianus verò populus à peccati labe mundetur, in perpetuamque animi Libertatē Christi nobis sanguine paratam, vindicetur. Non impedit postremo, quòd fides omni credenti ad salutem operetur, iustusque ex fide viuat. De ea enim fide intelligendum est, quæ & Christo Opt. Max. diuinum exhibeat cultum, & sit cum Christianæ legis obseruatione coniuncta. Quòd si quispiam Christi baptismo dilutus, credensque in Christum, à Christianis legibus, à Christianisque Sacramentis abhorreat, inutilis sibi incommodaque ad salutem est sua illa arida & monstruosa

(vt ita dixerim) fides. Imò tantò graui-  
ori digna est supplicio, quantò maiori in  
Christū, qui cū sui populi numero ad-  
scripsit, igratitudinis nota cōmaculatur.

*Quòd maiorum quorundam ca-  
suum reservatio ad Pontificem,  
Cristianæ non derogat Liber-  
tati.* CAP. XIX.



Vi malè perditèque  
de Romana sentiunt  
Ecclesia, vniuersas  
Pontificum leges ac  
sanctiones in quandā  
reiicere seruitutē stu-  
dent. Sicque plebem  
Libertatis auidam, ab eius obediētiā ni-  
runtur euertere. Dicunt autē (vt cæ-  
tera omnia omittamus) nobis Sacramē-  
talem hanc tuam confessionem, quæ in  
sacerdotis aurem immurmuratur, de ma-  
nibus extorseris, sitque (vt ais) Christi le-  
gibus constituta, nunquid non extremā  
nobis seruitutem iniicit, quòd maiorum



quorundam scelerum examinationem ad suum Romanus Pontifex iudicium euocarit: minorum tantummodo delictorum inferioribus sacerdotibus absolutione permessa? Nónne sicut Petro dictum est, Quodcunque solueris super terram, erit solutum & in cælis: ita & cæteris Apostolis, Quodcunque solueritis super terram, erit solutum & in cælis? Itē, Quorum remiseritis peccata, remittuntur eis? Si ergo omnibus Apostolis pro se, próque suis successoribus absoluendi facultas absque omni discrimine cōcessa est: qua ratione hanc sibi Romanus Pontifex autoritatem vendicat, ut ad se tantummodo velit maiora deferri crimina? Hoc enim & sacerdotum consecrationi derogari luce clarius patet. Nam dum consecratur sacerdos, illi dicit Episcop⁹: Accipe Spiritum sanctum: quorum remiseris peccata, remittuntur eis: & quorum retinueris, retenta sunt. Quo fit ut sacerdotes omnes in hac peccatorū relaxatione videātur æquales. Verū enim uero attendendum nobis imprimis est duplicem in catholica Ecclesia esse super corpus Christi mysticam potestatem:

Vnam scilicet ordinis, alteram iurisdictionis. Ordinis potestas illa est, quæ sacerdotij rationem naturamque concomitatur: per quam (inquam) sacerdos in se habet vt à peccatis hominem absolvere possit. Illam verò iurisdictionis potestatem dicimus, qua in alterum quis, veluti eius iudex, potest iudicium exercere. Omnibus igitur Apostolorum discipulorumque successoribus Christus æquam ordinis contulit potestatem. Petri verò successori nō modò ordinis, verum etiam iurisdictionis copiosissimam potestatem impartiuit. Illum enim Catholicæ suæ Ecclesiæ caput instituit, ei que & oves & agnos suos vt pasceret, fratresque confirmaret imperauit. Cui autem omni fariam cuiuspiam multitudinis demandatur cura, ei quoque & iurisdictionis facultas impartitur. Considerandum præterea est, eum ipsum qui aliquē à peccato iure proprio debet absolvere, vtraque authoritate oportere esse munitum. Nisi enim ordinis potestatem haberet, absolvere neminē posset. Nisi etiam in aliquem, tanquam in subditum iurisdictione potiretur, in ipsum

non posset iudicium, quod ad absoluen-  
dum exigitur, exercere. Omne enim iu-  
diciū in subditum exercetur. Quem-  
admodum & cuiuslibet virtutis propri<sup>9</sup>  
actus propriam deposcit materiam: Iu-  
risdictione autem atque praelatione quis  
subditus efficitur sacerdoti. Quamobrē  
Romanus Pontifex, cuius iurisdic-  
tio in omnes effunditur, Christianum quēque  
à peccato potest absolvere. Cæteri verò  
sacerdotes non quoslibet, sed eos tan-  
tummodo qui eis in subditos fuerint de-  
finiti. Cæterum quemadmodum non in  
omnes sacerdos quilibet sui ordinis po-  
testate uti potest ( nisi fortasse casus sese  
mortis obtulerit, etsi sacerdotalis pote-  
stas suapte naturā sit ampla: ) Ita quan-  
quam in omnia potest crimina, uti tamē  
ampla hac potestate nō potest, ubi is qui  
Christianam Rempubl. in spiritualibus  
moderatur, aliquam eiusmodi potestatis  
v sui modum terminūque præscripse-  
rit. Vnicuique enim Principatui commu-  
ne est, ut sub Principis potestate ita om-  
nium ordinum capita constituta sint, ut  
nihil agant, nisi quantum eis à Principe  
fuerit demandatum, aut certē permis-

sum. Nam quemadmodum eos constituere iudices quos idoneos iudicauerit, in eius est arbitrio collocatum: ita & causarum certum numerum certamque naturam, eorū iudicio permittere potest, cæteris suo reservatis arbitrio. In cælestis namque hierarchiæ ordine, quæ rebus omnibus corporalibus præest, illi Angelorum ordini (quos Potestates appellat) inferiora omnia, diuina dispositione subiecta esse sacrorum aucthorum nixi auctoritate cēsemus. Principatibus qui naturā inferiores sunt, singulas distribuim⁹ provincias. Angelis verò qui Principatibus subsunt, particularium hominū curam adscribimus. Sicque quanto in inferiori naturæ loco Angeli sunt constituti, tanto virutis eorum vsus limitatior atque contractior. Concesserim ergo sacerdotibus omnibus & à Christo, & ab eorum consecratore dictum esse, Quorum remiseritis peccata, remittuntur eis: & quorum retinueritis, retenta sunt: atque idcirco, pacem in omnibus esse ordinis potestatem. Sed istud addiderim, eiusmodi potestatis vsus, quantum ad peccatorum absolutionem, in eos tantūmo-

do qui sint subditi, in eâq; dūtaxat crimina, quæ suo superior iudicio non reseruari, exerceri posse. Bene enim institutæ Reipub ordo deposcit, vt ille ipse qui supremum in ea ordinem gradūmq; tenet, inferiorum omnium ordinum moderator existat. Quamobrē vt in huiusce sacerdotalis potestatis vsu designaretur ordo, Primū soli Petro cælorū clauēs promittūtur, illique soli, cæteris spectantibus Apostolis, dicitur, Quodcunq; solueris super terram, &c. Tum aliis ligandi atque soluendi tribuitur facultas. Ex hoc ipse enim collatæ potestatis ordine possumus aperteprehendere, sacerdotum omnium potestatem sub auctoritate Petri fuisse constitutam, possēque à Petro potestatis illius vsum ad certas personas, ad definitaque crimina colimitari. At illud prætereundum non est, quod etsi iurisdictionis potestas ad extrinsecum contentiosūque causarum iudicium referri videatur: communiori tamen Catholicorum vsu & ipsa facultas aliquem in secretiori conscientie foro iudicandi, iurisdictionis potestas appellatur. Est enim facultas quædam sub

dito in pœnitentiæ foro ius dicendi. Quae  
 itaque fronte. (vt eò reuertar vnde di-  
 gressus sum) negare quispiam aufit, pos-  
 se Pontificem max. quædam ad se flagi-  
 tia esse referenda decernere? Totus enim  
 Ecclesiasticæ Hierarchiæ inuertitur or-  
 do, quædamque in Christiana Republ.  
 suboritur confusio, si Episcopi Romano  
 Pontifici, Episcopisque presbyteri om-  
 ni ex parte constituuntur æquales. Effi-  
 citur enim vt nullus sit Ecclesiæ Princi-  
 patus, Christianaque Respub. nulla sit.  
 Quanquam enim sub aliquod tēpus in-  
 ter maiores minorésq; presbyteros nul-  
 la nominis differentia fuerit (vt diuus  
 Hieronymus in epistola ad Titium scri-  
 bens, testatur) Promiscuè nanque (vt ex  
 priori ad Timoth. epist. cap. 5. & ex libro  
 de Actibus apostolorum, cap. 20 constat,  
 Episcopi dicebantur atque presbyteri.)  
 Re tamen ipsa (vt est apud beatū Dio-  
 nysium, lib. de Ecclesiast. Hierarch. ca. 5.)  
 quædam semper inter eos, etiam Aposto-  
 lorum temporibus, authoritatis fuit di-  
 stinctio. Vnde gloss. super illud Luc. 10.  
 Post hæc autē designauit Dominus &c.  
 Sicut, inquit, in Apostolis forma est Epi-  
 scoporum

scoporum, sic & in septuaginta duobus  
discipulis forma est presbyterorum se-  
cundi ordinis. Ecclesiæ deinde consue-  
tudine ad euitationem schismatis inole-  
uit, ut maiores sacerdotes, Episcopi: mi-  
nores verò, presbyteri non inent. Qua-  
re presbyteros Episcoposque pari esse  
authoritate fateri, inter hæretica dog-  
mata Arrianorum beatus August. in lib.  
de Hæresibus, enarrauit. At quætere pos-  
sent Lucherani: Agedum, possit Roma  
Pontifex; possunt & reliqui Antistites,  
quæ voluerint crimina suo reseruare iu-  
dicio: quod commodum, quam vtilitatē,  
Christiano populo adferet hæc criminū  
reseruatio? Videtur enim hoc diabolicū  
esse inuentum, fuisseque ad quæstū tan-  
tummodo excogitatum: quando præfer-  
tim offerre pecuniā oporteat, si debeat  
eiusmodi criminis absolutio à Pontifi-  
cibus extorqueri, vtilitatem dicam. Sed  
primū, falsum quod iaciunt fundamē-  
tum, est eruendum. Non est (ut fingunt)  
ad quæstum; sed ad salutem hominum  
hæc criminū reseruatio excogitata. Sunt  
fortasse episcoporum quidam, qui eo a-  
uaritiæ ac sacrilegij scelere commacu-



lentur, vt quæstus gratia quædam ad se  
 euocent crimina. Sed qui veræ religio-  
 nis Christianæ obseruatores sunt, ad  
 Christianorum tantummodò salutem  
 hacin re prospectant: nibilque aliud cu-  
 rant, quàm vt Christo animas eius san-  
 guine redemptas, reddât innocuas. Hæc  
 ergo reseruationis criminū vtilitas est,  
 quòd à maioribus grauioribúsq; flagi-  
 tiis perditii homines absterrétur, dum in  
 obtinenda eorum absolutione paratam  
 ipsis esse difficultatem intelligunt: vi-  
 dentque ad Pontifices recurrédum esse.  
 Hac eadem ratione pecuniaria nonnun-  
 quã pro eiusmodi criminibus inducitur  
 pœna. Nam in tantum avaritiæ cumu-  
 lum deuenerimus, vt pluris pecunia-  
 rum iacturam faciamus, quàm ieiunio-  
 rum, quàm peregrinationum, quàm vigi-  
 liarum omnium cruciatum. Quò fit, vt  
 qui in flagitia proni sunt, pecuniariã ma-  
 gis quàm quâuis alia pœnã à perpetra-  
 tione criminum deterreatur. Hoc igitur  
 commodi ex hac peccatorum reserua-  
 tionereferimus, quòd ab ea peccandi li-  
 centia deterremur, quæ nos in æternam  
 damnationem præcipites fortasse traher-

ret. Neque igitur Romanæ sedis, neque  
Præsulum aliorum consuetudo (ut quæ-  
dam grauiora ad eorum tribunalia tra-  
hantur crimina) vllâ est ex parte dâ-  
nanda: quando non pecuniarum cupi-  
ditati, sed extirpandi sceleris desiderio  
sit adscribenda. At quoniam in eam in-  
cidimus temporum calamitatem, ut à  
perditis quibusque, obscuris que homini-  
bus Romanæ sedis taxentur mores.

(Quauis pia quadam animi religio-  
ne sint à sanctis Patribus introducti:)  
sanctissimum fortasse esset, si legibus  
decerneretur, ne Sacerdos quispiam pe-  
cuniariam sibi pœnam pro Confessio-  
nis auditione deposceret. Sed si

scelerum grauitas, personarū-  
que conditio postularet, ut  
pecuniariâ peccator di-

lueretur pœna, eâ

in Christi pau-

peres, con-

fessoris

arbitrio partiretur.

N ij

*An Seruitus, qua hominis seruus  
aliquis constituitur, cum Evan-  
gelica Libertate consentiat.*

## CAP. XX.



Voniam autem ple-  
rūque euenit, vt vnus  
in priuatā alterius ser-  
uitutem cedat: nō ab-  
re sanè erit vestigare,  
an Seruitus hæc pos-  
sit cum Evangelica Li-  
bertate conuenire. Nam si Christi bene-  
ficio ab omni seruitute vindicamur, quī  
Christianæ legi congruum esse potest, vt  
is qui in Christi militiam nomen dedit,  
in pistrinum dedatur: ad molam, iugū-  
que subeat seruitutis? Quod si Christia-  
num hominem seruitus dederet, est que  
à Christianis legibus aliena: quid causæ  
est, quod Romanus Pontifex (cuius est  
Christianorū Libertatem ad sanguinem  
tueri) hanc fert hominum seruitutem,  
eamque comminentibus oculis præte-  
rit atque dissimulat? Principi enim, ei

præsertim qui vicariam Christi personam gerat, tam turpe est, mala æquo animo tolerare, quàm iniqua cõmittere. Accedit, quòd qui fidem Christi profitentur, Dei filij sunt censendi. Vt enim Ioan: primo cap. dicitur, Dedit eis potestatem filios Dei fieri, iis qui credunt in nomine eius. Filij autem Dei ab omni seruitute sunt liberi; iusta illud Matt. 17. Ergo liberi sunt filij. Cæterùm, ea seruitutis ratione specièque prætermissa, qua is qui alteri aliquo iure subiicitur, eius servus modo potest nuncupari. Atque etiam ea, de qua Philosop. i Politic. tractans inquit, eos qui mente providere possunt, suapte naturâ dominos esse: qui verò nequeunt providere, sed corpore quæ iuvantur exequi valent, naturaliter servos. De ea seruitute habendus sermo nobis est, qua quis lege constituta alterius gratia tantummodo, hoc est ad alterius cõmodum operatur. Sicuti liber homo is dicitur, qui in propriam vtilitatem sua potest opera retorquere. Attèndendum autem diligenter censeo, hanc hominum seruitutem naturæ vno quidem modo congruere, alio verò repu-

gnare. Nam si naturam hanc nostram  
 ut est communi vitio deprauata, specte-  
 mus, naturalis profectò aliqua ex parte  
 dici potest: ut est fames, ut ægritudo, ut  
 mors, cæteraque id genus corporis in-  
 commoda. Naturalis enim ratio hoc in  
 primis suggerit, ut boni simus, legibúsq;  
 rationis nostrum viuendi modum accõ-  
 modemus. Quòd si eueniat ut à recto  
 peccando secedamus, hoc secundo loco  
 suadet ratio, ut cõmeritam peccati pœ-  
 nam persoluamus. Quum itaque à diui-  
 na lege, humana nostra natura vix in lu-  
 cem edita descuerit, illi iure optimo, na-  
 turali consentiente ratione, est in pec-  
 cati vindictam irrogatum: ut cum aliis  
 corporis incommodis vnus etiam in al-  
 terius hominis possit cedere seruitutẽ.  
 Quare si primum nostræ mentis confi-  
 deremus, esse præter naturam hanc ho-  
 minis seruitutẽ cõseamus oportet. Nam  
 quum primum nostræ mentis institutũ  
 sit ut boni efficiamur, nostrámque vir-  
 tuti operam incũbamus: si à virtute defici-  
 mus, hancque ob causam in iugum la-  
 bimur seruitutis: neminem latet hanc  
 corporis seruitutem præter primã men-

tis intentionem euenire. Quòd si secundū naturæ quæ peccauit, spectetur propositū, naturalis perfectio nobis est hic seruitutis euentus. Quippe quòd quàm maximè naturali rationi consentaneum sit, vt eam diuini doni destitutione, quā peccando commeriti sumus, quàm plura corporis sequantur incommoda, quæ diuino illo munere tenebantur occlusa. Quemadmodū enim hæc est prima naturæ generalis intentio, vt fœtus integer, omni que ex parte perfectus edatur. secūda verò, vt si perfectus edi non potest, quod proximū perfectioni est, mancus & imbecillus edatur. (Vnde & monstruosi partus etiam à natura modo quodam prouenire dicuntur.) Ita & prima nostræ rationis inclinatio est, vt virtute moribúsque ornati simus. Secunda verò, vt si à virtute diuinis que legibus mentem auerterimus, per corporis incommoda, quibus cōnumeranda seruitus est, refarciatur culpa. Inde euenit, vt omnes corporis molestiæ, quæ primum hominis peccatum cōsequutæ sunt, vt fames, vt sitis, vt dolor, vt seruitus, naturalis ratio iusta esse definiat. Cæterum & hoc

spectandum nobis est, ita naturalem aliquam ex parte hanc seruitutem esse, ut humanis etiam legibus sit constituta. Nam quo poena quædam hominis est ex parentum primorum crimine in posteros propagata, naturali ratione suadetur quod tamen huiusce conditionis vir seruituti alterius adiiciendus sit, humanis legibus definitum est. Istud quoque præter eundem non est, quod qui duplicem seruitutem superius esse dixerimus: eam scilicet, quâ is qui peccatum committit, Saluatoris nostri sententia, seruus est peccati: & eam, quâ vnus homo alteri ad seruilia obsequia, quæ (inquam) corporis vsu efficiuntur, est obstrictus lege, Christi max. gratiâ ac beneficio ab vna sumus seruitute redempti, ab altera vero minime. De seipso enim Apostol. ad Rom. cap. 7. ait: Mente legi Dei seruius, carne autem legi peccati. Quod quum seruitus hæc ad carnem, non ad animum spectet (Errat enim, inquit Seneca. 3. de Benefic. lib. si quis existimat seruitutem in totum hominem descendere: Pars enim melior excepta est. Corpora obnoxia sunt & adscripta dominis, mens est sui



iuris.) Eam ipsam Christiano quoque homini conuenire posse, haud dubium est. Nō enim Christus humanam induit carnem, vt iustitiæ ordinem inturbaret: sed vt per eius fidem in summa obseruantia iustitia esset. Concedendum ergo indubiè est, Christianæ illi libertati, quam nobis Christus Opt. comparauit, hanc corporis non repugnare seruitutē: quando præsertim humilitatem sibi nostra religio maximis in lucris collocauit. Quamobrem, si seruus quispiam Baptismo diluatur, libertatem quidem nanciscitur à peccato: sed ab ea seruitute, quā homini est adscriptus, minimè liberatur. Hoc autē ex quā plurimis sacræ scripturæ locis confirmari facillimè potest: in quibus de seruis Christianis expressa sit mētio. Ad Coloss. enim ca. 3. inquit Apostolus: Serui, obedite per omnia dominis carnalibus, nō ad oculum seruientes, quasi hominibus placentes: sed in simplicitate cordis timentes Dominum. Itē ad Ephes. cap. 6. Serui, obedite dominis carnalibus cum timore & tremore, in simplicitate cordis vestri, sicut Christo. Ad Titū, quoque. 2. cap. scri-

bens, ca. 2. ait: Serui, subditi estote in omni timore dominis, non tantum bonis & modestis, sed etiam discolis. Si ab omni humana seruitute Christiani liberi esse deberent, tanto ab hisce Apostolis non admonerentur studio, ut suis dominis in timore seruirent. Nisi nanque Christianorum aliqui extitissent serui, nequaquam suas ad seruos exhortationes Apostoli conuertissent. Videtur & à diuina lege seruitus hæc duxisse originem: & tam iure gentium, quam Ciuili, ac Põtificia lege (quam consultò prætereo) confirmata. Filio enim suo Chã, maledicēs Noe ait: Seruus seruorum erit fratribus suis. Cæterum, licet humana hæc seruitus Evangelicæ nõ deroget Libertati, hominis tamen legibus aliquis illi modus constitutus est. Aliqui enim Canonice legis dispositione, aliqui verò Ciuilis iuris sanctionibus efficiuntur serui. Verum quòd aliquos emptione emptoris seruos esse definiunt, si ad Christianos referatur, intelligendum est, dummodò ascripti antea fuerint seruituti. Nam Christianus is qui nõquam alterius seruum egit, per emptionem constitui seruus legum de-

claratione non potest. Sunt enim qui & ab ipsa natiuitate adaſti ſint ſeruituti: ij (inquam) qui ex ſerua enaſcūtur matre. Multa ſunt de cuiſmodi ſeruitute Principum legibus definita: ſed breuitati ſtudeo, omitto. Hoc ipſum tantummodò repetens dixerim, per eam Euangelicam Libertatē, quam nobis ſeruator noſter Chriſtus Dominus, ſuo ſanguine comparauit, hanc ſeruitutis conditionem adeptam non eſſe: quippe quòd ea corporis tantūmodò ſit: Chriſti verò operā animi ſinus Libertate donati. Quanquā enim gratia Dei filij Dei conſtituamur: atque iccirco à peccati ſeruitute in plenam animi Libertatem vindicamur: eam tamē nō effugim⁹ ſeruitutē, qua in alterius obſequia obſtringi poſſumus ac deuinciri.

*Quæ ſint Euangelica Libertati  
uerè contraria.*

## CAP. XXI.



Væ Evangelicam apud  
 Lutheranos videbatur  
 euertere Libertatē, ea  
 nos cum ipsa magnope  
 rē conuenire superius  
 ostendimus. Restat vt  
 ea breui stylo disquirā  
 mus, quæ hanc Libertatem diruunt, fun-  
 ditusque euertunt. Igitur quum primam  
 insigniorēque Christianorum liberta-  
 tem eam esse definiuerimus, quæ homi-  
 nem à peccati seruitute diducit: hoc ip-  
 sum imprimis Euangelicæ Libertati de-  
 rogare dicemus, quod hominem in pec-  
 cati conijcit seruitutem. Caterū quæ  
 fuerit, quispiam, an quocunque Christia-  
 nus crimine commaculetur, Euangelica  
 destituatur Libertate, in miserāque ser-  
 uitutem pertrahatur: propterea quod eū  
 qui peccatum facit, seruū esse peccati  
 Dominus definierit. Putauerim ego non  
 hanc esse Domini sententiam, vt quum  
 primū quispiam crimē admiserit, per-  
 petuæ peccati seruituti sit addictus: Sed  
 tunc tantummodò peccati seruū effi-  
 ci, quum perseuerat in crimine, nullāque  
 adhibet studium, vt sese de peccati

culpa proripiat. Nam peccatum ( ut est apud B. Gregorium ) quod mox per penitentiam non deletur, suo pondere in aliud trahit. Qui enim aliquo irretitur vitio, nullaque inde se diuellere arte nititur ac perquirat, tanquam peccati captiuus, maloque affectus animo, in similia facillimè prolabitur crimina. Quare qui mente obstinata, induratoque animo, Sacrosanctam Romanam sedem, communem Christianorum omnium matrem, suis impetit maledictis: ipsūque Romanum Pontificem maximum nostrum omnium Patrem, Pastorem, ac Gubernatorem, de suo decedere throno conatur: is profectò contra Libertatem Christianā pugnat, nephādisimique sceleris cōstituitur seru⁹, villissimūque mancipiū. An non peccati extremā subit seruitutē, qui Matri huic nostræ, omni ex parte sanctissimæ, sanctissimoque itidem Patri vllas execrando etiam mēdacio maculas omnibus quibus potest modis, studet inurere. Qui enim (inquit Dominus) patri aut matri maledixerit, morte moriatur. Si is præterea à Deo Optimo Maximo ma-

*Ecclesia cō-  
munis om-  
nium fide-  
lium mater  
Summ⁹ au-  
tem Ponti-  
ficer.*

ledicatur, qui matris suæ turpitudinem  
 reuelauerit: quid illi euenturum cen-  
 semus, qui aduersus matrem falsa con-  
 mentitiâque crimina confinxerit? Ec-  
 quid? num est Cham ob crimen in pa-  
 rentem commissum, ab ipso suo paren-  
 te maledictus? Quid ergo vobis, Lu-  
 therani, quid tandem superuenturum  
 putatis, qui aduersus patrem vestrū Ro-  
 manum Pontificem innumeras calum-  
 nias ementiri non erubescitis: ipsūm-  
 que non modò vos, derisui habere vi-  
 demini, verumetiam fratres vestros, vt  
 illi subsannent, nasūmq; contorqueant,  
 prouocatis? Omne quidem virus vestrū  
 in Pontificis primū detractiōem col-  
 ligitis, tum illud aduersus Romanam  
 Ecclesiam, non minus vestro, quàm a-  
 liorum detrimento profunditis. Hoc  
 sanè est quod vos ab Evangelica Liber-  
 rate propellit, in miserrimāque pec-  
 cati seruitutem adducit. Quoniā enim  
 Patri, Pastorique vestro parēre contem-  
 nitis, imò eius instituta pessundatis, imò  
 Christi fideles in eius armatis perniciē:  
 atrocissimo vestro hosti inseruiatis o-  
 portet. Quò fit, vt dum ceteros vestra

opinionē ( rectius dixerim vestris ineptiis ) vestrisque commentis, in libertatem asserere velle contenditis: ipsi non modò in seruitutem, verum etiam in calamitosam atque miseriarum plenam vitam incauti imprudentesque incidatis. Nunquid præterea non à fundamentis Christianā eruitis Libertatem, quum omnium Patrum omniumque Conciliorum decreta damnatis: atque eorū leges & sanctiones abrogandas esse publicè prædicatis? Quid? nonne Christianum populum à sanctissimorum Antistitū statutis auertitis, vt vestris eos moribus, vestrisque sordidissimis implicetis inuentis? Sed dum condendarum legum facultatem à Romano Pontifice ( qui Christi locum tenet in terris ) à sanctisque illis Patribus, quibus continuè ante mentis oculos obuersatur Christus, adimitis, in vestram diabolique perpetuam seruitutem vniuersos vindicatis. Sicque perditā vestrā operā, fallacię studio Christiana Libertas prostrata iacet, pedibusque calcatur. Quāobrem quod Matth. 9. cap. legimus, vestris infandis moribus optime quadrat. Si enim ( inquit dominus no-



ster) vinum nouū mittatur in vtres ve-  
 teres, vtres rumpuntur, & vinum effun-  
 ditur. Hoc est, Si perfectæ vitæ mandata  
 in imperfectos homines immittantur,  
 contemnuntur certè, reijciuntur, pro-  
 culcantur: atque ex ipso cōtemptu in pe-  
 iora grauioræque crimina ipsi imperfe-  
 cti homines dilabuntur. An non recor-  
 damini in Prouerbiorum libro perscri-  
 bi: Per me reges regnant, & legum con-  
 ditores iusta decernunt? Paulus quoque  
 ad Rom. scribens, 12. cap. ait: Omnis po-  
 testas humana à Deo est: & qui potestati  
 resistit, Dei ordinationi resistit? Nunquid  
 vsque adeò cæcutitis, luminibûsque capti  
 estis, vt vos in peccati seruitutem, in ma-  
 nûsque diaboli præcipites, dari non de-  
 prehendatis? Si vos Euangelicæ Liberta-  
 tis incessit desiderium, parendum vobis  
 est Pontificiæ potestati, parèdum autho-  
 ritati Ecclesiæ, parendum sacrorum Cō-  
 ciliorum decretis. Cōfitendum præterea  
 vobis est ad Euangelicā Libertatem hoc  
 maximè pertinere, vt pro maximorum  
 Pontificum voluntate condantur leges,  
 quæ in Christiani populi commodū sine  
 & vtilitatem. Cæterum, te appellauerim,  
 Euthere,

Luthere, Dicito mihi: Nunquid non à Christiana Libertate, à bonis moribus, à fidej integritate digreditur, qui se ab vniuersalis Ecclesiæ consuetudine pro sua volūtate subducit, aliósque vt se ab eius præripiant institutis, hortatur, admonet, impellit? Audi quod ad Casulanum scribit B. Augustinus: Mos, inquit, populi Dei, & instituta maiorum pro lege sunt tenenda. Et sicut præuaricatores legum diuinarum, ita & contemptores consuetudinum Ecclesiasticarū coercendi sunt. Quid? Nónne ab Ecclesiæ moribus tui abhorrent sectatores? Nónne tu alienas à Christi Ecclesia leges inducis? Quis autem te legumlatorem, imò iustarum omnium legum distractorem euerforéque constituit? Vnde huiusce potestatis tibi possis fidem arrogare? Nunquid à Christiano delectus es populo, vt eius leges, statuta, decreta prostituas? Huius electionis profer diplomata. Si tu a Christo Opt. Max. tua temeritate delectum contenderis, quod nobis iudiciū affers? Cui etiam iurato credendum non esset, simplici eius assertioni adhibebimus fidem? Nouimus sanè cum diuo Christo-

homo, nescire diuinam iustitiam, patrociniū præstare criminibus. Quòd si tere Christiani populi doctorem, gubernatorem, moderatorem constitueris, Apostolicæ memento sententiæ: Nec quisquam assumit honorem sibi, sed qui vocatur à Deo tanquam Aaron. Vereor sanè, ne quod Antiocho contigit, id quoque tibi in malam crucem eueniat. Pari enim pœna plectendi sunt qui paria committunt crimina. An nō similia, Luthe-  
 re, Antiochi criminibus commisisti? Ille Iudaicum populum, qui sub peculiarem quandam Dei tutelā agebat vitam, à patribus (vt 2. Machab. lib. legitur) transferri compulit, iussit vt templum quod Hierosolymis erat, contaminaretur, Iouisque Olympi diceretur, templum illud luxuria & comessationibus repleuit. Sabbata postremò & solènes patrios ritus sustulit: Nunquid non tu Christianū populū à suis patriis legibus in tuas impias sacrilegāsque traditiones transtulisti? Nunquid non Christi templum, hoc est Ecclesiam Christianam, cominaculasti, foedasti, contaminasti? Nunquid nō sanctissimum hoc templum luxuria co-

inestationibúsq; replesti? Nunquid non Sabbata solennésque ritus Christianos aboleuisti? Quemadmodum igitur de Antiocho legitur, quoniám orabat scelerstus dominum, à quo non erat misericordiam consequuturus: ita & te, inutilis manet pœnitétia. Si te Christiana Libertas. tãtopere delectat, verã quære Christianorum libertatem: eam, inquam, quæ à peccato liberat: non eam quæ est cum peccati seruitute coniūcta. Noli à Christi lege desciscere, noli antiquos nostros mores abiicere, noli antiquam tuam fidẽ immutare: sed diuum Hieronymũ, non minus sanctum quàm doctum, sequere, qui ad Pammachium & Octauium scribẽs ait: Illam semper tenebo fidẽ, in qua natus sum: Sit, Germani populi Christianissimi semper habiti, sit (inquam) apud vos anathema, qui vobis aliam fidẽ, alios mores prædicat, quàm sancta Romana doceat Ecclesia: ignique interdicitur & aqua: imò aut absumatur igni, aut aqua suffocetur. Nunquid non illius seruatoris nostri monitionis memoriam tenetis, quã ait: Qui scãdalizauerit vnũ de pusillis istis qui in me credunt, expe-

dit ei vt suspendatur mola asinaria collo-  
eius, & demergatur in profundum ma-  
ris? An non putatis scelestum istum Lu-  
therũ vobis esse scandalo, qui vos in dia-  
boli manus iniicere studet? qui sacras  
vestras virgines commaculat? qui reli-  
giosorum vota prosternit? qui denique  
totis viribus incredibili molitur auda-  
ciã: vt Dei Max. iram furorẽque in ve-  
stra damna conuertat? Eãrne Euange-  
licam libertatem, quæ perpetuò vos di-  
uini numinis hostes efficiat? Non est  
hæc libertas vobis, qui Christum Opti.  
Max. præ omnibus nationibus colere cõ-  
sueuistis, exquirenda: sed ea quæ vos ad  
bene viuendum, ad veram fidem, ad Ro-  
manæ sedis obedientiam, ad Dei bene-  
uolentiam viam paret. Quam voluerit  
fidem, libertatem, licentiam, Lutherus  
habeat: nos Sacrosanctam Romanam  
Ecclesiã veneremur colamũsque, eã-  
que Euangelicam esse Libertatem exi-  
stinemus: quam Romani Pontifices,  
quam antiqui Patres, quam sacra Conci-  
lia celebrarunt.

# Summa Capitulorum.

Cap.i. Quid Libertas, & quibus con-  
uenit.

Cap.ij. De partibus Libertatis.

Cap.iiij. Quid sit Evangelica Libertas.

Cap.iiij. Quòd Christianæ Libertati  
non derogat esse supremum u-  
num principem, à quo Christia-  
na respub. gubernatur.

Cap.v. Petrus à Christo Ecclesiæ ca-  
put instituitur.

Cap.vi. Romanus Pontifex in Rep.  
Christiana locum obtinet.

Cap.vij. Ecclesia Christi una est.

Cap.vij. Leges à summo Pōtifice atque  
à concilijs editæ, Christianæ nō  
derogant Libertati.

Cap.ix. Excommunicatio Christianam  
Libertatem non minuit.

Cap.x. Terrenū Rom.pōtificis imperiū

*Euāgelicæ nō derogat Libertati.*

*Cap. xi. Pecuniarum collectæ non tollūt  
Libertatem Euangelicam.*

*Cap. xij. Ieiuniorum institutio non offen  
dit Euangelicam Libertatem.*

*Cap. xij. Ceremoniarum Ro. Ecclesiæ  
observatio non repugnat Liber  
tati Euangelicæ.*

*Cap. xiiij. Continētia præceptum sacris  
ordinibus annexum non obstat  
Euangelicæ Libertati.*

*Cap. xv. Monachorum continentia  
Libertati Christianæ conspirat.*

*Cap. xvi. Monachorum status Liber  
tati Euangelicæ nō aduersatur.*

*Cap. xvij. Sacramentorum plurium  
usus Euangelicæ Libertati con  
sentit.*

*Cap. xvij. Confessionis sacramen  
talis institutio cum Euangelica  
Libertate concordat.*